

ԷԶՄԻԱԾԻՆ



1963

ՌՆԺԳ

Ի ՏԱՐԻ

Յոկիս - Օգոստոս

2-8

ԷԶՄԻԱԾԻՆ

ՌԱ-5080

ՊԱՇՏՈՆԱԿԱՆ ԱՄՍԱԳԻՐ
ՀԱՅՐԱՊԵՏԱԿԱՆ ԱԹՈՌՈՅ
Ս. ԷԶՄԻԱԾՆԻ

Է-Ը

1963





ԲՈՎԱՆ ԴԱԿՈՒԹՅՈՒՆ

	Էջ
ԽՄԲԱԳՐԱԿԱՆ—Պատմական այցելություն	3
Հայկական ՍՍՌ Միեխտարենի տվետին աղըքեր Հայ եկեղեցու գործերի խորհրդի նախագահ Կարլեն Լ. Դալախյանի այցելությունը Ամենայն Հայոց վեհապետ Հայրապետին	6
Հանուն աշխարհի խաղաղության և մարդկության բարօրության	7
Ամենայն Հայոց Հայրապետի ցավակցական հեռագիրը Նորին Սրբություն Հովհաննես ԻԳ Պապի մահվան առթիվ և կարդինալ Ալոիզի Մագելլայի պատասխանը	9
Նորին Սրբություն Ս. Տ. Պավլոս Զ Պապի ընտրության առթիվ Մայր Աթոռ Ս. Էջմիածնի և Վատիկանի միջև փոխանակված պաշտոնական գրությունները	10
ՆԱՐԵԿ ԱՐԵՂԱ ՇԱՔԱՐՑԱՆ—Մոսկվայի և Համայն Ռուսիո Պատրիարք Նորին Սրբություն Ալեքսիի եպիսկոպոսության հիսնամյակը	11
Հաղորդագրություն Քուրդիայի հայոց պատրիարք ամենապատիվ Ս. Շենորհ արևելահայկական Գալուստյանի Մայր Աթոռ Սուրբ Էջմիածին այցելության մասին	14
Քուրդիայի հայոց ամենապատիվ սրբազան պատրիարք Ս. Շենորհ արևելահայկական Գալուստյանը Մայր Աթոռում	15
Ցեղակցություն Քուրդիայի հայոց ամենապատիվ Ս. Շենորհ սրբազան պատրիարքի հետ	31
Հավատա և Կարգի համաշխարհային շարժող ժողովը Մոնրեալում	40
ՄԱՅՐ ԱԹՐՈՒՄ	43
Լիոնի հայոց Սուրբ Հակոբ եկեղեցու օծումը	44
Հ. Ճ. ՍԻՐՈՒՆԻ—Պալես և իր դերը	46
Ա. ՆԱԶԻԿՑԱՆ—Սայաթ-Նովայի տաղերը եվրոպական լեզուներով	54
ԼՈՒՐԵՐ ՄԱՅՐ ՀԱՅՐԵՆԻՔԻՑ	61



Խմբագրության հասցեն՝

ՀԱՅԿԱԿԱՆ ՍՍՌ, ԷՋՄԻԱԾԻՆ

«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».

Rédaction de la revue „Etchmiadzine“, Etchmiadzine, Arménie, URSS.

Մայր Աթոռ Ս. Էջմիածնի տպարան, 1963 թ.

ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՑ

ՎԵՀԱՓԱՌ ԵՒ ՍՐԲԱՋՆԱԳՈՅՆ ՎԱԾՈՂԻԿՈՍԻ
ԱՄԵՆԱՅՆ ՀԱՅՈՑ



Խ Մ Բ Ա Գ Ր Ա Կ Ա Ն

ՊԱՏՄԱԿԱՆ ԱՅՅԵԼՈՒԹՅՈՒՆ

Հուլիսի 13—23 օրերին, ուխտավորաբար Մայր Աթոռ Ս. Էջմիածնում էր գտնվում Թուրքիայի հայոց պատրիարք ամենապատիվ Տ. Շնորհք արքեպիսկոպոս Գալստյանը իր շքախմբի հետ:

1461 թվականին Կոստանդնուպոլսի հայոց Պատրիարքության հաստատումից ի վեր առաջին անգամն է, որ պաշտոնական այցով Մայր Աթոռ էր ժամանում Կոստանդնուպոլսի հայոց սրբապան պատրիարքը:

Ամենայն Հայոց Վեհափառ Հայրապետը, հուլիսի 13-ին, Մայր Տաճարում, Իջման Ս. Սեդանի առաջ, ջերմորեն ողջունելով Նորին Ամենապատվության այցելությունը Մայր Աթոռ, նշում էր.

«Իրոք խորապես կիռույն և կմխիթարեն Մեզ Ձեր այս պատմական այցելությունը և Մենք այն հաստատ ու քաղցր պագուժը ունինք, թե նոր լույս մը կրացվի այսօրվրեն սկսյալ Մայր Աթոռիս և Ձեր Աթոռին միջև, թեև միշտ սիրալիր եղած են Մեր Աթոռներու հարաբերությունները նաև անցյալին մեջ, Հայաստանյայց Եկեղեցվո կանոններուն, ավանդություններուն և միության սկզբունքին վեմին վրա հաստատուն»:

Սրբապան պատրիարք հայրը, խորապես պագաված Ամենայն Հայոց Վեհափառ Հայրապետի ողջույնի ջերմ խոսքերից, պատասխանում էր.

«Եկած եմ հատկապես փոխարինելու համար այն սփոփարար այցելությունը, որ Ձերդ Ս. Օծությունը շնորհեց Թուրքիո հայության 1961 թվականի հուլիսին, երջանկահիշատակ Տ. Գաբրիելի պատրիարքի վախճանման առիթով:

Վեհափառ Տե՛ր, բերած եմ նաև Ձերդ Ս. Օծության Թուրքիո իմ հայ համայնքին՝ Ձեր

հոգևոր զավակներուն՝ որդիական սիրո, հավատարմության և խոր հարումի պագուժմները:

Կվստահացնեմ Ձերդ Ս. Օծությունը, թե Ստամբուլի հայությունը կապված կմնա իր Եկեղեցիին և հայրենի ավանդությանց, ավանդություններ, որոնց գլուխը կգտնվի Մայր Աթոռ Ս. Էջմիածնին հավատարմորեն կապված ըլլալու գիտակցությունը»:

Արդարև, մեծապես նշանակալից և պատմական է Թուրքիայի հայոց սրբապան պատրիարքի այցելությունը մեր օրերին, Մայր Աթոռ:

Ինչպես Վեհափառ Հայրապետն է նշել, պատմության մեջ անցյալում միշտ սիրալիր են եղել Մայր Աթոռի և Կոստանդնուպոլսի հայոց Պատրիարքական Աթոռի հարաբերությունները:

Կոստանդնուպոլսի հայոց Պատրիարքությունը առաջին իսկ օրից հոգեպես կապված է եղել Մայր Աթոռ Ս. Էջմիածնին:

1453 թվականին Կոստանդնուպոլսի գրավումից հետո, այնտեղ գրված ամենահին երկու հայ ձեռագրեր՝ Ամիրդովլաթի «Գիրք ռամկօրէն»-ը (1474 թ.) և «Անգիտաց անպէտ»-ը (1478 թ.), Էջմիածնի Սարգիս կաթողիկոսին է որ հիշում են որպես Ամենայն Հայոց Հայրապետ:

1526 թվականին Կոստանդնուպոլսի հայոց պատրիարք էր ընտրվում Զաքարիա Բ կաթողիկոսի եղբորորդին՝ Գրիգոր Վաղարշապատեցին:

Մաղաքիա արքեպիսկոպոս Օրմանյանն այդ պարագան ապացույց է համարում նախապես հայտնած իր տեսության, թե «Կ. Պոլսո Աթոռը, որչափ ալ առաջները Կիլիկիո Կաթողիկոսության հետ հարաբերության մեջ կգտնվեր, սակայն հետզհետե թե՛ արևելցի հայաբնակության շատնալովը, և թե՛ Էջմիածնի վիճակներեն լավ

մաս մը Օսմանյան կայսրության կցվելովը, էջմիածինի Աթոռի հետ հարաբերություններ ընդարձակվեցան և հետզհետեւ անոր իրավասության հետ կապվեցավ Կ. Պոլստ պատրիարքությունը: Այս տեսակետներ շատ նշանակալից է վաղարշապատեցի և կաթողիկոսի եղբորորդի և էջմիածնի միաբան եպիսկոպոսի մը պատրիարքության ընտրվիլը» («Ազգապատում», Բ, Կ. Պոլիս, 1914 թ., էջ 2225—2226):

Այնուհետև Օրմանակն սրբապանը ելրակաց-
նում է. «Եվ այդ ատենն Կ. Պոլսո Աթոռը
վերջնականապես և բացառապես կապվեցավ
Էջմիածնի Մայր Աթոռին հետ» (նույն տողում,
էջ 2286) :

Անցյալում Կոստանդնուպոլսի հայոց պատ-
րիարքները համարվում էին նաև Ամենայն Հա-
յոց Կաթողիկոսի փոխանորդները («վեքիլ»-նե-
ր) թուրքիայում:

րո) Թուրքիայում:
Ուրախությամբ պետք է արձանագրել սա-
կային, որ մեր օրերին, մանավանդ Ամենայն Հա-
յոց Վեհափառ Հայրապետ Նորին՝ Ս. Օծու-
թյուն Տ. Տ. Վապգեն Ա-ի գահակալության տա-
րիներին, Հայ Եկեղեցու նվիրապետական բոլոր
Աթոռների հետ սիրո և գործակցության հոգևոր,
կանոնական կապը է՛լ ավելի է սերտանում և
ամրապնդվում:

1956 թվականի փետրվարին, Ամենայն Հայոց Կեֆափառ Հայրապետը պաշտոնական այցելություն էր տալիս Անթրիպատում Կիլիկյան Աթոռին, ամրապնդելու երկու Աթոռների անբախտելի միության կապը:

1961 թվականին հուլիսին Ամենայն Հայոց Վեհափառ Հայրապետը այցելում էր Ստամբուլ՝ Մայր Աթոռ Ս. Էջմիածնի օրհնությունը տանելու ժողովրդի հայոց Պատրիարքության և ժողովրդին:

1963 թվականի հոկտեմբերին Ամենայն Հայոց Վեհափառ Հայրապետը կայցելի Երուսաղեմ, անձամբ տանելու Իր ողջույններն ու հայրապետական օրհնությունները Երուսաղեմի հայոց Պատրիարքական Աթոռին, միաբանության և ժողովուրդին:

Այս գաղափարների և մտածումների լույսի տակ, Վեհափառ Հայրապետը Վեհարանում, ընդունելության ժամանակ, ողջունելով ամենապատիվ Տ. Շնորհի պատրիարքի այցելությունը Մայր Աթոռ, շեշտում էր.

«... Նոր էջ մը կբացվի մեր եկեղեցական
կյանքին մեջ:

Պատմության ընթացքին միշտ սիրալիր եղած են Մայր Աթոռին և Պուստ Պատրիարքության փոխհարաբերությունները: Բայց ահա Մեր օրերուն այդ սիրո և գործակցության կապը առավել են հեռուտասիր:

Մենք միշտ պիտի աղոթենք ու գործենք, որ պետպի Մայր Աթոռ Ս. Էջմիածնի սիրո և հոգևոր աշխատակցության կապերը հետպահեստն առավել

Զերմանան Մեր եկեղեցվո մյուս երեք նվիրա-
պետական Աթոռներուն հետ, որոնք բոլորը
միասին անբաժանելի մեկ ամբողջություն մը
կկապմեն՝ օրհնութեամբ և շնորհներովը Աստու-
ծո Միածին Որդւովն, որ լուսեղեն կերպարան-
քով այստեղ իջավ շատ դարեր առաջ և այդ-
լոյսի անդէկ զորութեամբ հիմնեց Ամենայն Հա-
յոց Հայրապետութիւնը, Գլուխը Հայաստան
այսց Առաքելական Ս. Եկեղեցվո»:

Թուրքիայի հայոց ամենապատիվ սրբական պատրիարք հոր լուստապետությունը Մայր Աթոռ է՛լ ավելի կամրապնդի Մայր Աթոռի և Կոստանդնուպոլսի հայոց Պատրիարքական Աթոռի պատմական, կանոնական հարաբերությունները:

Անցնող 500 տարիների ընթացքում, Կոստանդնուպոլսի պատրիարքական Աթոռի վրա բազմել են 80 պատրիարքներ, որոնցից ոմանք այդ Աթոռը ծածկել են փառքով, եկեղեցաշեն եւ ժողովդհանվեր գործունեությամբ:

1961 թվականի հոկտեմբերին, Ստամբուլի հայ համայնքի ներկայացուցիչների ձայնով, պատրիարքական այդ պատասխանատու պաշտոնին է կոչվում Տ. Շնորհք սրբապանը:

Պատրիարքական գործունեության անցնող քսան ամիսները խոսում են այն մասին, որ այսօր պատմական այդ Աթոռը, հանձին ամենապատիվ Տ. Շնորհք պատրիարքի, ունի մի արժանավոր գահակալ, որը, ստեղծված օրինական և գործնական պայմանների մեջ, հանրապետական թուրք կառավարության բարյացակամությամբ և Թուրքիայում ապրող հայ բարեպաշտ և ավանդապահ ժողովրդի սրտառուչ օժանդակությամբ, ձեռնհասորեն ղեկավարում է իր խնամքին հանձնված Թուրքիայի հայության հոգևոր, եկեղեցական, կրթական գործերը:

Ամենապատիվ Տ. Շնորհքը արշավանքը հոգևոր պետն է այսօր Ստամբուլում և Թուրքիայի գալառներում ապրող ավելի քան 80 000 հայու-
նան:

Շեն ու պայծառ են Ստամբուլում գործող 35 հալ եկեղեցիները, որոնք ունեն իրենց բաժանա- ները, դպրաց դասերն ու երգչախմբերը, հա- մայնքային խնամակալությունները՝ պատրիարք սրբապետ հոր հովանու տակ:

Պատրիարքը սրբազան հոր գործունեության մեկ կարևոր երեսն է կապում Ատամբուլի մի շարք հայ եկեղեցիների վերանորոգումն ու բարեպարտումը, նյութական և բարոյական օժանդակությամբ Ատամբուլի հայության, որի սրտում միշտ վառ է հավատի և բարեպաշտության կրակը:

Եկեղեցական վերաշինության հետ միասին, սրբապան պատրիարք հոր նախաձեռնությամբ, առաջ է տարվում հայ կրթական հաստատությունների վերանորոգումն ու շինարարությունը:

Պոլսահայ իրականության մեջ գործող համայնքային մեծ հաստատությունները, ինչպիսիք են Ս. Փրկիչ ազգային հիվանդանոցը, Գալֆայան և Գարակյուլյան որբանոցները, Սկյուտարի Ս. Խաչ դպրեվանքը և այլ կրթական, կարևոր հաստատություններ, իրենց խնամակալությանը հոգածության ներքո, պատրիարք հոր հոգևոր հովանու տակ, նախախնամական դեր են կատարում:

Անցյալ տարի Ստամբուլում եկեղեցական հանդիսությամբ նշվել է Ս. Մեսրոպ Մաշտոցի ծննդյան 1600-ամյակը, ինչպես նաև Թուրքիայի հայոց Պատրիարքական Աթոռի հաստատման 500-ամյակը:

Սրբազան պատրիարք հայրը նոր հեռանկարներ և ծրագրեր, «առաջադրություններ և իդեներ» էլ ունի, էլ ավելի կապակերպելու և արդյունավետ դարձնելու համար հոգևոր-եկեղեցական կյանքը, իր խնամքին հանձնված ժողովրդի ծոցում:

«Թող Աստված օրհնե մեր միասնության ուխտը,— բարեմաղթում էր Վեհափառ Հայրապետը հրաժեշտի սեղանի առաջ,— թող Աստված օրհնե մեր եղբայրությունը և մեր սուրբ գործը: Մեր գործը Աստուծո գործն է, մեր գործը եկեղեցաշեն գործ է, մեր գործը հայ հավատացյալ ժողովուրդի միասնության և հոգևոր լուսավորության գործ է»:

Սրբազան պատրիարք հայրը այցելեց Էջմիածնի, Ս. Հռիփսիմի, Ս. Գայանեի, Ս. Շողակաթի, Ս. Գեղարդի, Ս. Խոր Վիրապի, Հաղբաթի, Սանահնի, Սևանի, Մարմաշենի և Հառիճա վանքերը, Երևանի, Լենինականի և Կիրովականի եկեղեցիները, Ս. Մեսրոպ Մաշտոցի դամբարանը և հրաժեշտ առավ Վեհափառ Հայրապետից և Մայր Աթոռից լավագույն տպավորություններով, հոգեպես և ֆիզիկապես կազդուրված:

Սրբազան պատրիարք հայրը շեշտեց.

«Հայաստանյայց Առաքելական Եկեղեցին և Էջմիածնի միաբանությունը շատ բախտավոր են, այս շրջանին մեջ ունենալով Վեհափառ Հայրապետի նման պայծառ և շատ գործունյա հոգևորական բարձր անձնավորություն մը՝ իբրև Պետ և Հայր:

Արդեն իսկ իր անվան որպես մակդիր «Շինարար» տիտղոսը կցորդված է:

Ես մասնավոր կերպով սակայն կուզեմ անդրադառնալ Վեհի արտասահմանի մեր եկեղեցիներուն նկատմամբ ցույց տված հոգածության:

Պատմության պիտի անցնի Վեհը որպես այն բացառիկ Կաթողիկոսը, որ հատուկ դիտավորությունը ունեցած է այցելելու և Մայր Աթոռ Ս. Էջմիածնի հմայքն ու օրհնությունը տանելու Սփյուռքին, մեր ցրված համայնքներուն:

Վեհափառը իր գահակալության օրեն ասդին ամբողջ և հեղինակաբար իր ձեռքին մեջ առավ Մայր Աթոռին ղեկավարությունը և զայն դրավ իր պատմական հունին և առաքելության մեջ»:

Վեհափառ Հայրապետը և պատրիարք սրբազանը Մայր Աթոռում ունեցան մտերիմ հանդիպումներ և միասին քննարկեցին Հայ Եկեղեցու ներկա կյանքին և գործունեության հետ կապված մի շարք հարցեր, լիակատար համաձայնությամբ:

Սրբազան պատրիարք հայրը, անդրադառնալով Սփյուռքի ազգային եկեղեցական կյանքին, ասաց.

«Ստամբուլեն ելլելես հետո, ո՛ւր որ հանդիպեցա՝ Աթենք, Միլան, Նիս, Լիպսոն, Լոնդոն, ամենուրեք, պաշտոնական և ժողովրդային իմ շփումներու ընթացքին, ամենքն ալ անխտիր մասնավոր խնդրանք մատուցին ինձի, որպեսպի իրենց և՛ որդիական և՛ հավատարմական զգացումներուն թարգմանը հանդիսանամ Վեհափառ Հայրապետի մոտ:

Սիրով կկատարեմ այդ պարտականությունը, Ս. Էջմիածնի նվիրական այս կամարներուն տակ:

Այս պահուս գիտեմ, թե Ձեր և մեր սիրտերը խռովող երևույթներ ալ կան արտասահմանի ինչ-ինչ վայրերուն մեջ: Բայց կվստահեցնեմ Ձերդ Վեհափառությունը իմ ականատեսի վկայությամբ, որ մեր ժողովուրդի ջախջախիչ մեծամասնությունը և ընտրելագույն և գիտակից մեծ զանգվածը Վեհիդ կողքին է և հարած է Ձեզի հետ սերտ սիրով և խոր հարգանքով:

Մեր համոզումով, Հայ Եկեղեցին հաստատուն միակ ծառ մըն է, որուն արմատը Մայր Աթոռ Ս. Էջմիածնի մեջ կգտնվի, և որ ունի իր մեծ ու փոքր ճյուղերը՝ նույն արմատին վրա ընձյուղած:

Այն ճյուղը, որ հաստատված չէ այդ ծառին վրա, կարելի չէ նկատել մաս Հայ Եկեղեցվո՞ն:

Թուրքիայի հայոց ամենապատիվ սրբազան պատրիարք հոր այցելությունը Մայր Աթոռ, արդարև, պատմական է և նշանակալից:

Երկու Աթոռների կանոնական հարաբերությունները, ինչպես անցյալում, կշարունակվեն այսուհետև ևս՝ հոգևոր և ի պայծառություն Հայաստանյայց Առաքելական Եկեղեցու:

Բարեմաղթենք Վեհափառ Հայրապետի հետ՝

«Թող անսասան և շեն մնա Ձեր Պատրիարքական Աթոռը Հայաստանյայց Եկեղեցվո նվիրապետության ծոցին մեջ, լուսավորված Զրիստոսի և ազգի սիրով»:

«Թագաւոր երկնաւոր, զեկեղեցի քո անշարժ պահեա»:



**ՀԱՅԿԱԿԱՆ ՍՍՌ ՄԻՆԻՍՏՐՆԵՐԻ ՍՈՎԵՏԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ
ՊՐ. ԿԱՐԼԵՆ Լ. ԴԱԼԼԱՔՅԱՆԻ ԱՅՑԵԼՈՒԹՅՈՒՆԸ
ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ**

Օգոստոսի 30-ին, ուրբաթ, երեկոյան ժամը 7-ին, Ամենայն Հայոց Վեհափառ Հայրապետին այցելեց Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նոր նշանակված նախագահ պր. Կարլեն Դալլաքյանը, ընկերակցությամբ տեղակալ պր. Սուրեն Հովհաննիսյանի:

Տեսակցության ներկա էին նաև Գերագույն Հոգևոր խորհրդի անդամներ գերաշնորհ Ս. Սահակ արքեպիսկոպոս Տեր-Հովհաննիսյանը, գերաշնորհ Ս. Հայկապուն արքեպիսկոպոս Աբրահամյանը և գերաշնորհ Ս. Ասողիկ եպիսկոպոս Ղալարյանը:

Ամենայն Հայոց Վեհափառ Հայրապետ Նորին Ս. Օծուբյուն Ս. Ս. Վապգեն Ա Կաթողիկոսի և Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ պր. Կարլեն Լ. Դալլաքյանի միջև տեղի ունեցավ սիրալիր պրույց ջերմ մթնոլորտում:





ՀԱՆՈՒՆ ԱՇԽԱՐՀԻ ԽԱՂԱՂՈՒԹՅԱՆ ԵՎ ՄԱՐԴԿՈՒԹՅԱՆ ԲԱՐՕՐՈՒԹՅԱՆ

Օգոստոսի 5-ին, Մոսկվայում, Կրեմլի մեծ պալատում, ստորագրվեց մթնոլորտում, տիեզերական տարածության մեջ և ջրի տակ միջուկային զենքի փորձարկումների արգելման պայմանագիրը:

Սույն պատմական փաստաթուղթը ստորագրեցին ՍՍՌՄ արտաքին գործերի մինիստր Ա. Ա. Գրոմիկոն, ԱՄՆ-ի պետական քարտուղար Դին Ռասկը և Մեծն Բրիտանիայի արտաքին գործերի մինիստր լորդ Հյումը:

Պայմանագրի ստորագրմանը ներկա էր նաև Միավորված ազգերի կազմակերպության գլխավոր քարտուղար Ու Տանը:

Դառնալով էին գտնվում ՍՍՌՄ Մինիստրների սովետի նախագահ Ն. Ս. Խրուշչովը, այլ պետական ղեկավարներ, ինչպես նաև սովետական և արտասահմանյան թղթակիցներ:

Մթնոլորտում, տիեզերական տարածության մեջ և ջրի տակ միջուկային զենքի փորձարկումների արգելման Մոսկվայում ստորագրված պայմանագիրը կարևոր քայլ է միջազգային լարվածությունը թուլացնելու և խաղաղությունը պահպանելու, ամրապնդելու ուղղությամբ:

Միջազգային զենքի փորձարկումների արգելման պայմանագրի ստորագրումը հսկայական գոհունակությամբ և խոր բերկրանքով ընդունվեց ողջ աշխարհում:

Կայուն խաղաղության՝ մարդկության վերջնական ու վեճի նպատակին՝ հասնելու գործի սկիզբն է դրվում: Դա առաջին քայլն է մյուսների շարքում:

Այդ պայմանագիրը պատմական մեծ նշանակություն ունեցող փաստաթուղթ է, որն իր դրական ներգործությունը կունենա նաև միջազգային այլ հարցերի՝ բանականությամբ և փոխադարձ վստահությամբ լուծման, պետությունների բարվոք հարաբերությունների վրա:

Աշխարհը հասկանում և գնահատում է Մոսկվայում ստորագրված պայմանագրի վեճ և մարդասիրական նշանակությունը:

Հայաստանյայց Առաքելական Եկեղեցին ևս, Մայր Աթոռ Ս. Էջմիածնի գլխավորությամբ, ջերմորեն ողջունում է պայմանագրի ստորագրումը, որն արտահայտում

է բովանդակ աշխարհում, առանց կրոնական և դավանական խտրության, համայն ժողովուրդների, կրոնների, եկեղեցիների հույսն ու երազանքը:


Ամենայն Հայոց Վեհափառ Հայրապետը, այս բարեբաստիկ ամօթիվ, օգոստոսի 7-ին, հետևյալ հեռագիրն ուղարկեց ՍՍՌՄ Մինիստրների սովետի նախագահ Նիկիտա Սերգենիչ Խրուշչովին, ԱՄՆ-ի նախագահ Զ. Զենեդիին և Մեծ Բրիտանիայի պրեմիեր մինիստր Մաք Միլանին.

«Հայաստանյայց Առաքելական Սուրբ Եկեղեցին մեծ գոհունակությամբ ընդունեց այն լուրը, որ մեծ տերությունների կառավարություններն ստորագրել են պայմանագիր մթնոլորտում, տիեզերական տարածության մեջ և ջրի տակ միջուկային պենքի փորձարկումներն արգելելու մասին: Հայ հավատացյալ ժողովրդի ու համայն աշխարհի բրիստոնյաների համար չկա ավելի մեծ ուրախություն, քան այն լուրը, որ մեծ տերությունները դրել են բովանդակ մարդկությանը ջերմամիջուկային պատերազմի սարսափներից փրկելու սկիզբը:

Ներդաշնակորեն կառուցված մեր հրաշալի աշխարհում, որը հարուստ է Աստուծո շնորհներով, մեկընդմիջտ պետք է վերանան պատերազմի մահաբեր ամպերը և պետք է շողա խաղաղության անամպ երկնակամարը:

Հայաստանյայց Առաքելական Սուրբ Եկեղեցին, հայ հավատացյալ ժողովուրդը, աշխարհի բոլոր բրիստոնյաների հետ միասին, իրենց աղոթքներն են վերընծայում և հույս հայտնում, որ մեծ տերությունների ղեկավարները, հանուն Սուրբ Ավետարանի, հանուն Զրիստոսի, հանուն համայն մարդկության, հնարավորություն կգտնեն շուտափույթ համաձայնության հասնելու ընդհանուր և լրիվ պինաթափման շուրջը և օրենքից դուրս կհայտարարեն պատերազմը՝ որպես մեծագույն ոճրագործություն ընդդեմ Աստուծո և մարդկության:

Թո՛ղ ամենաբարի Աստուծո օրհնությունը լինի բոլոր խաղաղասեր ժողովուրդների վրա»:





**ԱՄԵՆԱՅՆ ՀԱՅՈՅ ՀԱՅՐԱՊԵՏԻ ՅԱՎԱԿՅԱԿԱՆ ՀԵՌԱԳԻՐԸ
ՆՈՐԻՆ ՍՐԲՈՒԹՅՈՒՆ ՀՈՎՀԱՆՆԵՍ ԻԳ ՊԱՊԻ ՄԱՀՎԱՆ ԱՌԹԻՎ
ԵՎ ԿԱՐԴԻՆԱԼ ԱԼՈՒԶԻ ՄԱԶԵԼԼԱՅԻ ՊԱՏԱՍԽԱՆԸ**

ՆՈՐԻՆ ԱՄԵՆԱՊԱՏՎՈՒԹՅՈՒՆ ԿԱՐԴԻՆԱԼ ԱՄԼԵՏՈ ՉԻԿՈՆԻԱՆԻՆ

ՀՌՈՄ, ՎԱՏԻԿԱՆ

Հայաստանյայց Առաքելական Եկեղեցու անունից մասնակցում ենք Ձեր մեծ սուգին և Ս. Էջմիածնի Սեդանի առաջ աղոթում Նորին Սրբություն Հովհաննես ԻԳ Պապի հոգու խաղաղության համար:

Թո՛ղ Աստված Նրա բարի հոգին քաղցրությամբ ընդունի արդար հոգիների հավիտենական օթևանում:

Թո՛ղ Աստված հաջողությամբ պսակի աշխարհի խաղաղության սուրբ գործը, որի համար ջերմեռանդ աղոթող և աշխատող հանդիսացավ հանգուցյալ Սրբազան Զահանայապետը, իր երկրավոր կյանքում:

Թո՛ղ Աստված անսասան և փառավոր պահի Ձեր մեծ Եկեղեցին:

Սիրով ի Զրիստոս՝

ՎԱԶԳԵՆ Ա

ԷԶՄԻԱԾԻՆ

5 հունիսի 1963 թ.

ԾԱՅՐԱԳՈՒՅՆ ՊԱՏՐԻԱՐԸ ԵՎ ԿԱԹՈՂԻԿՈՍ

ԱՄԵՆԱՅՆ ՀԱՅՈՅ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա, ԿԱԹՈՂԻԿՈՍ ԱՄԵՆԱՅՆ ՀԱՅՈՅ

ԷԶՄԻԱԾԻՆ

Խորապես զգացված Հովհաննես ԻԳ Պապի մահվան առթիվ քրիստոնեական սիրով արտահայտված Ձեր զգացմունքներից, սրտագին շնորհակալություն ենք հայտնում Էջմիածնի պատկառելի Կաթողիկոսության՝ առ Աստված ուղղած աղոթքների համար ի հավիտենական հանգիստ հանգուցյալ Զահանայապետի հոգու, որի խաղաղության և միասնության նվիրված կյանքը օրինակելի է բոլորի համար:

Եղբայրական սիրով ի Հիսուս Զրիստոս՝

ՎԱՏԻԿԱՆ

8 հունիսի 1963 թ.

ԿԱՐԴԻՆԱԼ ԱԼՈՒԶԻ ՄԱԶԵԼԼԱ, ԳԱՄԵՌԼԻՆԳ



ՆՈՐԻՆ ՍՐԲՈՒԹՅՈՒՆ Տ. Տ. ՊԱՎԼՈՍ Զ ՊԱՊԻ ԸՆՏՐՈՒԹՅԱՆ
ԱՌԹԻՎ ՄԱՅՐ ԱԹՈՒ Ս. ԷԶՄԻԱԾՆԻ ԵՎ ՎԱՏԻԿԱՆԻ ՄԻՋԵՎ
ՓՈԽԱՆԱԿՎԱԾ ՊԱՇՏՈՆԱԿԱՆ ԳՐՈՒԹՅՈՒՆՆԵՐԸ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա.
ԾԱՅՐԱԳՈՒՅՆ ԿԱԹՈՂԻԿՈՍ ՀԱՅԱՍՏԱՆՅԱՅՑ ԱՌԱՔԵԼԱԿԱՆ ԵԿԵՂԵՑՈՒ

ԷԶՄԻԱԾՆԻ

Ձերդ Սրբություն.

Հռովմեական Կաթոլիկ Եկեղեցու կարդինալները, համաձայն Եկեղեցու կանոնադրությանց, հավաքվեցին ժողովի, և Միլանոյի Միտրոպոլիտ-Արքեպիսկոպոս Նորին Ամենապատվություն Ջիովաննի Բատիստա կարդինալ Մոնտինիին ընտրեցին, հաջորդելու երջանկահիշատակ Նորին Սրբություն Հովհաննես ԻԳ Պապին: Նա որոշել է ընդունել Պավլոս Զ անունը:

Սուրբ Հայրը պատվել է ինձ՝ պարտականություն դնելով իմ վրա սույն հաճելի իրողության լուրը պաշտոնապես հաղորդելու Ձերդ Սրբության և, Ձեր միջոցավ, Ձեր Եկեղեցուն:

Ս. Հոգին թող ներշնչի սրտերը և ուղղի ճիգերը այն բոլոր մարդկանց, որոնք տընում են Աստուծո սուրբ ժողովի հոգևոր շինության համար, ի կատարումն մեր միակ Տիրոջ աղոթքին, «վի եղիցին մի»:

Իմ լավագույն մաղթանքների և իմ խոնարհ աղոթքի հավաստիքով,

Ձերդ եղբայրորեն ի Բրիստոս՝

ԿԱՐԴԻՆԱԼ ՕԳՈՍՏԻՆՈՍ ԲԵԱ

Քաղաք Վատիկան, 25 հունիսի 1963 թ.

ՔՐԻՍՏՈՍԱԿԱՆԴ ՍԻՐՈՑ ՈՂՋՈՅՆ Ի ԳԱՀԷ ՀԱՅՐԱՊԵՏՈՒԹԵԱՆ ՀԱՅՈՑ
ԱՌ ՆՈՐԻՆ ՍՐԲՈՒԹԻՒՆ Տ. Տ. ՊԱՎԼՈՍ Զ ՊԱՊՆ,
ՍՐԲԱԶԱՆ ԲԱՀԱՆԱՅԱՊԵՏՆ ՀՈՌՎՄԱՑ ԿԱԹՈՒԴԻԿԷ ՍՐԲՈՑ ԵԿԵՂԵՑԻՈՑ

Ի ՎԱՏԻԿԱՆ, ՀՈՐՈՍ

Ձերդ Սրբություն.

Քաղցր հրկումով կարդացինք Նորին Գերազանցություն Կարդինալ Օգոստինոս Բեայի 25 հուլիս 1963 թվակիր՝ Մեզ ուղղված պաշտոնական գրությունը, ի մասին Ձերդ Սրբության ընտրության և գահակալության:

Արդ, Մենք երջանիկ ենք շնորհավորելու Ձերդ Սրբությունը Հայ Առաքելական Ուղղափառ Եկեղեցվի և Մեր անունով, սրտաբուխ աղոթքով, որ Տերը Ձեզ պահպնե քահանայապետական բեղուն գործունեության երկար տարիներ, որպեսզի առավել բաշխվի Սուրբ Ավետարանի լույսը մարդկային աշխարհին մեջ, որպեսզի քրիստոնեական եկեղեցիները առավել սիրեն Վիրար ու գործակցին եղբայրաբար, Աստուծո փառքին նվիրված իրենց միևնույն առաքելության մեջ, և որպեսզի ժողովուրդները առավել մոտենան իրարու բարի հաճությամբ և ըլլա «յերկիր խաղաղություն», ի լրումն աստվածային մեծ պատվիրանին:

Հաճեցեք վստահ ըլլալ, թե հայ ժողովուրդի քրիստոնեական հավատքի բազմադարյան կեդրոն Ս. Էջմիածնի Գահի վրա ունիք Ձերդ Սրբության լծակից Եղբայր մը, որ իր աղոթքները միշտ պիտի միացնե Ձեր աղոթքներուն, վասն հաստատության ու ծաղկման Բրիստոսի Եկեղեցվոյն և վասն խաղաղության համայն աշխարհին:

Մաքուր սիրով ի Բրիստոս՝

Տուալ գիրս ի 10-ն յուլիսի

1963 Փրկչական ամի,

և ի տումարիս Հայոց ՌՆԺԲ,


ի վասն Սրբոյ Էջմիածնի:

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԱՐԸ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ



ՄԻՍԿԼԱՅԻ ԵՎ ՀԱՄԱՅՆ ՌՈՒՄԻՈ ՊԱՏՐԻԱՐԽ ՆՈՐԻՆ ՍՐԲՈՒԹՅՈՒՆ ԱԼԵՔՍԻ



**ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԶ
ՆՈՐԻՆ ՍՐԲՈՒԹՅՈՒՆ ԱԼԵՔՍԻ ԵՊԻՍԿՈՊՈՍՈՒԹՅԱՆ
ՀԻՍՆԱՄՅԱԿԸ**

1963 թվականի հուլիսի 14-ից մինչև 21-ը, Մոսկվայի պատրիարքանիստ Ս. Հայտնություն եկեղեցում և ապա Մոսկվայից 70 կմ. հեռու գտնվող ռուսական Զագորսկ քաղաքի Ս. Սերգեյի վանքում, տեղի ունեցան Մոսկվայի և Համայն Ռուսիո նորին Սրբություն Ալեքսի Պատրիարքի եպիսկոպոսական ձեռնադրության 50-ամյակի հանդիսությունները:

Հորեկյանական հանձնաժողովի անունից, ապրիլի 29-ին, հանդիսությանց մասնակցելու համար, հրավեր էր ստացել նաև Ամենայն Հայոց Վեհափառ Հայրապետը:

Վեհափառ Հայրապետը սիրով ընդունելով հիշած հրավերը, նշանակեց մասնավոր պատգամավորություն՝ մասնակցելու համար Ալեքսի Պատրիարքի հորեկյանական հանդիսություններին:

Պատգամավորությանը գլխավորում էր Գերագույն Հոգևոր Խորհրդի ատենապետ և Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը:

Պատվիրակության կազմում էին Մոսկվայի հայոց հոգևոր հովիվ գերաշնորհ Տ. Պարզե եպիսկոպոս Գևորգյանը և Մայր Աթոռի միաբան հոգեշնորհ Տ. Նարեկ արքեպիսկոպոս Տաթևյանը:

Հուլիսի 13-ին նշանակված պատգամավորությունը մեկնեց Մոսկվա:

Մոսկվայի «Կոնկուրս» օդանավակայանում Հայ եկեղեցու պատվիրակությանը դիմավորեցին, հանուն Պատրիարքի, Իվանովո

քաղաքի Լեոնիդ արքեպիսկոպոսը և Մոսկվայի ռուսաց Ս. Աստվածածին եկեղեցու ավագերեց Ալեքսանդր քահանան:

Հայ եկեղեցու պատվիրակությանը դիմավորեցին նաև Մոսկվայի հայոց հոգևոր հովիվ Տ. Պարզե եպիսկոպոս Գևորգյանը և Ժիրայր սարկավագ Կոնստյանը:

Հայ եկեղեցու պատգամավորությունը առաջնորդվեց «Ուկրաինա» հյուրանոցը, ուր արդեն ժամանել էին հանդիսությանց հրավիրված այլ եկեղեցիների բարձրաստիճան ներկայացուցիչներ:

Հուլիսի 14-ին, կիրակի օր, Հայ եկեղեցու պատվիրակությունը ներկա եղավ Մոսկվայի հայոց Ս. Հարություն եկեղեցում, ուր պատարագեց հոգեշնորհ Տ. Նարեկ արքեպիսկոպոս Տաթևյանը և ներկա հավատացյալներին հաղորդեց Վեհափառ Հայրապետի ողջուններն ու օրհնությունները:

Հուլիսի 15-ին, երկուշաբթի, առավոտյան ժամը 11-ին, Հայ եկեղեցու պատվիրակությունը, պաշտոնապես այցելելով Մոսկվայի և Համայն Ռուսիո Պատրիարք նորին Սրբություն Ալեքսիին, հաղորդեց Ամենայն Հայոց Վեհափառ Հայրապետի եղբայրական սիրալիր ողջուններն ու սրտագին բարեմաղթությունները նորին Սրբության եպիսկոպոսական ձեռնադրության 50-ամյակի բարեբաստիկ առիթով:

Տեսակցության ժամանակ Տ. Սահակ արքեպիսկոպոսը Ալեքսի Սրբազան Պատրիարքին հանձնեց Ամենայն Հայոց Վեհափառ Հայրա-

պետի նվերը՝ արծաթե գեղեցիկ պատվանդանի վրա նորին Սրբության քանդակված նկարը՝ գործ երևանի հայ անվանի ոսկերիչների։ Ամենայն Հայոց Վեհափառ Հայրապետի նվերը հորեկար Պատրիարքը ընդունեց ուրախությամբ՝ շնորհակալություն հայտնելով եղբայրական ուղադրության համար։

Նույն օրը, երեկոյան ժամը 18-ին, հանուն Սրբազան Պատրիարք Հոր, «Ուկրաինա» հյուրանոցում, Հայ Եկեղեցու պատվիրակության պոփայցեղության եկան Լենինգրադի միտրոպոլիտ Պրիմենը և Մոսկվայի Ռուս Եկեղեցու ներքին հարաբերությունների բաժնի ղեկավար Կիպրիան եպիսկոպոսը։

Ամսի 17-ին և 18-ին, բոլոր պատգամավորությունները երկու օրով մեկնեցին Զագորսկի ուսական վանքը, ուր պետք է սկսեին հորեկյանական հանդիսությունները։

Զագորսկում, հանդիսությանց մասնակցող բոլոր պատվիրակությունները, եկեղեցական թափոռով, հոգևոր երգեցողությամբ առաջնորդվեցին դեպի Ս. Սերգեյի եկեղեցին, ուր իրենց ուխտը կատարելուց հետո, նույն հանդիսությամբ առաջնորդվեցին Զագորսկի ուսական հոգևոր ճեմարանի եկեղեցին, ուր տեղի ունեցավ հանդիսությանց պաշտոնական բացումը։

Հանդիսությանց նախագահում էր հորեկյար Սրբազան Պատրիարքը։ Ներկա էին նաև Անտիոքի Պատրիարք Թեոդոսիոս Զ-ը, Վրաց Կաթողիկոս Սիմեոն Բ-ը, Սերբիայի Հերման, Ռումինիայի Հուստինիանոս և Բուլղարիայի Կյուրեղ պատրիարքները։

Այնտեղ էին նաև Պոլսի Հունաց Տիեզերական Պատրիարքի, Ալեքսանդրիայի, Երուսաղեմի պատրիարքությունների, Կիպրոսի արքեպիսկոպոսության, Հունաստանի, Լեհաստանի, Չեխոսլովակիայի, Ֆինլանդիայի և այլ օրթոդոքս եկեղեցիների ներկայացուցիչներ։

Հյուրերի թվում էին Հնդկի Մալարար, Վատիկանի Կաթոլիկ, Անգլիկան և Հին Կաթոլիկ եկեղեցիների, ինչպես նաև ՍՍՌՄ-ում գտնվող Լյութերական, Մկրտչական եկեղեցիների պատվիրակությունները։

Հանդիսությունը բացվեց հորեկյանական հանձնաժողովի նախագահ, միտրոպոլիտ Պրիմենի աղոթք-ճառով։

Այնուհետև Յարոսլավլի և Ռոստովի նիկոտիմ արքեպիսկոպոսը ներկայացրեց Ալեքսի Պատրիարքի կենսագրությունը։ Խոսք առնելով, պատգամավորներից շատերը շնորհավորեցին նորին Սրբության հորեկյանը արտադին բարեմաղթություններով։

Հանդիսության ժամանակ խոսք առավ նաև Հայ Եկեղեցու պատվիրակության ղեկավար Տ. Սահակ արքեպիսկոպոսը և կարդաց Վե-

հափառ Հայրապետի հեռեկյալ ուղերձ-շնորհավորականը։

«Սիրեցյալ եղբայր Մեր ի Քրիստոս։ Այսօր մեծ տոն է մեր հոգիների համար։ Երբ Ռուսաց Ուղղափառ մեծ Եկեղեցին տոնում է Ձերդ Սրբության եպիսկոպոսության 50-ամյակը, Մենք շնք կարող Մեր ուրախությունը շփացնել բոլորի ուրախության, այսպիսով էլ ավելի լուսափայլ դարձնելու համար այն դափնեպսակը, որ Ձեր գլխի վրա շողում է այսօր։

Մենք և համայն հայ հավատացյալ ժողովուրդը ճանաչում ենք Ձեզ, սիրում ենք Ձեզ և խորապես գնահատում Ձեր հովվապետական երկարամյա գործունեությունը, որով դարձարվել է Ձեր պատկառելի անձնավորությունը և Աստուծուն նվիրյալ Ձեր կյանքը։

Այս երջանիկ առիթով, Մենք պիտի կամենանք Մեր հարգանքի, սիրտ հավաստիքը Ձեզ ներկայացնել հանուն Հայաստանյայց Առաքելական Եկեղեցվո, որ ջերմ, եղբայրական կապերով կապված է Ռուս Պրավոսլավ Եկեղեցու հետ, մոտ 200 տարիներից ի վեր։

Ձերդ Սրբությունը հոգևոր մի հեղինակություն է այսօր ոչ միայն Պրավոսլավ եկեղեցիների ծոցում, այլ համայն քրիստոնեության մեջ։

Ձերդ Սրբությունը լուսամիտ մի անձնավորություն է, որ ճշմարիտ ավետարանական ոգիով մերձեցում է ցանկանում քրիստոնեական եկեղեցիների միջև և այսպիսով ճանապարհ է հարթում քրիստոնյա եկեղեցիների անկեղծ եղբայրակցության և անբաժան գործակցության, մեր օրերի մարդկությանը հուզող հարցերի բարվոք լուծման ի խնդիր։

Ձերդ Սրբությունը մեր օրերում բացառիկ տեղ է գրավում մարդկության գիտակցության մեջ նաև իբրև խաղաղության խոսքի մեծ ավետարար։ Ձեր աղոթքը և Ձեր տարած աշխատանքը աշխարհի ժողովուրդների բարեկամության և խաղաղ գոյակցության ի նպաստ, թանկ են գնահատվում բոլորի կողմից։ Վասն զի Ձեր խոսքը արտահայտություն է քրիստոնեական խղճի, Ձեր խոսքը հարազատ արտահայտություն է ողու մեծ ժողովրդի բարի սրտի։ Ձեր խոսքը քաղցր է և հեղինակավոր։

Երկար ապրեցեք, սիրեցյալ եղբայր Մեր, երկաթյա առողջությամբ և հոգեկան խաղաղությամբ։

Այո՛, ապրեցեք տալիսին՝ երկար տարիներ, որպեսզի վայելեք բարի պտուղները Ձեր սերմանած սերմերի, որպեսզի ուրախացնեք նաև Մեզ և Ձեր բոլոր եղբայրներին, որոնք սիրում են Ձեզ և հարգում։

Հանուն Հայաստանյայց Առաքելական Եկեղեցու և հայ ժողովրդի, շնորհավորում ենք

Ձեզ ջերմասպես և աղոթում առ Աստված, որ պիտի հավետ անսասան մնա և միշտ փառքի մեջ աճի և ծաղկի Ռուս Պրավոսլավ մեծ Եկեղեցին:

«Այսօր է օր զոր արար Տէր, եկայք ցնծացցուք և ուրախ եղիցուք ի սմա» (Սաղմ. ԺԺԷ 24):

Հանդիսությունը վերջացավ պատգամավորությունների ողջույնի և շնորհավորական ելույթներով: Այն փակվեց աղոթքով, որից հետո պատգամավորներից շատերը վերադարձան Մոսկվա:

Հուլիսի 18-ին Ջագորսկում տեղի ունեցավ հանդիսությանց շարունակությունը: Այդ օրը Ռուս Եկեղեցու համար մեծ տոն էր, տոն Ս. Սերգեյի:

Հանդիսավոր այս առիթով, օրթոդոքս բոլոր պատրիարքների մասնակցությամբ, հանդիսավոր սուրբ պատարագ մատուցեց Ալեքսի Պատրիարք Հայրը:

Հավարտ սուրբ պատարագի, որին ներկա էին բոլոր պատգամավորությունները և հավատացյալների հոծ բազմություն, հանդիսավոր իրադրության մեջ, վանքի ընդարձակ բակում, տեղի ունեցավ գոհարանական մաղթանք:

Շատ տպավորիչ և վեհ էր հանդիսությունը: Նույն օրը երեկոյան, վանքի սեղանատան մեծ դահլիճում, ի պատիվ պատգամավորությանց, հոբելյանական հանձնախմբի կողմից կազմակերպվել էր պաշտոնական մեծ ընդունելություն խանդավառ և ջերմ մթնոլորտում, ուր փոխանակվեցին ողջույնի և շնորհավորության ճառեր:

Հանդիսության իր մասնակցությունն էր բերում Պատրիարքարանի մեծ երգչախումբը:

Ամսի 19-ին, ուրբաթ, պատգամավորները խումբ-խումբ այցելեցին Մոսկվայի տեսարժան վայրերը:

Երեկոյան ժամը 19-ին, ՍՍՄՄ Միներստրեն-րի սովետին առընթեր Ռուս Եկեղեցու գործերի խորհրդի նախագահ Վ. Ա. Կուրսեդովը, ի պատիվ պատգամավորությունների, «Պրագա» հյուրանոցում կազմակերպել էր ընդունելություն, որին ներկա էին բոլոր պատգամավորությունները, Ալեքսի Պատրիարքի գլխավորությամբ:

Հուլիսի 20-ին, շաբաթ օր, պատգամավորները նորից ծանոթանում են Մոսկվային: Նրանք այցելեցին Կրեմլ, համալսարան, թանգարան, ռուսական վանքերն ու եկեղեցիները:

Հուլիսի 21-ին, կիրակի, Մոսկվայի պատրիարքանիստ Ս. Հայրնություն եկեղեցում, պատարագեց Անտիոքի Թեոդոսիոս Զ Պատրիարքը:

Սուրբ պատարագին մասնակցում էին բոլոր օրթոդոքս եկեղեցիների պետերը և ներկայացուցիչները, իսկ պատգամավորությունները և հյուրերը տեղ էին գրավել առյանում:

Երեկոյան ժամը 8-ին, «Ուկրաինա» ռեստորանում, Ռուս Պրավոսլավ Եկեղեցու Ս. Սինոդը, ի պատիվ պատգամավորությունների, կազմակերպել էր ճոխ ընդունելություն:

Ընդունելության ժամանակ փոխանակվեցին ողջույնի և շնորհակալության ճառեր: Վերջում ելույթ ունեցավ Մոսկվայի և Համայն Ռուսիո Պատրիարք Նորին Սրբություն Ալեքսի, որը ջերմ շնորհակալություն և երախտագիտություն հայտնեց բոլոր պատգամավորություններին՝ հոբելյանական հանդիսությանց նրանց ներկայության և ջերմ եղբայրական բարեմաղթությանց համար:

Հրաժեշտի ընդունելությունը վերջացավ ջերմ, խանդավառ մթնոլորտում, արձանագրելով այն գեղեցիկ փաստը, որ եկեղեցիների համագործակցությունը, միջեկեղեցական հանդիսություններն ու հանդիպումները հուսալի քայլեր են Քրիստոնյա Եկեղեցու միության և համագործակցության, ժողովուրդների մերձեցման և եղբայրության և աշխարհում խաղաղության հաղթանակի համար:

Հուլիսի 22-ին, Հայ Եկեղեցու պատգամավորությունը Մայր Աթոռ վերադարձավ լավագույն տպավորություններով:

Մի սրտագին էջ ևս ավելացավ Հայաստանյայց Առաքելական Եկեղեցու և Ռուս մեծ Պրավոսլավ Եկեղեցու ժամանակակից եղբայրական հարաբերությունների պատմության մեջ:

ՆԱՐԵԿ ԱՐԵՂԱ ՇԱՔԱՐՅԱՆ





ՀԱՂՈՐԴԱԳՐՈՒԹՅՈՒՆ
ԹՈՒՐԶԻԱՅԻ ՀԱՅՈՑ ՊԱՏՐԻԱՐԶ ԱՄԵՆԱՊԱՏԻՎ Տ. ՇՆՈՐՀՐ
ԱՐԶԵՊԻՍԿՈՊՈՍ ԳԱԼՈՒՍՏՅԱՆԻ ՄԱՅՐ ԱԹՈՒՍ ՍՈՒՐԲ
ԷԶՄԻԱԾԻՆ ԱՅՑԵԼՈՒԹՅԱՆ ՄԱՍԻՆ

Ամենապատիվ պատրիարք հայոց Թուրքիայի Տ. Շնորհք արքեպիսկոպոսը Մայր Աթոռ Սուրբ Էջմիածին ժամանեց շաբաթ, 13 հուլիսի 1963 թվականի ժամը 12-ին: Սրբազան պատրիարքին ուղեկցում էին Տ. Վազգեն վարդապետ Գայրսլանը և տիար Կարապետ Ղապարյանը:

Ամենայն Հայոց Կաթողիկոս Տ. Տ. Վազգեն Ա Վեհափառ Հայրապետը Մայր Տաճարում եղբայրական սիրով դիմավորեց սրբազան պատրիարքին, ջերմապես ողջունելով նորին ամենապատվության պատմական սույն այցելությունը:

Փրկչի Իջման Ս. Սեդանի առաջ, Վեհափառ Հայրապետն ու սրբազան պատրիարքը վերանորոգեցին իրենց միասնության ուխտը և միատեղ աղոթեցին Ս. Եկեղեցվո հաստատության և աշխարհի խաղաղության համար:

Վեհափառ Հայրապետը և սրբազան պատրիարքը ունեցան մտերիմ հանդիպումներ և միասին քննարկեցին Հայ Եկեղեցու ներկա կյանքի և գործունեության հետ կապված մի շարք հարցեր, լիակատար համաձայնությամբ:

Տ. Շնորհք սրբազան պատրիարքը սուրբ պատարագ մատուցեց Մայր Տաճարում հուլիսի 21-ին, Տիրոջ հրաշալի Այլակերպության տոնին, և տվավ իր պատգամը բազմահազար հավատացյալ ժողովրդին:

Սրբազան պատրիարքն այցելեց Էջմիածնի, Ս. Հռիփսիմեի, Ս. Գայանեի, Ս. Շողակաթի, Ս. Գեղարդա, Ս. Խոր Վիրապի, Հաղբատի, Սանահինի, Սևանի, Մարմաշենի և Հառիճա պատմական վանքերը, ինչպես և Երևանի, Կիրովականի և Լենինականի եկեղեցիները:

Սրբազան պատրիարքն այցելեց նաև Օշականում Ս. Մեսրոպի դամբարանը, Երևանի Մատենադարանը, պատմության թանգարանը և Բյուրականի աստղադիտարանը:

Հայկական ՍՍՌ Գերագույն սովետի նախագահության նախագահ դոկտ.-պրոֆ. Նազուշ Հարությունյանը հուլիսի 22-ին ընդունեց Ամենայն Հայոց Կաթողիկոս Տ. Տ. Վազգեն Ա Հայրապետին և Թուրքիայի հայոց պատրիարք Տ. Շնորհք արքեպիսկոպոսին: Ընդունելության ընթացքում տեղի ունեցավ բարեկամական ջերմ պրուլց:

Տ. Շնորհք պատրիարքը և իր ջրախումբը հուլիսի 23-ին հրաժեշտ տվին Նորին Ս. Օծուկյան, իրենց վերադարձի ճանապարհին այցելություն տալով Թբիլիսիի և Մոսկվայի հայոց եկեղեցիներին:

ԴԻՎԱՆ ՄԱՅՐ ԱԹՈՒՍ

Ս. ԷԶՄԻԱԾԻՆ
23 հուլիսի 1963 թ.



ԹՈՒՐԻԱՅԻ ՀԱՅՈՑ ՊԱՏՐԻԱՐԻ Տ. ԵՆՈՐԶԻ ԱՐԲԵՊԻՍԿՈՊՈՍ ԳԱՆՈՒՍՅԱՆ



**ԹՈՒՐԵԻԱՅԻ ՀԱՅՈՑ ԱՄԵՆԱՊԱՏԻՎ ՍՐԲԱԶԱՆ
ՊԱՏՐԻԱՐԷ Տ. ՇՆՈՐՀԷ ԱՐԷՊԻՍԿՈՊՈՍ
ԳԱԼՈՒՍՏՅԱՆԸ ՄԱՅՐ ԱԹՈՒՈՒՄ**

Ժամանում

Հուլիսի 13-ին, շաբաթ օրը, առավոտյան ժամը 12-ին, Մայր Աթոռ Ս. Էջմիածին ժամանեց Թուրքիայի հայոց ամենապատիվ սրբազան պատրիարք Տ. Շնորհք արքեպիսկոպոս Գալուստյանը:

Նորին սրբության ուղեկցում էին հոգեշնորհ Տ. Վազգեն վարդապետ Գալստյանը՝ Լոնդոնից, որպես զավագանակիր և պր. Կարապետ Ղազարյանը՝ Ստամբուլից, որպես Սկյուտարի Ս. Խաչ դպրեվանքի խնամակալության ատենապետ:

Երևանի օդանավակայանում, հանուն Վեհափառ Հայրապետի, բարի գալստյան սրտագին խոսքերով, սրբազան պատրիարք հոր և նրա շքախմբին պաշտոնապես և ջերմորեն դիմավորեց Գերագույն Հոգևոր Խորհրդի անդամ և Հոգևոր Ծննդարանի վերատեսուչ գերաշնորհ Տ. Հայկազուն արքեպիսկոպոս Աբրահամյանը:

Սրբազան պատրիարք հորը դիմավորեցին նաև Գերագույն Հոգևոր Խորհրդի մյուս անդամները գերաշնորհ Տ. Ասողիկ սրբազանի գլխավորությամբ, ինչպես նաև Վրաստանի հայոց թեմի առաջնորդ՝ գերաշնորհ Կոմիտաս, Շիրակի թեմակալ գերաշնորհ Տ. Մաշտոց և Բաքվի առաջնորդ գերաշնորհ Տ. Հուսիկ եպիսկոպոսները, Մայր Աթոռի միաբաններ հոգեշնորհ Տ. Մուշեղ և Տ. Գրիգոր վարդա-

պետները, հոգեշնորհ Տ. Նարեկ արեղան, սարկավագների խումբը, Արարատյան թեմի քահանայից դասը, Մայր Աթոռի պաշտոնեությունը և հավատացյալների հոծ բազմություն:

Թուրքիայի հայոց ամենապատիվ պատրիարքին դիմավորեց նաև Հայկական ՍՍՌ Մինիստրների սովետին առնթեր Հայ Եկեղեցու գործերի խորհրդի նախագահի տեղավոր պր. Ս. Հովհաննիսյանը:

Այնուհետև սրբազան պատրիարքը առաջնորդվում է Մայր Աթոռ:

Մայր Տաճարի զանգերը հնչում են տոնականորեն:

Մայրավանքի արևելյան դարբասի առաջ, եկեղեցական թափորով և ամպհովանու տակ, Թուրքիայի հայոց ամենապատիվ սրբազան պատրիարքը «Հրաշափառ»-ով մուտք է գործում Մայր Տաճար:

Հայ Եկեղեցու տարեգրության մեջ վերջին 500 տարիների ընթացքում, 1461 թվականին Պոլսի հայոց Պատրիարքության հաստատումից հետո, առաջին անգամն է, որ Թուրքիայի հայոց պատրիարքը պաշտոնական այցով և ուխտով գալիս է Մայր Աթոռ Ս. Էջմիածին:

Մայր Տաճարում, Իջման Ս. Սեդանի առաջ, Վեհափառ Հայրապետը եղբայրական ողջագուրումով և ջերմորեն բարի գալուստ է մաղթում սրբազան պատրիարքին:

Պահը հուզիչ է և պատմական:



Վեհափառ Հայրապետը Մայր Տաճարում բարի գալուստ է մաղթում Թուրքիայի հայոց պատրիարքին

Իջման Ս. Սեղանի առաջ, Վեհափառ Հայրապետը և սրբազան պատրիարքը վերանորոգում են իրենց միասնության ուխտը և միասնեղ աղոթում Հայ Եկեղեցու հաստատության և աշխարհի խաղաղության համար:

Վեհափառ Հայրապետի ողջույնի խոսքը

Վեհափառ Հայրապետը, ողջունելով նորին ամենապատվության պատմական սույն այցելությունը Մայր Աթոռ, ասում է:

«Ողջույն և բարի ժամանում Թուրքիոյ ամենապատիվ Շնորհք սրբազան պատրիարքին:

Հույժ սիրեցյալ եղբայր մեռի Ի Զրիստոս, անսահման ուրախությամբ կողջունենք Ձեզ Մայր Աթոռ Ս. Էջմիածնի այս լուսավոր կամարներուն տակ: Ուրախ ենք մենք, ուրախ է Մայր Աթոռիս միաբանությունը, ուրախ է մանավանդ Հայաստանի հավատավոր ժողովուրդը:

Իրոք խորապես կիռուկ և կմխիթարե Մեզ Ձեր այս պատմական այցելությունը և Մենք այն հաստատու թաղոյր վագրումը ունինք, թե նոր լույս մը կբացվի այսօրվոն սկսյալ Մայր Աթոռիս և Ձեր Աթոռին միջև, թեև միշտ սիրալիր եղած են մեր Աթոռներու հարաբերությունները նաև անցյալին մեջ, Հայաստանայոց Եկեղեցվո կանոններուն, ավանդություններուն և միության սկզբունքին վեմին վրա հաստատուն:

Կմաղթենք, սիրեցյալ եղբայր Մեր, որ Ձեր այցելության օրերը ի Հայաստան ըլլան հաճելի և

հոգեպարար: Գիտենք, թե Ձեր հավատավոր հոգին ջերմապես պիտի մխիթարվի՝ ծնրադրելով և աղոթելով մեր պատմական հին վանքերու և եկեղեցիներու սուրբ սեղաններու առաջ:

Կխորհինք նաև, թե առիթներ պիտի ունենանք եղբայրաբար քննարկելու և միասին խոսելու այն բոլոր հարցերու մասին, որոնք մեր Ս. Եկեղեցվո առաջ կդրվին մեր օրերուն: Վստահ ենք, թե այս տեսակետն ևս արդյունավետ պիտի ըլլա մեր հանդիպումը:

Ուրեմն կրկին բարի գալուստ Ձերդ Սրբապետության և Ձեզ ուղեկցող անձանց: Թող Աստված օրհնե այս օրը և մեր եղբայրությունը, և վայն պահե ամբողջ ու անխռով այժմ և հավիտյան՝ ի պայծառություն մեր Ս. Եկեղեցվո և ի փառս հայ հավատացյալ ժողովուրդին, որ ի Հայաստան և ի Սփյուռք աշխարհի: Ամեն»:

Ամենապատիվ Սրբազան Պատրիարք Հոր պատասխան խոսքը

Վեհափառ Տեր, սիրեցյալ և շնորհազարդ Հայրապետ.

Խորապես զգացված եմ Վեհիդ ողջույնի խոսքերեն: Ինձի համար մեծ բախտավորություն եղավ, որ այսպես հնարավորություն ստեղծվեցավ վերստին գալու Ս. Էջմիածին, լրացնելու համար ուխտս, զոր գրեթե կիսատ ձգած էի, ուր տարիներ առաջ, իմ առաջին այցելության առիթով, 1955 թվականի աշնան:

Եկած եմ հատկապես փոխարինելու համար այն սփոփարար այցելությունը, կոր Ձերդ Ս. Օծությունը շնորհեց Թուրքիո հայության 1961 թվականի հունիսին, երջանակահիշատակ Տ. Գարեգին պատրիարքի վախճանման առթիով:

Դժվար է Մայր Տաճարին մեջ ներկա եղող բազմության համար երևակայել, թե ինչ խոշոր և ցնծափն ցնցում մը հառաջ բերավ Վեհապառ չալրապետի այցելությունը Ստամբուլ:

Անակնկալ մահով մեր շատ սիրեցյալ և մեծարյալ պատրիարքին, գրեթե շվարումի մատնեված էր ամբողջ Ստամբուլի հայությունը:

Ձերդ Վեհապառության օրհնաբեր այցելությունը հանկարծ հոգիները լուսավորեց և սիրտերը ամրապնդեց և ամենքը բուրվեցան Ձեր շուրջը և Ձերդ Սուրբ Օծության սրտապնդիչ խոսքերը բարձրացուցին ամենքիս տրամադրությունները:

Հազար-հազարներ պիտի ուզեին գտնվիլ այսօր այստեղ, այս տեղվույն վրա, ուր ես կանգնած եմ և ունենալ այն բախտավորությունը, որ իմս է այժմ:

Ասիկա մեծ շնորհ մը կնկատեմ, որուն համար Աստուծո զոհություն կմատուցանեմ:

Վեհափառ Տեր, բերած եմ նաև Ձերդ Ս. Օծության Թուրքիո իմ հայ համայնքին՝ Ձեր հոգևոր զավակներուն՝ որդիական սիրո, հավատարմության և խոր հարումի զգացումները:

Կվստահեցնեմ Ձերդ Ս. Օծությունը, թե Ստամբուլի հայությունը կապված կմնա իր Եկեղեցիին և հայրենի պանդուխտանց, ավանդություններ, որոնց գլուխը կգտնվի Մայր Աթոռ Ս. Էջմիածնի հավատարմորեն կապված ըլլալու գիտակցությունը:

Ստամբուլեն ելլելես հետո, ո՛ր որ հանդիպեցա՝ Աթենք, Միլան, Նիս, Լիպսոն, Լոնդոն, ամենուրեք, պաշտոնական և ժողովրդային իմ շփումներու ընթացքին, ամենքն ալ անխտիր մասնավոր խնդրանք մատուցին ինձի, որպեսպի իրենց և՛ որդիական և՛ հավատարմական զգացումներուն թարգմանը հանդիսանամ Ձեր մոտ:

Միտով կկատարեմ այդ պարտականությունը Ս. Էջմիածնի՝ նվիրական այս կանաչներուն տակ:

Այս պահուս գիտեմ, թե Ձեր և մեր սիրտերը խռովող երևույթներ կան արտասահմանի ինչ-ինչ վայրերուն մեջ: Բայց կվազաբացնեմ Ձերդ Վեհապառությունը իմ ականատեսի վկայությամբ, որ մեր ժողովուրդի ջախջախիչ մեծամասնությունը և ընտրելագույն ու գիտակից մեծ պանգաված Վեհապառ կողմին է և հարած է Ձեզի սերտ սիրով և խոր հարգանքով:

Այս առթիվ, կբերեմ նաև մեր եկեղեցական դասուն եղբայրական ողջույնները, ինչպես նաև մեր ժողովուրդի սիրալիք զգացումները Էջմիածնի միաբանության, որ ուրախությամբ կնշմարեն անձն, բազմացած է Ձեր հովանիին ներքև:

Կբերեմ նաև Սկյուտարի Ս. Խաչ դպրեվանքի սերն ու ողջույնները Ս. Էջմիածնի Հոգևոր Ծեմարանին:

Աղոթող եմ Ս. Էջմիածնի անասանության և Ձերդ Ս. Օծության թանկագին կենաց արևաշատության համար:

Խորապես երջանիկ եմ այս սրբազան հարկին ներքև և Ձերդ Ս. Օծության հետ միասին գտնված ըլլալու համար:

Արարողության ավարտին, Վեհափառ Հայրապետը և սրբազան պատրիարք հայրը, եկեղեցական թափոթով և ամպհովանու տակ, առաջնորդվեցին նոր Վեհարան:

Բոլոր ներկաները բարի գալուստ մաղթեցին սրբազան պատրիարք հոր և աջահամբույրով հրաժեշտ առան:

Ճաշկերույթ սրբազան պատրիարք հոր պատվին

Ժամը 3-ին, նոր Վեհարանի սեղանատանը, կազմակերպվել էր բարի գալուստյան ընդունելություն սրբազան պատրիարք հոր պատվին:

Ընդունելությանը ներկա էին Գերագույն Հոգևոր Խորհրդի եկեղեցական և աշխարհական անդամները, ներքին թեմերի թեմակալ առաջնորդները, Մայր Աթոռի միաբանությունը և հարգելի Տիրամայրը:

Սեղանը օրհնեց Վեհափառ Հայրապետը: Ընդունելության ժամանակ, որն անցավ շատ ջերմ և սրտագին մթնոլորտում, ճառեր փոխանակեցին Վեհափառ Հայրապետն ու սրբազան պատրիարքը:

Սրբազան պատրիարք հոր Մայր Աթոռ Ս. Էջմիածնի և Հայաստան այցելությունը ողջունեցին ներկաներից շատերը՝ բարի գալուստյան խոսքերով և եղբայրական արտահայտություններով:

Ժամը 7-ին, Մայր Տաճարում, Վեհափառ Հայրապետը, նախագահեց կիրակամտի ժամերգության:

Թո՛ղք պաշտաման ներկա էր պատրիարք սրբազան հայրը, որի համար Մայր Տաճարի ձախակողմյան դասնում, Յիզաք Սեդանի դիմաց, դրված էր մասնավոր պատրիարքական աթոռ:

Երեկոյան, ժամերգության ավարտին, պատրիարք սրբազան հայրը այցելեց Մայր Տաճարի եկեղեցական արվեստի գանձարանը: Ժամը 9-ին նորին սրբազանությունը հրաժեշտ առավ Վեհափառ Հայրապետից և առաջնորդվեց Երևան, նորին Ս. Օծության վիրջան, ուր մնալու է իր շքախմբի հետ:

Սուրբ պատարագ և քարոզ Մայր Տաճարում Հուլիսի 14, կիրակի, բարեկենդան Վարդավառի: Առավոտյան ժամը 11-ին, Մայր Տաճարում:



ճարում պատարագեց սրբազան պատրիարք հոր գավազանակիր հոգեշնորհ Տ. Վազգեն վարդապետ Գպրսյանը:

Հավատացյալների հոծ բազմությունը վաղ առավոտվանից լցրել էր Մայր Տաճարն ու շրջափակը:

Ժամը 12-ին, Մայր Տաճարի զանգերի ավետավոր հնչյունների տակ, վեհափառ Հայրանքի և պատրիարք սրբազանը, եկեղեցական թափորով և ժողովրդական խանդավառ բարեմաղթությունների տակ, առաջնորդվեցին Մայր Տաճար:

Սուրբ պատարագի կոմիտասյան քառաձայն երգեցողությունը հաջողությամբ կատարում էր Մայր Տաճարի երգչախումբը, խորեն ձևկորցրած ձայնով ղեկավարությամբ:

Շատ հուզիչ և սրտագրավ էր «Ողջոյն»-ի պահը, երբ Մայր Տաճարի նվիրական կամարների տակ, Ավագ Ս. Սեդանի առաջ, Ամենայն Հայոց Վեհափառ Հայրապետը և Թուրքիայի հայոց պատրիարք սրբազանը, «ի համբոյր սրբութեան», վերանորոգում էին իրենց եկեղեցական միասնության ուխտը:

«Զի՛ բարի, զի՛ վայելուչ, զի բնական եղբարք ի միասին» (Սաղմ. ՃԼԲ 1):

«Հայր մեր»-ից առաջ քարոզում է Գերագույն Հոգևոր Խորհրդի անդամ և Հոգևոր Ճեմարանի վերատեսուչ գերաշնորհ Տ. Հայկազուն արքեպիսկոպոս Աբրահամյանը «Ուրախ եղէ ես, ոյք ասէին ցիս ի տուն Տեառն երթիցուք մեր» (Սաղմ. ՃԻԱ 1) բնաբանով:

Քարոզիչ սրբազանը, ողջունելով պատրիարք հոր գալուստը, իր բնաբանը պատշաճեցնում է նրա այցելության. «Նա եկել է հուստ և հերկրպագություն ի Տուն Տյառն, այսինքն՝ Մայր Աթոռ Ս. Էջմիածին, որը Սրբություն Սրբոցն է և հավատի կենտրոնը՝ հայ հավատացյալ ժողովրդի, «տուն աղօթից ամենայն հայոց և Աթոռ Քահանայապետութեան»:

Հավատ սուրբ պատարագի, նույն հանդիսությամբ և հավատացյալների խանդավառ արտահայտությունների տակ, Ամենայն Հայոց Կաթողիկոսն ու Թուրքիայի հայոց պատրիարքը, օրհնելով ժողովրդին, առաջնորդվում են նոր վեհաբան:

Ժամը 3-ին, նոր վեհաբանի սեղանատանը, Մայր Աթոռի ողջ միաբանությունը՝ եպիսկոպոս, վարդապետ, սրբկավագ, ուրախությունն է ունենում սեղանակից լինելու վեհափառ Հայրապետին և սրբազան պատրիարքին:

Սեղանը օրհնում է պատրիարք սրբազանը: Առաջին բաժակը Վեհափառ Հայրապետը բարձրացնում է հավերժական Մայր Աթոռ Ս. Էջմիածնի անսասնության և պայծառության համար:

Նորին Ս. Օծությունը երկրորդ բաժակը առաջարկում է Թուրքիայի հայոց պատրիարք ամենապատիվ Տ. Շնորհք արքեպիսկոպոսի և Թուրքիայի Իր հոգևոր հայ զավակների գործերի հաջողության համար:

Սրբազան պատրիարք հայրը բարձրացնում է երրորդ բաժակը Վեհափառ Հայրապետի թանկագին կյանքի արևատության և Մայր Աթոռի միաբանության կենաց:

Սեղանների շուրջ ստեղծված հոգևոր ուրախությունն ու խանդավառությունը ավելացնում են վարդապետներն ու սարկավազները պատշաճ շարականների, երգերի կատարմամբ:

Ժամը 6-ին, սրբազան պատրիարք հայրը, ընկերակցությամբ գերաշնորհ Տ. Հայկազուն և Տ. Ասողիկ սրբազանների և հոգեշնորհ Տ. Մեսրոպ վարդապետի, իր շքախմբով այցելում է Էջմիածին քաղաքի պատմական վանքերը՝ Ս. Հովհաննիս, Ս. Շողակաթ և Ս. Գայաննի:

Ժամը 7-ին, սրբազան պատրիարքը այցելում է նաև Զվարթնոցի ավերակները:

Երեկոյան ժամը 9-ին, սրբազան պատրիարքը, Մայր Աթոռի միաբանության և իր շքախմբի հետ, ներկա է լինում Երևանի Գարիբ Սունդուկյանի անվան դրամատիկ թատրոնի դերասանների կատարմամբ «Վարդանանք»-ի ներկայացման՝ Էջմիածնի ստադիոնում:

Այցելություններ

Հուլիսի 15-ին, երկուշաբթի, առավոտյան ժամը 9-ին, սրբազան պատրիարք հայրը, ընկերակցությամբ գերաշնորհ Տ. Հայկազուն արքեպիսկոպոսի և հոգեշնորհ Տ. Մեսրոպ վարդապետի, իր շքախմբով այցելում է Ս. Մաշտոցի անվան մատենադարանը, ուր ընդունվում է պատշաճ հարգանքով դիրեկտոր, դոկտ.-պրոֆ. Լ. Խաչիկյանի կողմից:

Մատենադարանը, որպես ճարտարապետական կառույց և մանավանդ որպես հայ ձեռագրերի անկրկնելի գանձարան, խորին, անջնջելի տպավորություն է թողնում Թուրքիայի հայոց պատրիարքի և նրա շքախմբի անդամների վրա:

Պատրիարքը իր հիացմունքն է արտահայտում հայ ձեռագրերի հանդեպ ցույց տրված խորունկ ուշադրության, գուրգուրանքի և հայ մշակույթի բնագավառում մատենադարանում կատարված գիտական լուրջ հետազոտությունների համար:

Ժամը 12-ին, սրբազան պատրիարք հայրը ուխտի է գնում Օշական, Ս. Մեսրոպ Մաշտոցի լույս դամբարանին:

Պատրիարքը ծնրադիր աղոթում է և մի պահ հսկում. եռամեծ Վարդապետի շիրի-

մի վրա, խոնարհած նրա խնկելի հիշատակի առաջ:

Վաղգն Վեհափառ Հայրապետի նախաձեռնությամբ, Օշականի եկեղեցում և Մեծ Հսկողի դամբարանում կատարված վերանորոգությունները երախտադիտությամբ և շնորհակալությամբ են լցնում պատրիարքի սիրտը:

Վերադարձի ճանապարհի վրա, սրբազան պատրիարք հայրը այցելում է Օշական գյուղի մուտքի առաջ, Ս. Մեսրոպ Մաշտոցի ծննդյան 1600-ամյակի առթիվ երախտազետ հայ ժողովուրդի կողմից կանգնեցված հուշարձան-կոթողը:

Այնուհետև ամենապատիվ հյուրը այցելում է Աշտարակի Կարմրավոր գողտրիկ եկեղեցին՝ կառուցված Ե դարում:

Ժամը 2-ին, սրբազան պատրիարքը իր շքախմբով այցելում է Մայր Աթոռի տպարանը:

Նորին սրբազնության ընկերակցում են «Էջմիածին» ամսագրի խմբագիր Ա. Հատիտյանը և տպարանի ղեկավարը Խ. Սամվելյանը:

Թուրքիայի հայոց պատրիարքը հանգամանորեն ծանոթանում է տպարանի բոլոր մեքենաների աշխատանքներին և այլ տպագրական գործերի և իր գոհունակությունը հայտնում կատարված վերանորոգչական աշխատանքների և տպարանի բացման առթիվ:

Ավելի ուշ, նորին սրբազնությունը այցելում է Հոգևոր Ճեմարան: Ուսանողությունը արձակուրդի մեջ էր: Սրբազանը այցելում է դասարանները, տեսչարանը, հանդիսությանց սրահը, սերտարանն ու գրադարանը:

Ժամը 3-ին, Վեհափառ Հայրապետը բարեհաճում է իրեն և սրբազան պատրիարք հոր սեղանակից դարձնել Մայր Աթոռի աշխարհական պատասխանատու աշխատողներին՝ «Էջմիածին» ամսագրի խմբագրին, դիվանապետին, ֆինանսական և տնտեսական բաժինների վարիչներին, ճարտարապետին և տպարանի ղեկավարին:

Ընդունելության ժամանակ Վեհափառ Հայրապետը, սրբազան պատրիարք հոր ծանոթացնելով աշխատակիցներին, միաժամանակ իր բարձր ուշադրությանն է արժանացնում նրանց կատարած աշխատանքները Մայր Աթոռում:

Ծաղից հետո, Վեհափառ Հայրապետի և սրբազան պատրիարք հոր միջև Վեհաբանում տեղի է ունենում խորհրդակցություն եկեղեցական, կրոնական մի շարք հարցերի շուրջ:

Նրբելոյան, պատրիարք սրբազանը իր շքախմբով ներկա է լինում օպերայում «Արշակ Բ»-ի ներկայացման:

Ուխտագնացություններ

Հուլիսի 16-ին, երեքշաբթի առավոտյան, սրբազան պատրիարք հայրը ուխտի գնաց Խոր Վիրապի վանքը, իր շքախմբի հետ:

Նորին սրբազնության ընկերակցում էին գերաշնորհ Տ. Հայկազուն արքեպիսկոպոսը և բարեշնորհ Կայծակ սարկավազը:

Ժամը 2—30-ին, Վեհափառ Հայրապետը և սրբազան պատրիարք հայրը, միաբանության անդամների հետ, ճաշեցին Հոգևոր Ճեմարանի ուսանողության սեղանատանը: Օրվա ճաշը հայկական հարիսան էր:

Սեղանը օրհնեց Վեհափառ Հայրապետը:

Վերատեսուչ Տ. Հայկազուն արքեպիսկոպոսը, Հոգևոր Ճեմարանի ուսանողության անունից, բարի գալուստ մաղթեց սրբազան հոր: Նորին սրբազնության ողջունեց նաև Բաքվի առաջնորդ Տ. Հուսիկ եպիսկոպոսը:

Գ դասարանի ուսանող Գրիգոր Բունիաթյանը ապրումով արտասանեց Միտունի «Աղբյուր առ լույս» գրաբար քերթվածը:

Վերջում խոսք առավ սրբազան պատրիարք հայրը, շնորհակալություն հայտնեց Հոգևոր Ճեմարանի վերատեսչության և ուսանողության հյուրասիրության համար, և խոսքը ուսանողության ողջելով ասաց.

«Ներանի՛ ձեզի, որ կապրիք այս սրբազան հարկի տակ, առաջնորդության ներքև Վեհափառ Հայրապետին, որ նոր գիծ մը բացավ մեր եկեղեցական կյանքի նոր շրջանին մեջ և դրավ Ս. Էջմիածինը իր պատմական առաքելության հունին և հոգևոր բարձրության և դերին մեջ:

Նրանի՛ ձեզի, որ կապրիք մեր պատմական վանքերու մոտիկության մեջ, որոնց մեջ կան շունչն ու տեսիլքը մեր եռամեծ վարդապետներուն, որոնց աշակերտներն ու հետևորդներն ենք մենք և դուք:

Կմաղթեմ, որ անսայթաք ընթանաք մեր մեծ վարդապետներու և անոնց արժանավոր աշակերտ և հետևորդ նորին Ս. Օծուկյան բացած լուսավոր ճանապարհին»:

Ընդունելությունը վերջացավ խմբովին երգված Տերունական աղոթքով և սրբազան պատրիարք հոր գոհաբանական մաղթանքով:

Հուլիսի 17-ին, չորեքշաբթի, առավոտյան ժամը 9-ին, սրբազան պատրիարք հայրը այցելեց Երևանի պատմական թանգարանը:

Այնուհետև նորին սրբազնությունը ուխտի գնաց Ս. Գեղարդի վանքը:

Սրբազան պատրիարքին ընկերակցում էին Տ. Հայկազուն արքեպիսկոպոսը և Տ. Մեսրոպ վարդապետը:

Ճանապարհին ամենապատիվ հյուրը այցելում է Գառնիի ավերակները, ամրոցը, հեթանոսական տաճարն ու եկեղեցին:

Ս. Գեղարդի վանքի մեծ դարբասի առաջ, սրբազան պատրիարքին դիմավորում է վանահայր Տ. Մուշեղ վարդապետ Պետիկյանը և առաջնորդում եկեղեցի:

Սրբազան հայրը իր ուխտը կատարելուց հետո, երկյուղածությամբ և հիացմունքով դիտում է Գեղարդի եկեղեցական ճարտարապետության կոթողները, շրջնություն և երախտագիտություն մրմնջալով մեր լուսաբնակ նախնիքների հավատի ամրության և կառուցողական տաղանդի մասին:

Ժամը 5-ին, սրբազան պատրիարք հայրը վերադառնում է Երևան, ուր ժամը 6-ին վիճակում ընդունում է Վեհափառ Հայրապետի փոխարժարձ այցելությունը: Նորին Ս. Օծություն ընկերակցում էին Տ. Ասողիկ սրբազանը և գավաղանակիր Տ. Արսեն արեղան:

Հուլիսի 18 և 19 օրերին, հինգշաբթի և ուրբաթ, սրբազան պատրիարք հայրը իր շքախմբով մեկնում է երկօրյա ուխտագնացության դեպի Կոտայք, Գուգարաց աշխարհի և Շիրակ՝ նայելու Սևանի վանքը, Հաղբատ, Սանահին, Մարմաշեն, Հառիճա վանքերը և Թալիշի եկեղեցին:

Սրբազան պատրիարք հոր ընկերակցում են Տ. Հայկազուն արքեպիսկոպոսը, Տ. Մեսրոպ վարդապետը և Մայր Աթոռի դիվանապետ Հայկ Առաքելյանը:

Հաճելի է ուղևորությունը: Խաղաղ ու ջինջ առավոտ է: Ամռան արևը ոսկեզօծել է հայ-


րենի դաշտերն ու սարալանջերը: Հայրապետական մեքենան սուրում է ասֆալտապատ գեղեցիկ ճանապարհով և Հյուսիսային Կովկասի Սևան, որը հայկական բարձրալանդակի լեռներում եղած բազմաթիվ լճերի մեջ իր մեծությամբ և գեղեցկությամբ առաջին տեղն է գրավում:

Գեղամա, Սևանա, Վարդենիսի, Զանգեզուրի լեռները, խոր խաղաղությամբ և ջերմագին սիրով իրենց գրկում առած օրորում են Սևանը և «կղզին»՝ իր զույգ վանքերի տարրեն հուզիչ սրբության մեջ:

Մեքենան կանգ է առնում «կղզու» ստորոտում: Սրբազան պատրիարք հայրը իր ուղեկիցներով բարձրանում է «կղզու» հարավ-արևմտյան փոքր սարալանջը, որի վրա գտնվում են 874 թվականին Սյունյաց Մարիամ տիկնոջ կողմից կառուցված Ս. Կարապետ և Ս. Առաքելոց եկեղեցիները:

Աղոթքից և ուխտից հետո, սրբազան պատրիարքը շարունակում է իր ճանապարհորդությունը Դիլիջանի ծաղկավետ, դալարագեղ բնության միջով դեպի Կիրովական:

Կիրովականը, երբեմնի՝ Ղարաբաղի սան, պատմական Գուգարաց աշխարհի Տաշիրը գավառի Բամբակաձորի մեջ, Տանձուտ, Վանաձոր և Փամբակ գետակների մեջ առնված, Հայաստանի երիտասարդ ու գեղեցիկ երրորդ քաղաքն է:



Վեհափառ Հայրապետը և սրբազան պատրիարքը միաբանության մի խումբ անդամների հետ

Սրբազան պատրիարք հայրը ուղղվում է դեպի Կիրովականի հայոց Ս. Աստվածածին եկեղեցին:

Հնչում են դանդերը: Շիրակի թեմի առաջնորդ Տ. Մաշտոց եպիսկոպոսը, Տ. Գեորգ ավագ քահանա Գեորգյանի և Տ. Վազգեն քահանայի գլխավորությամբ, նորին սրբազնության «Հրաշափառ»-ով առաջնորդում են եկեղեցի, ուր հավաքված հավատացյալների բազմությունը ջերմորեն դիմավորում է Թուրքիայի հայոց ամենապատիվ սրբազան պատրիարքին:

Կիրովականում մի քիչ հանգստանալուց հետո, սրբազան պատրիարքը շարունակում է իր ճանապարհը դեպի Ալավերդի՝ Լոռվա աշխարհը, Գուգարաց երկիր՝ «յուփստ և յերկրրպագութիւն» Սանահին և Հաղբատ վանքերի:

Այժմյան Ալավերդու շրջանը պատմական Հայաստանի Գուգարաց աշխարհի Տաշիրք գավառի մի մասն է հանդիսանում: Բագրատունիները իշխել են այնտեղ Ժ դարում և կառուցել են բազմաթիվ վանքեր՝ Սանահինը, Հաղբատը, Քորբայը, Հոռոմայրը, Քառասուն Մանկունը և Կայան, Կայծուն ու Ախթալա ամրոցները:

ԺԳ դարում այստեղ իշխել են Զաքարի և Իվանե եղբայրները:

Ժամը 2-ին մեքենան կանգ է առնում Դեբետ գետի վրա ձգված հին կամրջի մոտ, որը կառուցվել է ԺԳ դարում Նանա թագուհու կողմից:

Սանահին վանքը գտնվում է կամրջից 3 կմ. հեռավորության վրա, Սանահին համանուն գյուղի սարի լանջին: Ժայռոտ և ոլորապտույտ կածաններով ճանապարհը դեպի վանք շատ դժվար է:

Ալավերդու տեղական իշխանությունները Թուրքիայի հայոց պատրիարքի և նրա ուղեկիցների տրամադրության տակ են դրել ժայռերն ի վեր մագլցող ելկու վիլլիս ավտոմեքենա:

Գեղեցիկ է տեսարանը: Զորում հոսում է պղտոր Դեբետը, մինչ հանդիպակաց պղնձագույն լեռներից լավում է Ալավերդու պղնձաձուլական գործարանների զվարթ աղմուկը և անընդհատ երթևեկող գնացքների աղբարար սուղոցը:

Սարի լանջին, կղմինդրե կտուրներով, ծառերի ու փարթամ կանաչների մեջ թաղված երգիկների ետեք երևում է Սանահին հուշակավոր վանքի սուրբ գմբեթը:

Հաղբատյա վանքի դարբասի առաջ կանգ են առնում մեքենաները:

Սրբազան պատրիարք հայրը, երկուղած քայլերով և խոհուն, իր ուղեկիցներով մտնում է վանքի բակից ներս և հափշտակված կանգ

առնում սրբավայրերի և շիրիմների առաջ:

Սանահին վանքի գոյությունը բարձրանում է մինչև Ժ դար:

Սանահինը, սակայն, դառնում է հայ մշակույթի վառ օջախ Սմբատ Բ թագավորի օրերից: Այնտեղ աշխատում ու ստեղծագործում են մեր եռամեծ վարդապետները, հայ եկեղեցու մեծիմաստ ու քաջակորով պաշտպաններ: Սանահին վանքը քարեղեն ճարտարապետական մի համանվագ է՝ հուշարձանների իր խմբով: Այստեղ գործել է ԺԱ դարում Գրիգոր Մազիստրոսի ճեմարանը:

Սանահինի Ս. Աստվածածին եկեղեցին կառուցվել է 935—945 թվականներին, Ամենափրկիչ եկեղեցին՝ 967—972 թվականներին, Գավիթը կամ ժամատունը՝ 1181 թվին, նորագավիթը, որն իշխանական դամբարան է՝ 1211 թվին:

Սանահին վանքում կան բազմաթիվ վիճական արձանագրություններ: Վանքը հանդիսացել է միաժամանակ աղգային-եկեղեցական դեմքերի պանթեոն, այստեղ թաղվել են Զաքարի իշխանից սկսյալ մինչև Գրիգոր Տուտեորդի վարդապետը:

Վանքի արժեքավոր կառույցներից է նաև Մատենադարանը, կառուցված 1063 թվականին, Դավիթ Ա Անհողին թագավորի ղուստը Հրանույշ թագուհու կողմից:

Սրբազան պատրիարքը մի առ մի այցելում է բոլոր հուշարձանները՝ հիացմունքի և երախտագիտության արտասովառն զգացմունքներով:

Հայաստանի հնությունների պահպանության պետական կոմիտեն վերանորոգչական խոշոր աշխատանք է կատարել Սանահինի վանքում:

Մինչև ուշ երեկո, սրբազան պատրիարք հայրը մնում է վանքում և երեկոյան ժամերգությունը կատարելուց հետո, իջնում՝ Ալավերդում գիշերելու:

Հուլիսի 19-ին, ուրբաթ, առավոտյան ժամը 8-ին, սրբազան պատրիարք հայրը ուխտի է գնում Հաղբատի վանք՝ հավատի ու գիտության այս երկրորդ օջախը:

Մեքենան կանգ է առնում վանքի մեծ դարբասի առաջ: Ոտքով Սանահինից Հաղբատ ութ կիլոմետր է: Ենթադրվում է, որ կառուցվել է Սանահինը:

Հաղբատ ու Սանահին, երկու համբուրելի և նվիրական անուններ, հայ մշակույթի ու հավատի երկու վառ օջախներ:

Պատրիարք սրբազանը և իր ուղեկիցները մտնում են դարավոր մենաստանի պարիսպներից ներս, նույն սիրելի և միատիկ միջավայր, նույն ջերմ ու կենդանացնող շունչը, տեսիլքը՝ ամեն կողմ:



Սրբազան պատրիարք Ռայրը բարոկոլում է

Հաղբատը հիմնադրվել է Արաս Ա Բագրատունու օրոք: Վանքի առաջին գլխավոր եկեղեցին է Ս. Նշանը, ճարտարապետական հուշակապ մի կառույց, կառուցված 967—991 թվականներին, խոսրովանույշ թագուհու կողմից նվիրված Քրիստոսի խաչափայտի մի մասունքի վրա, Գարեգին և Սմբատ արքայորդիների կողմից: Գեղեցիկ է նաև Ս. Նշանի գավիթը:

1005 թվականին կառուցվել է Ս. Գրիգոր եկեղեցին՝ ինը պատարագամատույց սեղաններով:

Նշանավոր է Հաղբատի վանքի դահլիճը, որը վանահայր Համադասպ եպիսկոպոսի անունով կոչվում է նաև «Համադասպի շենք»։ 25,50 մ. երկարությամբ, 32 մ. բարձրությամբ, 25,50 մ. լայնությամբ, գմբեթազարդ

այդ դահլիճը ծառայել է որպես դպրատուն և դպրեվանք, ուր դասավանդել են մեծ հաղբատցիները: Դպրատան հարավային կողմում գտնվում է Մատենադարանը:

Վանքի բակում միայնակ բարձրանում է զանգակատունը, կառուցված 1245 թվականին: Վանքի պարիսպներից դուրս է գտնվում մեծ սեղանատունը: Հաղբատը ունեցել է մեծ թվով միաբանություն:

Ժամերն անցնում էին աննկատ, բայց հուզումով լի: Հաղբատը հարուստ է հուշարձաններով: օրեր են պետք հանգամանորեն դիտելու: Սրբազան հայրը դիտում է, աղոթում և «Հոգևոց» արտասանում այդ սուրբ հարկի մեջ աշխատած, տքնած և մահացած մեր նախնիների պայծառ հիշատակին:

Ժամը 10-ին, սրբազան պատրիարք հայրը իր ուղեկիցներով վերադառնում է Կիրովական, և Ս. Աստվածածին եկեղեցում նախագահում է առավոտյան ժամերգության:

Այնուհետև Նորին Սրբությունը ծանոթանում է քաղաքի տեսարժան վայրերին և նորակառույցներին և ժամը 11-ին մեկնում Լենինական, ուր «Հրաշափառ»-ով մուտք է գործում առաջնորդանիստ Ս. Աստվածածին (Յոթվերք) եկեղեցին:

Եկեղեցու բակում և տաճարի մեջ հավաքված հավատացյալների հոծ բազմությունը ջերմորեն դիմավորում է սրբազան պատրիարք հորը:

Երակի թեմի առաջնորդ Տ. Մաշտոց եպիսկոպոս Թաթևյանը բարի գալուստ է մաղթում Թուրքիայի հայոց սրբազան պատրիարքին, որը պատասխանում է ողջունի խոսքերին և շնորհակալություն է հայտնում ջերմ ընդունելության համար:

Փոքր հանգստից հետո, սրբազան պատրիարքը այցելում է Մարմաշենի վանքը, որ գտնվում է Հայկական ՍՍՌ Ախուրյանի շրջանում, Լենինականից 12 կմ. դեպի արևմուտք, Ախուրյան գետի ձորում:

Մարմաշենի վանքը եղել է Հայաստանի կրոնական խոշոր կենտրոններից մեկը և պատկանում է հայ ճարտարապետության հուշակապ կոթողների թվին:

Վանքի հիմնադրումը վերագրվում է Կամսարական տոհմի իշխաններին: Վանքի գլխավոր եկեղեցու վրա կա Վահրամ Պահլավունի իշխանի արձանագրությունը, ըստ որի եկեղեցին կառուցվել է 1026 թվին:

Մարմաշենի վանքը բաղկանում է երկու խմբից՝ Մեծ Մարմաշենի վանք, որի կազմի մեջ մտնում են չորս եկեղեցի, մեկ գավիթ-ժամատուն, մեկ դամբարան և գերեզմանոց, ապա Փոքր Մարմաշեն, որը բաղկանում է մեկ եկեղեցուց և կից գերեզմանատնից: Քարերի վառ կարմիր գույնը, ընտիր և ողորկ մշա-

կումբ, ճարտարապետական ձևերի ճշգրիտ լուծումը, կառուցողական հնարամտությունը, մշակված և նուրբ զարդաքանդակները էլ ավելի վեհություն և գեղեցկություն են տալիս Մարմաշենի վանքին:

Ախուրյան գետի ափին, ծառերի զով հովանու ներքո, Թուրքիայի հայոց պատրիարքի պատվին տրվում է ճաշկերույթ, որին մասնակցում են նաև թեմական խորհրդի անդամները, քահանայից դասը:

Վերադարձի ճանապարհի վրա, սրբազան պատրիարք հայրը ծանոթանում է կենդանականի տեսարժան վայրերին և ապա մեկնում իր ուղեկիցներով Արթիկ՝ Հառիճա վանք:

Հառիճան նույնպես պատմական Հայաստանի հնագույն և նշանավոր վանքերից և հոգևոր կենտրոններից մեկն է եղել:

Արագածի սիւներին, ձորի բարձր քարափի ափին, գեղատեսիլ վայրում, իր հովասուն կլիմայով, սառնորակ աղբյուրներով, ալպյան կանաչությամբ և երփներանգ, անուշաբույր ծաղիկներով, հին օրերին Հառիճա վանքը եղել է նաև կաթողիկոսական ամառանոց:

Հառիճա վանքի նշանավոր հուշարձանների խումբը բաղկանում է երկու գավիթ-ժամատներից, երկու մատուռից, վանական խցիկներից և գարեզմանոցից: Հառիճա վանքի ամենահին կառույցը Ս. Գրիգոր Լուսավորիչ եկեղեցին է, կառուցված է դարում:

Վանքի գլխավոր եկեղեցին Ս. Աստվածածին եկեղեցին է, կառուցված Զաքարի իշխանի կողմից 1201 թվականին:

Վանքի բոլոր կառույցները պարսպապատված են:

Հառիճա վանքի ո՛չ գավթում, ո՛չ բակում չկան դամբարաններ, ինչպիսիք կան Սանահին և Հաղբատ վանքերում:

Սրբազան պատրիարք հայրը երկարորեն մնաց Հառիճա վանքում և իր ուխտն ու աղոթքը կատարելուց հետո, հրաժեշտ առավ:

Սրեկոյան ժամը 7.30-ին, երկօրյա ուխտագնացությունից հետո, սրբազան պատրիարքը անմոռանալի տպավորություններով վերադառնում է Մայր Աթոռ, ճանապարհին այցելելով նաև Մաստարայի և Թալիշի պատմական եկեղեցիները:

Ժամը 8.30-ին, նորին սրբազնությունը, Հայֆիլհարմոնիայի համերգային մեծ դահլիճում, ներկա է լինում Վ. Մայակովսկու ծննդյան 70-ամյակին նվիրված հոբելյանական հանդիսության, իր շքախմբի հետ:

Հուլիսի 20-ին, շաբաթ, առավոտյան ժամը 9-ին, սրբազան պատրիարք հայրը, Արարատյան թեմի փոխանորդ Տ. Վահան վարդապետ Տերյանի առաջնորդությամբ, այցելեց Երևանի եկեղեցիները՝ առաջնորդանիստ Ս.

Սարգիս եկեղեցին, Կոնդի Ս. Հովհաննես Մկրտիչ եկեղեցին և Ս. Զորավոր եկեղեցին:

Նորին սրբազնության պատշաճ հանդիսությունը դիմավորեցին թեմական խորհրդի անդամները, Երևանի եկեղեցական խորհրդի անդամները, քահանայից դասը և հավատացյալների բազմությունը:

Ժամը 11-ին, սրբազան պատրիարքը այցելեց Բյուրականի աստղադիտարանը և ջերմ զրույց ունեցավ Հայաստանի Գիտությունների Ակադեմիայի նախագահ Վ. Համբարձումյանի հետ:

Թուրքիայի հայոց ամենապատիվ սրբազան պատրիարքը հրաժեշտ առավ մեծանուն գիտնականից լավագույն տպավորություններով:

Երեկոյան, Մայր Տաճարում, կիրակամոթի ժամերգության և Վարդավառի նախատոնակին նախագահեց Վեհափառ Հայրապետը:

Արարողության ներկա էր նաև սրբազան պատրիարք հայրը:

Երեկոյան ժամը 8-ին, սրբազան պատրիարք հայրը, նոր Վեհարանի հանդիսությանց դահլիճում, մեծ գոհունակությամբ դիտեց 1962 թվականի ազգային-եկեղեցական ժողովի, սրբալույս մեռնորհնության և եպիսկոպոսական ձեռնադրության հանդիսությանց նվիրված «Էջմիածին» գունավոր ֆիլմը:

Հանդիսավոր սուրբ պատարագ և քարոզ Մայր Տաճարում Վարդավառի տոնին

Հուլիսի 21-ին, կիրակի, «Տօն պայծառակերպության Տեառն մերոյ Յիսուսի Քրիստոսի»:

Ազգային-եկեղեցական մեծ տաղավարի առիթով, Մայր Տաճարում հանդիսավոր սուրբ պատարագ է մատուցում այսօր Թուրքիայի հայոց ամենապատիվ պատրիարք Տ. Շնորհարքեպիսկոպոս Գալստյանը:

Առավոտյան ժամը 11-ին, նոր Վեհարանում զգեստավորված, պատարագիչ պատրիարք սրբազանը, եկեղեցական թափոթով և ամպհովանու տակ, հանդիսավորապես առաջնորդվում է Մայր Տաճար:

Աջակողմյան և ձախակողմյան դասերում տեղ են գրավել հրավիրյալներ և պաշտոնական անձինք:

Մայր Տաճարը, ինչպես նաև վանքի շրջափակը, լիքն են ուխտավորներով և հավատացյալներով:

Սկսվում է սուրբ պատարագը: Ս. Սեղանին սպասարկում են վարդապետներ, քահանա հայրեր, սարկավազների խումբը: Սուրբ պատարագի Կոմիտասյան քառաձայն երգեցողությունը փայլուն հաջողությամբ կատարում է Մայր Տաճարի երգեցիկ խումբը:



Վեհափառ Հայրապետը և սրբական պատրիարք հայրը առաջնորդվում են դեպի Վեհարան

Ժամը 12-ին, Մայր Տաճար է առաջնորդվում Վեհափառ Հայրապետը և բազմում իր Գահի վրա:

Սուրբ պատարագը շարունակվում է մինչև «Հայր մեր»: Պատարագիչ սրբազան պատրիարք հայրը քարոզում է օրվա մեծ տոնի պատմական և հոգևոր նշանակության մասին «Եւ այլակերպեցաւ առաջի եօցա» ավետարանական բնաբանով:

Սրբազան պատրիարք հայրը իր քարոզի սկզբում ողջունի և շնորհակալության սրտագին խոսք է ուղղում Վեհափառ Հայրապետին, Մայր Աթոռի միաբանության, հաղորդելով միաժամանակ Թուրքիայի հայության և հոգևորականության որդիական սերն ու հարումը Մայր Աթոռ Ս. Էջմիածնին և նրա աստվածաբայալ Հայրապետին:

Այնուհետև իր քարոզի մեջ սրբազան պատրիարք հայրը մեկնաբանում է Թաբոր լեռան վրա Քրիստոսի պայծառակերպության հոգեվոր նշանակությունը և ծանրանում անցյալում հայ ժողովրդի եկեղեցական-մշակութային կյանքում տեղի ունեցած փառավոր պայծառակերպությունների վրա, առաջինը Դ դարում Ս. Գրիգոր Լուսավորչի շնորհիվ, «որ Ավետարանի լույսը տարածեց հայ հողի վրա և այլակերպեց հայ հոգիները. անկե հիսուս տարի հետո, մեր ժողովուրդի երկրորդ պայծառակերպությունը եղավ մեծն Ներսեսի օրով, երբ Հայաստանի մեջ ան հիմնեց դպրոցներ, բացավ

հիվանդանոցներ, ծերանոցներ, անկեղանոցներ: Հաջորդ և ամենամեծ պայծառակերպությունը սակայն եղավ Ե դարի սկզբին, Ս. Սահակ Պարթևի, Ս. Մեսրոպ Մաշտոցի և անոնց թարգմանիչ աշակերտներու շնորհիվ, մեր գրերու գյուտով և Աստվածաշնչի հայերեն թարգմանությամբ:

Պայծառակերպությունը կյանքի բանալին եղած է:

Մեր ժողովուրդը գիտցած է գործածել այդ բանալին, հրաշալիորեն պայծառակերպված է այն անցյալին մեջ և ստեղծած հոգևոր արժեքներ:

Այսօր ալ, սիրելիներս, ժամանակն է, որ մեր ժողովուրդը նորեն պայծառակերպվի ո՛չ միայն ֆիզիկապես ու տնտեսապես, ո՛չ միայն մշակութային բնագավառին մեջ, այլ մանավանդ հոգեպես և բարոյապես:

Կաղոթեմ, որ Աստված խաղաղություն տա աշխարհին, որպեսզի ապգերն ու ժողովուրդները, Աստուծո սիրույն մեջ, օրհնված և պայծառակերպված ապրին, համերաշխության պայմաններու մեջ:

Կմաղթեմ Մայր Աթոռին անսասանություն, Վեհափառ Հայրապետին՝ կենաց արևշատություն, որպեսզի ան երկար տարիներ շարունակե հովվել և իր թեները տարածել հայ ժողովուրդի վրա, ինչպես հո՛ւ՝ Հայաստան աշխարհի վրա, այնպես ալ աշխարհի բոլոր կողմերուն վրա, ուր կան ցրված հայության բեկորներ, մինչև այն

երջանիկ օրը, երբ ըլլանք «մի հոտ և մի հովիւ», ընդ հովանալով Ս. Էջմիածնի և Ամենայն Հայոց Վեհափառ Հայրապետի»:

Հավարտ սուրբ պատարագի, հավատացյալներից շատերը Ս. Հաղորդություն ստացան:

Եկեղեցական հանդիսության ավարտին, Վեհափառ Հայրապետը և պատրիարքը սրբազանը, ամպհովանու տակ, եկեղեցական թափորով, առաջնորդվեցին Վեհարան:

Հրաժեշտի ընդունելություն

Ժամը 3-ին, Վեհարանի սեղանատանը, Թուրքիայի հայոց սրբազան պատրիարքի պատվին կազմակերպվել էր հրաժեշտի ընդունելություն:

Ճաշկերույթին ներկա էին Գերագույն Հոգևոր Խորհրդի և Վերստուգիչ հանձնաժողովի անդամները, Մայր Աթոռի միաբանությունն ու պաշտոնեությունը:

Հրավիրյալների թվում էին վարպետը՝ ՍՍՌՄ ժողովրդական նկարիչ Մարտիրոս Սարյանը, գրող Կոստան Զարյանը, Մայր Աթոռին աղբյուրի ճարտարապետական հանձնաժողովի անդամներ, Արարատյան թեմի թեմական խորհրդի ատենապետ Ս. Արեշատյանը և այլ հյուրեր:

Ընդունելության ներկա էր նաև Հայկական ՍՍՌ Մինիստրների սովետին առընթեր Հայ եկեղեցու գործերի խորհրդի նախագահի տեղակալ պր. Ս. Հովհաննիսյանը:

Սեղանը օրհնում է Վեհափառ Հայրապետը: Այնուհետև ստեղծվում է ջերմ ու սրտագին մթնոլորտ սեղանների շուրջ:

Ընդունելությունը ղեկավարում է Վեհափառ Հայրապետը: Նորին Ս. Օծությունը առաջին բաժակը բարձրացնում է Մայր Աթոռ Ս. Էջմիածնի հովանու ներքո Հայաստանյայց Առաքելական եկեղեցու նվիրապետական Աթոռների անսասանության և միության կենաց:

Սրահում թնդում է «Էջ Միածինն ի Հօրէ՛» Մայր Աթոռի հոգևոր հիմնը:

Վեհափառ Հայրապետը երկրորդ բաժակը առաջարկում է հայրենի կառավարության և հայ ժողովրդի բարօրության կենացը:

Սրբազան պատրիարքը հայրը բաժակ է առաջարկում Վեհափառ Հայրապետի կենաց արեւատության և Մայր Աթոռի անսասանության:

Հուզումով ունկնդրվում է «Տէ՛ր, կեցո՛ւ դու զհայս» ազգային հիմնը՝ Տ. Մեսրոպ վարդապետի կատարմամբ:

Այնուհետև Վեհափառ Հայրապետը, ողջունելով սրբազան պատրիարքին, ասում է.

«Ավելի քան մեկ շաբաթ է, որ ուրախության և խոր մխթարության օրեր կապրինք Մայր Աթոռին մեջ:

Ուրախ ենք և հույժ երջանիկ, վասնզի մեր օրերուն տեղի ունեցավ այցելությունը Պոլսո հայոց սրբազան պատրիարքին:

Այստեղ է ան, Ս. Էջմիածին, նստած ահա Մեր կողքին:

Պատմական է այս իրադարձությունը և մեծապես նշանակալից:

Փա՛ռք Աստուծո ամենակալին, որուն ողորմության և շնորհքին ներքև կգտնվի Հայոց Ս. Եկեղեցին և մեր եկեղեցական կյանքն ու գործունեությունը:

Մենք անկեղծորեն հրճվեցանք, երբ բոլոր տեսակի դժվարությունները հաղթահարվելով, Թուրքիո հայոց Պատրիարքական Աթոռը ունեցավ իր գահակալը, ժողովուրդի միաձայն ընտրությամբ:

Հրճվեցանք մանավանդ, որ նորընտիր պատրիարքը եղավ Շնորհք արքեպիսկոպոս Գալուստյանը, որ մեր օրերու հայ բարձրաստիճան հոգևորականության ամենափայլուն դեմքերեն մեկը կհանդիսանա: Իր ամբողջ կյանքը եղած է նվիրում և ծառայություն:

Այսօր կկրկնապատկվի Մեր հրճվանքը, երբ երջանիկ պատեհությունը ունինք այստեղ, հայրենի հողի վրա, Ս. Էջմիածնի կամարներուն տակ, ողջունելու Շնորհք պատրիարքը, որ իր ուղեկիցներուն հետ կուգա իր Աթոռին և իր ժողովուրդին սիրո և հավատարմության վկայությունը բերելու Ամենայն Հայոց Հայրապետին:

Սրբազան պատրիարք եղբայրը Մեր ուխտի կուգա Փրկչի Իջման այս սուրբ տեղերը և նոր էջ մը կբացվի մեր կեղեցական կյանքին մեջ:

Պատմության ընթացքին միշտ սիրափոր եղած են Մայր Աթոռիս և Պոլսո Պատրիարքության փոխհարաբերությունները: Բայց ահա այդ սիրո և գործակցության կապը առավել կսերտանա:

Մենք միշտ պիտի աղոթենք ու գործենք, որպեսզի Մայր Աթոռ Ս. Էջմիածնի սիրո և հոգևոր աշխատակցության կապերը հետզհետե՝ առավել ջերմանան մեր եկեղեցվո մյուս երեք նվիրապետական Աթոռներուն հետ, որոնք բոլորը միասին անբաժանելի մեկ ամբողջություն մը կկազմեն՝ օրհնությամբ և շնորհներովը Աստուծո Միածին Որդվույն, որ լուսեղեն կերպարանքով այստեղ իջավ շատ դարեր առաջ և այդ լույսի ահեղ զորությամբ հինգ Ամենայն Հայոց Հայրապետությունը, Գլուխը Հայաստանյայց Առաքելական Ս. Եկեղեցվո:

Սիրեցյալ պատրիարք եղբայր. թող Աստված օրհնե մեր միասնության ուխտը, թող Աստված օրհնե մեր եղբայրությունը և մեր սուրբ գործը: Մեր գործը Աստուծո գործն է, մեր գործը եկեղեցաշեն գործ է, մեր գործը հայ հավատացյալ

ժողովուրդի միասնության և հոգևոր լուսավորության գործ է: Մենք միշտ Ձեզի հետ պիտի աղոթենք, որպեսզի լինի «Յերպիր խաղաղութիւն և ի մարդիկ հաճութիւն»:

Ձեզի կմաղթենք անսպառ ուժ և աշխատանքի եռանդ ու լավատեսության ոգի, որպեսզի երկար, շատ երկար տարիներ հովվեք ու առաջնորդեք Թուրքիոյ հայոց եկեղեցիները և հավատացյալ ժողովուրդը:

Դուք, սիրելի՛ եղբայր, այցելեցիք մեր երկրի՝ Հայաստանի կարգ մը եկեղեցիները և պատմական վանքերը, կրթական, գիտական և գեղարվեստական բարձր հաստատություններ, տեսաք մեր վերածնած երկրի շէն ու ծաղկած քաղաքները՝ Երևան, Լենինական, Կիրովական, Ալավերդի և այլ վայրեր: Տեսաք մեր գործարար և չարքաշ ժողովուրդը իր առօրյա աշխատանքին մէջ: Ու տեսաք այդ աշխատանքի, շինարար աշխատանքի փառավոր արդիւնքները:

Ահա մեր նորաշէն Մայր Հայաստանը, որ նոր պայմաններու մէջ, բարենպաստ պայմաններու մէջ կապրի ու կվերաշինվի նաև մեր եկեղեցական պլանքը, կվերաշինվի ու կպայծառանա մանավանդ ամենայն հայոց սուրբ հավատքի վեմ Մայր Առթո՛ Ս. Էջմիածինը, շնորհիվ հավատացյալ ժողովուրդի՝ զոհողություններուն, շնորհիվ այստեղ ծավալող աշխատանքին, բայց մանավանդ ի մասնավորի շնորհիվ մեր հայրենի կառավարության բարյացակամության և օրինական անաչառ վերաբերմունքին դեպի եկեղեցին:

Այս առթիվ Մենք Մեր սրտագին շնորհակալությունները կհայտնենք Խորհրդային Հայաստանի իշխանություններուն, որ, ինչպես անցյալին, նաև այս անգամ ընդառաջեց Մեր դիմումին և հարկ եղած օրինավոր ձևակերպությունը կատարվեցավ շուտափութ կերպով, որպեսզի սրբապան պատրիարքը իր ջրախմբով ուխտի գա Ս. Էջմիածին:

Մեր գոհունակությունը պարտինք հայտնել նաև Թուրքիոյ հանրապետական կառավարության նույն՝ բարյացակամության համար, որով հնարավոր դարձավ Մեր այցելությունը Ստամբուլ 1961-ին և այժմ Շնորհք սրբապան պատրիարքին այցելությունը Հայաստան:

Սիրելի՛ սրբապան եղբայր, տարեք Ձեզի հետ Ձեր հոտին ջերմագին ողջույններ հայրենի հողին, մեր բազմադարյան սրբավայրերն և Մայր հայրենիքի հավատացյալ ժողովուրդի սրտեն:

Մենք կճանչնանք Ձեր հոտը: Մենք կճանչնանք և կսիրենք Ձեր ժողովուրդը, Մեր հոգևոր զավակները: Տարեք բոլորին, բոլորին անխտիր Մեր սիրտ ողջույնը և Մեր հայրապետական օրհնությունները, Մեր սրտեն բխած ամենաջերմ մաղթանքներով:

Թող անսասան մնա Թուրքիոյ հայոց Պատրիարքական Աթոռը, հավետ ջեն ու պայծառ իր եկեղեցիներով:

Հանուն հայրենի կառավարության, Թուրքիայի հայոց պատրիարքին ողջունում է նաև Հայ Եկեղեցու գործերի խորհրդի նախագահի տեղակալ պր. Ս. Հովնանէիսյանը:

Հանուն Գերագույն Հոգևոր Խորհրդի, Գրիգոր Բեմմեզյանն իր ելույթում ասում է.

«Վեհափա՛ռ Տեր.

Խորին շնորհակալություն այն պատվին համար, որով հնարավորություն կտրվի ինձի բարի գալուստ մաղթելու նորին ամենապատվոյն Ս. Շնորհք պատրիարք Գալուստյանին:


Սրբազա՛ն հայր, բոլոր անոնց համար, որոնք Ձեզ կճանչնան դեռ ուսանողական տարիներին, բոլոր անոնց համար, որոնք կհետևին Ձեր հովաական բեղմնավոր գործունեության սփյուռքահայ զանազան կեդրոններուն մեջ, բոլոր անոնց համար, որոնք հրմկեցան Ձեր պատրիարքության բարձր պաշտոնին համար, մեծ պատիվ և երջանկություն է ողջունել Ձեզ Մայր Աթոռ Ս. Էջմիածնի մէջ:

Այսօր, Մայր Տաճարին մէջ, Ձեր քարոզին մէջ Դուք մեկնաբանեցիք Քրիստոսի այլակերպության և պայծառակերպության հրաշափառ խորհուրդը: Այդ խորհուրդը, սակայն, կյանք է առեր, առաջին հերթին, նաև Ձեր անձին և գործունեության մէջ, որովհետև ուր որ Դուք եղաք որպես Հոգևոր հովիվ հայ հավատացյալներու, Ձեր գործունեությամբ ոչ միայն պայծառակերպվեցաք անձնապես, այլև պայծառակերպեցիք Ձեզի հանձնված հոտը:

Մենք վստահ ենք, որ պայծառակերպության նոր շրջան մը կապրի նաև Պոլսոյ հայությունը Ձեր պատրիարքության օրով:

Պոլիսը մեզի համար սովորական քաղաք մը չէ, այլ նվիրական անուն մը, հուզիչ հիշատակներով առլցուն, որովհետև ան քաղաքն է Օրմանյաններու և Դուրյաններու, Մեծարենցներու, Վարուժաններու, Պարոնյաններու և Զոհրապներու, Սիամանթոներու և Թեքեյաններու Պոլիսը այն քաղաքն է, ուր երկար ժամանակ ապրեցավ և ստեղծագործեց մեր մեծ Կոմիտասը: Պոլիսը այն քաղաքն է, ուր այժմ կապրի մեր ժողովուրդին մեկ հատվածը, որ, դեռ վերջերս, Վեհափառ Հայրապետի այցելության առիթով, ցույց տվավ, որ գիտե և կրնա արժանավորապես շարունակել իր նախնիքներուն նվիրական ավանդությունները:

Սրբազա՛ն հայր, Ձեր գործունեությամբ եղեր է արդյունավետ անով մանավանդ, որ Դուք ոչ միայն անձամբ ներշնչվեք եք իջման Սեղանի սրբազան լույսով, այլև ամեն տեղ Ձեզի հետ տարեր եք դպն, տարեր եք Մայր Աթոռ Ս. Էջմիածնի ուժն ու փառքը: Այժմ դո-



Վեհափառ Հայրապետը և սրբազան պատրիարքը Գերագույն Հոգևոր Խորհրդի անդամների և այլ
նյութերի մեջ

րացաք նաև հայրենի հողի ներշնչանքով, հայրենի երկրի գեղեցկություններով և, առավել ևս գոտեպնդված, կվերադառնաք Ձեր Աթոռը: Հավատացած ենք, որ Ս. էջմիածնի լույսն ու ներշնչանքը ամբողջովին կբաշխեք անոնց կարոտովը տառապող և անոնց երազովը ապրող մեր սիրեցյալ եղբայրներուն:

Այս հավատքով և ոգևորությամբ ալ մենք, Մայր Աթոռի Գերագույն Հոգևոր Խորհուրդի անդամներս, բաժակ կբարձրացնենք Ձեր թանկագին կենացը, մաղթելով Ձեզի ամենայն հաջողություն և ամենայն բարիք»:

Սրբազան պատրիարք հոր սաղիմական հին դասընկեր և «էջմիածին» ամսագրի խմբագիր Ա. Հատիտյանն իր ճառի մեջ ասում է.

«Այսօր պատմական օր է Մայր Աթոռի համար: Մեր մեջ ունենք ներկայությունը, պատմության մեջ առաջին անգամ, Թուրքիայի հայոց ամենապատիվ սրբազան պատրիարք հոր:

Առանձնապես ինձ համար այսօր բերկրանքի և հպարտության օր է: Սրբազան Պատրիարք հորը ճանաչում եմ 1929 թվից, Երուսաղեմից, երբ միասին էինք սովորում Ժառանգավորաց վարժարանում և Հնժայարանում, աշակերտելով լուսահոգի Թորգոմ պատրիարքին:

Միշտ թարմ է հիշողությանս մեջ ուսանողության այդ օրերից, նազարեթի որբանոցից եկած, մի քիչ դժգույն և թեթև կուցած

պատկերը Արշակի, բարոյությամբ լեցուն աչքերով այդ պատանու, որը սիրում էր ավելի լույս, խոկալ և աղոթել: Այս երեք բառերի մեջ են խտանում երեկվա իյդեցի (Յողդատ) որբ հայ պատանու և այսօրվա Թուրքիայի հայոց սրբազան պատրիարք հոր նկարագրի ու բնավորության հիմնական գծերը, որպես մարդու և հոգևորականի:

Շնորհք սրբազան պատրիարքը Ամենայն Հայոց Վեհափառ Հայրապետի առաջին ձեռնասուն եպիսկոպոսն է, որ բարձրացել է Հայ Եկեղեցու նվիրապետական Աթոռներից մեկի՝ Պոլսի Պատրիարքական Գահի վրա:

Պետք է ուրախությամբ արձանագրել այն խրախուսիչ փաստը, որ Վեհափառ Հայրապետի ձեռնադրած եպիսկոպոսներն այսօր կարևոր, առաջնորդող դեր են կատարում թե՛ արտասահմանի և թե՛ ներքին թեմերում, Հայ Եկեղեցու ղեկավարության մեջ, որպես առաջնորդների, հայրապետական պատվիրակների և հոգևոր հովիվների:

Այս փաստը ինքնին խոսում է այն մասին, որ այսօր Հայաստանյայց Առաքելական Եկեղեցին, հայրենի ազատ և խաղաղ պայմաններում, Վեհափառ Հայրապետի ղեկավարությամբ և Մայր Աթոռ Ս. էջմիածնի հովանու ներքո, նորից դրվել է իր առաքելության և կոչման բարձրության վրա:

Սրբազան հայր, որպես Թուրքիայի հայոց պատրիարք, Ձեր ետին թնեք 500 տարվա մի փառավոր պատմություն:

Այդ պատմության ոգին թող լինի Ձեզ առաջնորդ և ներշնչման աղբյուր:

Պուսի Պատրիարքական Աթոռը, ինչպես նշում է Օրմանյան սրբազանը, 1526 թվից ի վեր հոգեպես «վերջնականապես և բացառապես կապվեցավ էջմիածնի Մայր Աթոռին հետ»:

Ես վստահ եմ, որ Դո՛ւք, Ձեր պատրիարքության տարիներին, է՛լ ավելի կամրապնդեք կանոնական ու պատմական այդ կապը Մայր Աթոռի հետ, ի մխիթարություն հայ հավատացյալ ժողովրդի և ի պայծառություն Հայաստանյայց Առաքելական Եկեղեցու:

Հոգեշնորհ Տ. Արսեն արեղան մեներգում է «Խաչն ի նախնումն» տաղը, իսկ Մայր Տաճարի երգչախմբի մեներգուհի Սվետլանա Զաքարյանը երգում է «Կոռունկ»-ը և «Ավե Մարիա»-ն:

Հանդիսության վերջում խոսք է առնում սրբազան պատրիարհ հայրը և ասում.

«Վեհափա՛ռ Տեր և հարգելի սեղանակիցներ. Ծանրաբեռնված կզգամ ինքս իմ հասցեին արտահայտված ազնիվ խոսքերու, ապրումներու և երախտագիտական պագցումներու բեռն տակ:

Պիտի նախընտրել իմ բնական հակումիս հետևելով լռել, քան արտահայտել պանոսը:

Ինձի կվերապահեմ ապրումներս: Մյուս կողմեն, սիրով և շնորհակալությամբ կփոխադարձեմ իմ հասցեին եղած ազնիվ խոսքերը:

Կուզեմ լոկ արտահայտել իմ երախտագիտական պագցումները:

Այստեղ կգտնվիմ ես, ոչ միայն իբրև Հայաստանյայց Եկեղեցվո նվիրապետական Աթոռներեն մեկուն գահակալը, այլ նաև որպես հայ հոգևորական:

Առաջին հերթին գոհունակությամբ կանդրադառնամ, որ մեր հանրապետական թուրք կառավարության բարյացակամ վերաբերմունքին շնորհիվ կարելիություն ստեղծվեցավ, որ իմ այս ուխտավորական այցելությունս ի գլուխ հանեմ, ինչպես նաև փոխադարձեմ Վեհափառ Հայրապետին Թուրքիո հայության տված սփոփարար այցելության, 1961 թվականին:

Պիտի փափագել և մաղթել, որ մեր թուրք կառավարության և Սովետական մեծ Միության հարաբերությունները առավել բարվոքվեն և ավելի լայն հնարավորություններ ստեղծվեն երկուստեք, մշակութային և այլ հարաբերությանց:

Այս պատճառով, ես ուրախությամբ կանդրադառնամ այն պատգամավորության, որ վերջերս այցելեց Սովետական Միություն:

Գոհունակությամբ կնշեմ նաև Սովետական Միության բարյացակամ վերաբերմունքը, որ դյուրություն ստեղծեց մեր վիպայի համար:

Իմ Հայաստան գտնված միջոցին, հատկապես երկրի մեջ իմ կատարած ճանապարհորդության ընթացքին, շատ բարյացակամ վերաբերմունք գտանք բաղաձային իշխանության կողմե, որոնց բոլորին, այս առիթով, կհայտնենք մեր խորին շնորհակալությունը:

Այցելեցինք ուր որ կամեցանք և մեկ ընծայվեցավ ամեն դյուրությամբ: Իմ շնորհակալության և երախտագիտության մեծագույն մասը կերթա Վեհափառ Հայրապետին, որուն հյուրը եղանք, մեր այնտեղ գտնված ամբողջ միջոցին: Ծարունակ առարկան եղանք իր եղբայրական և հայրական հատուկ հոգատարության:

Հայաստանյայց Առաքելական Եկեղեցին և էջմիածնի միաբանությունը շատ բախտավոր են, այս շրջանին մեջ ունենալով Վեհափառ Հայրապետի նման պայծառ և շատ գործունյա հոգեվորական բարձր անձնավորություն մը՝ իբրև Պետ և Հայր:

Արդեն իսկ Իր անվան որպես մակդիր. «Շինարար» տիտղոսը կցորդված է: Վեհափառ Հայրապետի շինարարական գործունեությունը ամենքին հայտնի է:

Ես մասնավոր կերպով կուզեմ անդրադառնալ Վեհի արտասահմանի մեր եկեղեցիներուն նկատմամբ ցույց տված հոգածության:

Պատմության պիտի անցնի Վեհը, որպես այն բացառիկ կաթողիկոսը, որ հատուկ դիտավորությունը ունեցած է այցելելու և Մայր Աթոռ Ս. Էջմիածնի հմայքն ու օրհնությունը տանելու Սփյուռքին, մեր ցրված համայնքներուն:

Վեհափառը Իր գահակալության օրեն ասդին ամբողջ և հեղինակաբար Իր ձեռքին մեջ առավ Մայր Աթոռի ղեկավարությունը և պայն դրավ իր պատմական հունին և առաքելության մեջ:

Ուրախ ենք նշելու, որ Էջմիածնի հոգևոր հեղինակությունը, թե՛ հայ եկեղեցիներեն ներս և թե՛ միջեկեղեցական շրջանակներու մեջ, իր բարձր և արժանի մակարդակին վրա կգտնվի:

Վեհափառ Հայրապետը սիրված և համակրության արժանացած անձնավորություն մըն է նաև պետական և ժողովրդական շրջանակներու մեջ:

Սրտագին կմաղթեմ խաղաղություն ամբողջ աշխարհին, հաճություն և եղբայրություն բոլոր ազգերուն:

Աչքովս տեսա Հայաստանի տնտեսական և մշակութային հսկա վերելքը, ծաղկումը:

Կմաղթեմ Վեհափառ Հայրապետին երկար կյանք և առավել շինարար աշխատանք:

Կաղոթեմ միշտ Մայր Աթոռ Ս. Էջմիածնի անսասանության համար:

Կմեկնիմ այստեղեն հոգվով և ֆիզիկապես կապտորված, շարունակելու իմ ուսերուս վրա ծանրացած պատասխանատու, հոգևորական պարտականությունս ու պաշտոնս:

Կտանիմ լավագույն հիշատակներ այստեղեն:

և կհայցեմ Վեհի օրհնությունը մեր ժողովուրդին և մեր գործին վրա»:

Ներկաների արտագին ծափերի տակ, Վեհափառ Հայրապետը և Թուրքիայի հայոց սրբազան պատրիարքը մի անգամ ևս ջերմորեն ողջագրվում են:

Նորին Ս. Օծուխյունը, հրաժեշտի այս արտառու ընդունելության վերջում, որպես հիշատակ սրբազան պատրիարք հորը նվիրեց եպիսկոպոսական մի թանգակին մատանի, իսկ հոգեշնորհ Տ. Վաղգեն վարդապետին՝ լանջախաչ:

Թուրքիայի հայոց սրբազան պատրիարք հոր պատվին կազմակերպված հրաժեշտի ընդունելությունը վերջացավ խմբովին երգված Տերունական աղոթքով:

Երեկոյան ժամը 8-ին, սրբազան պատրիարք հայրը ներկա եղավ Հայֆիլհարմոնիայի համերգային մեծ դահլիճում հայկական երգի-պարի անսամբլի համերգին, իր շքախմբի և ուղեկիցների հետ:

Այցելություն Հայկական ՍՍՌ Գերագույն սովետի նախագահության նախագահ մեծահարգ պր. Հարությունյանին

Հուլիսի 22-ին, երկուշաբթի օր, առավոտյան ժամը 12-ին, Տ. Տ. Վաղգեն Ա Ամենայն Հայոց Վեհափառ Հայրապետը և Թուրքիայի հայոց սրբազան պատրիարք ամենապատիվ Տ. Շնորհք արքեպիսկոպոս Գալուստյանը, Երևանում, Գերագույն սովետի դահլիճում, այցելեցին Հայկական ՍՍՌ Գերագույն սովետի նախագահության նախագահ մեծահարգ պր. Նազուշ Հարությունյանին:

Պաշտոնական այս այցելության ժամանակ Վեհափառ Հայրապետին և սրբազան պատրիարք հոր ուղեկցում էին Տ. Հայկազուն արքեպիսկոպոս Աբրահամյանը, Տ. Վաղգեն վարդապետ Գալստյանը, Տ. Արսեն արքեպիսկոպոս Բերբերյանը և տիար Կարապետ Ղազարյանը: Ընդունելությանը ներկա էին նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Ս. Գասպարյանը և տեղակալ Ս. Հովհաննիսյանը:

Վեհափառ Հայրապետի, Թուրքիայի հայոց պատրիարքի և Հայաստանի Հանրապետության նախագահի միջև տեղի ունեցավ սիրալիր զրույց, ջերմ մթնոլորտում:

Թուրքիայի հայոց սրբազան պատրիարք հայրը հրաժեշտ է առնում Վեհափառ Հայրապետից և Մայր Աթոռից

Հուլիսի 22-ին, երկուշաբթի, ժամը 4-ին, ճաշից հետո, Վեհափառը վերջին տեսակ-

ցությունը տեղի ունեցավ Վեհափառ Հայրապետի և սրբազան պատրիարքի միջև:

Բաժանման ժամն է, արդ, «օրհնե՛, Հա՛յր»: Խորապես հուզված են Վեհափառ Հայրապետը, պատրիարք հայրը և բոլոր ներկաները:

Բաժանման թախիծ կա բոլորի աչքերում: Ոտքի վրա է Վեհափառ Հայրապետը՝ «Տարեք Մեր ողջուններն ու օրհնությունները՝ Թուրքիոյ մեջ ապրող Մեր զավակներուն և Ձեզ բարի ճանապարհ, սրբազան պատրիարք եղբայր»:

Վերջին անգամ Վեհափառ Հայրապետը և պատրիարք հայրը ողջագրվում են: Նորին սրբազնությունը հրաժեշտ առնելով, առաջնորդվում է Մայր Տաճար՝ իր վերջին աղոթքը անելու Իջման Ս. Սեղանի առաջ:

Ժամը 6-ին, սրբազան պատրիարք հայրը, ընկերակցությամբ Տ. Հայկազուն արքեպիսկոպոս Աբրահամյանի և Արարատյան թեմի փոխանորդ Տ. Վահան վարդապետ Տերյանի, այցելում է Երևանում հայ բողոքական համայնքի ժողովարանը և նախագահում է երեկոյան աղոթքին և պաշտամունքին:

Վերապատվելի Սարգիս Կոնստանյանը ջերմորեն բարի գալուստ է մաղթում Թուրքիայի հայոց պատրիարք հորը հանուն իր համայնքի և շեշտում է Հայ Եկեղեցու և հայ բողոքական համայնքի համագործակցության կարևորությունը և այցելությունների հոգևոր նշանակությունը:

Սրբազան պատրիարք հայրը խոսք առնելով, օրհնում է հայ բողոքական համայնքի հավատացյալներին և շնորհակալություն է հայտնում ջերմ ընդունելության համար:

Հուլիսի 23-ին, երեքշաբթի, առավոտյան ժամը 8-ին, Վեհափառ Հայրապետի ինքնաշարժով Թբիլիսի է մեկնում Թուրքիայի հայոց սրբազան պատրիարք ամենապատիվ Տ. Շնորհք արքեպիսկոպոս Գալուստյանը, իր շքախմբի հետ:

Նորին սրբազնության ուղեկցում է Արարատյան թեմի փոխանորդ Տ. Վահան վարդապետ Տերյանը:

Հանուն Վեհափառ Հայրապետի, սրբազան պատրիարք հորը և նրա շքախմբի անդամներին ճանապարհում են Տ. Հայկազուն և Տ. Ասողիկ սրբազանները, Տ. Մեսրոպ վարդապետ Պալյանը:

Թուրքիայի հայոց ամենապատիվ սրբազան պատրիարքը Թբիլիսի է ժամանում երեքշաբթի առավոտյան ժամը 12-ին, իր ուղեկիցներով:

Թբիլիսիի հայոց Ս. Գևորգ առաջնորդանիստ եկեղեցու առաջ հավաքված հավատացյալների բազմությունը ջերմորեն է դիմավորում նորին սրբազնության, որը եկեղե-

ցու զանգակների դողանքի տակ «Հրաշա-
փառ»-ով առաջնորդվում է եկեղեցի:

Վրաստանի հայոց առաջնորդ Տ. Կոմիտաս
եպիսկոպոսը, հանուն իր թեմի, բարիգալուստ
է մաղթում պատրիարք հորը, որն օրհնու-
թյամբ և շնորհակալությամբ է պատասխա-
նում եղած արտահայտություններին: Այնու-
հետև սրբազան պատրիարք հայրը առաջ-
նորդվում է եկեղեցուն կից ընդունելության
սրահը, ուր ընդունում է ժողովրդի, թեմական
խորհրդի անդամների այցելությունները:

Թուրքիայի հայոց պատրիարք հորն են այ-
ցելում նաև Վրացական ՄՍԽ Մինիստրների
սովետին առընթեր կրոնական պաշտա-
մունքների գործերի խորհրդի լիազոր նախ-
տաշվիլին և Պրավոսլավ եկեղեցու գործերի
խորհրդի լիազոր Մեթոքիշվիլին:

Այնուհետև սրբազան պատրիարք հայրը
առաջնորդվում է Ինտուրիստ հյուրանոցը:

Երեկոյան ժամը 6-ին, սրբազան պատ-
րիարք հայրը, Տ. Կոմիտաս եպիսկոպոսի ա-
ռաջնորդությամբ, իր ուղեկիցներով, այցե-
լում է Հավլաբարի էջմիածնեցոց եկեղեցին և
այնուհետև՝ Թբիլիսիի հայոց գերեզմանա-
տան պանթեոնը:

Հուլիսի 24-ին, չորեքշաբթի, առավոտյան
ժամը 11-ին, սրբազան պատրիարք հայ-
րը, իր ուղեկիցներով, այցելում է վրաց ժո-
ղովրդի սրբության սրբոց, հնադարյան
Մցխեթայի վանքը:

Մցխեթայում պատրիարք հայրը դիմավոր-
վում է հանդիսավորապես: Նորին սրբազնու-
թյունը հանգամանորեն ծանոթանում է վան-
քի պատմության և ճարտարապետական
առանձնահատկություններին:

Այնուհետև պատրիարք հայրը այցելում է
Մցխեթայի մոտ, լեռան բարձունքի վրա
գտնվող վրացական Զիվարիի Ս. Խաչ վանքը:

Հարուստ ու բազմաթիվ սրբություններով,
պատրիարք հայրը հրաժեշտ է առնում Մցխե-
թայի վանքից:

Թբիլիսի վերադառնալով, նորին սրբազ-
նությունը այցելում է վրաց Ս. Սիոն կաթողի-
կոսանիստ Մայր Տաճարը, ուր իր ուխտը կա-
տարելուց հետո, համբուրում է Վրաստանի
առաքելուհի Ս. Նունե կույսի պատմական
խաչը:

Ժամը 1-ին, Թուրքիայի հայոց սրբազան
պատրիարքը իր ուղեկիցներով պաշտոնա-
կան այցելություն է տալիս Համայն Վրաց
Պաշարիարք-Կաթողիկոս. նորին Սրբություն

Եփրեմ Բ-ին, Թբիլիսիի Վրաց Կաթողիկոսա-
րանում:

Երեկոյան ժամը 6-ին, Ֆունիկուլորում,
Վրաստանի հայոց թեմական խորհուրդը,
պատրիարք հոր պատվին, կազմակերպում է
ողջերթի ընդունելություն, որն անցնում է
ջերմ, սրտագին մթնոլորտում:

Հուլիսի 25-ին, հինգշաբթի առավոտյան,
սրբազան պատրիարք հայրը ծանոթանում է
Թբիլիսիի տեսարժան վայրերին և պատմա-
կան հուշարձաններին:

Երեկոյան ժամը 4-ին, նորին սրբազնու-
թյունը հրաժեշտ առնելով, «Տու-104» ինք-
նաթիռով մեկնում է Մոսկվա:

Վնուկովոյի օդանավակայանում սրբազան
պատրիարք հորը ջերմորեն դիմավորում են
Մոսկվայի հայոց հոգևոր հովիվ գերաշնորհ
Տ. Պարզե եպիսկոպոս Գևորգյանը, հոգեշնորհ
Տ. Գրիգոր վարդապետ Նդիսյանը և բարե-
շնորհ Ժիրայր սարկավազ Կոնսուլյանը:

Նորին սրբազնությունն առաջնորդվում է
«Լենինգրադսկայա» հյուրանոցը, ուր մի օր
առաջ ժամանել էր նաև Վեհափառ Հայրապե-
տը դեպի Զխոնալովակիա իր ուղևորության
ճանապարհի վրա:

Հուլիսի 26-ին, ուրբաթ, առավոտյան ժամը
11-ին, սրբազան պատրիարք հայրը այցելում
է Մոսկվայի թուրք դեսպանին:

Երեկոյան ժամը 5-ին, Վեհափառ Հայրա-
պետը և սրբազան պատրիարքը, իրենց ջը-
խմբերով, այցելում են Մոսկվայի և Համայն
Ռուսիո Պատրիարք Նորին Սրբություն Ալեք-
սիին:


Եկեղեցական երեք պետերի միջև տեղի է
ունենում եղբայրական ջերմ զրույց, մտերիմ
մթնոլորտում:

Երեկոյան ժամը 8-ին, «Լենինգրադսկա-
յա» հյուրանոցում, Ամենայն Հայոց Վեհա-
փառ Հայրապետին և Թուրքիայի հայոց
սրբազան պատրիարքին այցելում է Մոսկվա-
յում թուրք դեսպանը:

Հուլիսի 27-ին, շաբաթ, Վեհափառ Հայրա-
պետը և սրբազան պատրիարք հայրը, առա-
վոտյան ժամը 9-ին, «ՏՈՒ-104» ինքնաթի-
ռով մեկնում են Պրագա:

Նորին Ս. Օծություն և նորին սրբազնու-
թյան ճանապարհում են գերաշնորհ Տ. Պարզե ե-
պիսկոպոսը, Մոսկվայի հայոց եկեղեցական
խորհրդի անդամները, թուրք դեսպանի ներ-
կայացուցիչը և պաշտոնական այլ անձինք:





ՏԵՍԱԿՅՈՒԹՅՈՒՆ ԹՈՒՐԶՈՒՄԻ ԼԱՅՈՑ ԱՄԵՆԱՊԱՏԻՎ Տ. ՇՆՈՐՀԸ ՍՐԲԱԶԱՆ ՊԱՏՐԻԱՐԺԻ ԼԵՏ

«Էջմիածին» ամսագրի խմբագիրը հուլիսի 22-ին, երկուշաբթի առավոտյան, տեսակցություն ունեցավ Թուրքիայի Հայոց ամենապատիվ Տ. Շնորհք պատրիարքի հետ, որը ուխտավորաբար գտնվում էր Մայր Աթոռում։ Սրբազան պատրիարք հայրը, ընդունելով «Էջմիածին» ամսագրի խմբագրին, սիրով պատասխանեց նրա հարցերին։

Ստորև ներկայացնում ենք այդ տեսակցությունը իր շահեկանության համար։

Հարց.— Սրբազան պատրիարք հայր, որպես Ամենայն Հայոց Վեհափառ Հայրապետի ներկայացուցիչ, հունիսի 23—25 օրերին, ներկա եք եղել Աթոս լեռան վանքերի հաստատման 1000-ամյակին նվիրված հանդիսություններին։ Խնդրում ենք պատմել Ձեր տպավորությունները։

Պատասխան.— Որպես Ամենայն Հայոց Վեհափառ Հայրապետի ներկայացուցիչ, Մայր Աթոռ Ս. Էջմիածինն ու Հայ Եկեղեցին ներկայացուցինք Աթոս լեռան վանքերու հաստատման և վանական կազմակերպության 1000-ամյակին նվիրված հանդիսություններում։

Այս առաքելության ժամանակ մեզ կրնկերանային Ստամբուլի Սկյուտարի Ս. Խաչ դպրեվանքի տեսուչ հոգեշնորհ Տ. Շահան ծայրագույն վարդապետ Սվաճյանը, հոգեշնորհ Տ. Խոսրով վարդապետ Էմիրզեյանը և այր. Կարապետ Ղազարյանը։

Հունիս 21-ին, ուրբաթ օր, ժամանեցինք Աթենք մեր շքախմբի հետ և ընդունվեցանք Աթենքի և Համայն Հունաստանի Արքեպիսկոպոս Խրիստոստոմոս սրբազանի երկու եկեղեցական ներկայացուցիչներու, միտրոպոլիտարանի պաշտոնեւթյան, ինչպես նաև Հունաստանի հայոց առաջնորդական տեղապահ արժանապատիվ Տ. Մեսրոպ ավագ քահանա Տ. Հակոբյանի, թեմական խորհուրդի անդամ-

ներու և հոծ հայ բազմության մը կողմն և առաջնորդվեցանք Քեֆիսի «Սեսիլ» հյուրանոցը, որպես հույն կառավարության հյուրը։ Նույն օրը երեկոյան, հյուրանոցին մեջ, ընդունեցանք այցելությունը հունահայ թեմի ազգային-եկեղեցական մարմիններու։

Շաբաթ օր, հունիս 22-ին, մասնավոր շոգենավով մը և Բուլղարիո, Ռումանիո պատրիարքներու և օրթոդոքս եկեղեցական այլ բարձրաստիճան հոգևորականներու և մեր շքախումբին հետ, մեկնեցանք Ալեքսոպոլ։ Հունաստանի հայոց թեմական խորհուրդին կողմն որպես թարգման մեզ ընկերացավ պր. Ս. Գասպարյանը։

Աթոսը քսան մեծ և ավելի քան 100 փոքր վանքերու համադրություն մըն է, որ կգտնվի Խալքիտիքի թերակղզիի արևելյան մասին վրա և հսկա մենաստանի մը տպավորությունը կգործն նայողին վրա։

Թերակղզիի գլխավոր վանքը Մեծ Լավրա կկոչվի, Աթոս սրբազան լեռան ստորոտը։ Իսկ վանքերու վարչական կեդրոնը կկոչվի Կարիե։

Աթոս լեռան վանքերուն մեջ կապահվին շատ արժեքավոր ձեռագիրներ և հնություններ։

Աթոս լեռան վանքերու հաստատման 1000-ամյակը կկատարվեր Ստամբուլի Հունաց Տիեզերական Պատրիարքի նորին Ամենապատվություն Տ. Աթենագորասի նախագահությամբ։ Այս բոլոր վանքերը և վանական միաբանությունները ենթակա են Ստամբուլի Հունաց Տիեզերական Պատրիարքության իրավասության։ Պետք է նշեմ, սակայն, որ Աթոս լեռան մենաստանները եղած են ընդհանրապես օրթոդոքս ինքնազուխ եկեղեցիներու վանական կեդրոնները։ Այստեղ վանքեր ունեցած են վրաց, բուլղար, ռումեն պրավոսլավ եկեղեցիները։ Կարիեի մեջ ամենագեղեցիկ և մեծարժեք սրբապատ-



Ամենապատիվ Տ. Շնորհք պատրիարքը օրթոդոքս պատրիարքների հետ Ռանդիստությանց ժամանակ

կերներով հարուստ վանքեր կհամարվին ուսական երկու վանքերը:

Ժամանակ մը Աթոս լեռան վանքերուն մեջ պարող վանականներու թիվը հասած է քսանհինգ հազարի: Այժմ երկու հազար վանականներ միայն կապրին այդ վանքերու մեջ:

Հանդիսությանց անձամբ կնախագահեր Ստամբուլի Տիեզերական Պատրիարքը: Ներկա էին Նրուսադեմի հունաց պատրիարք Բենետիկոսը, Սերբիո Գերմանոս պատրիարքը, Բուլղարիո Կյուրեղ և Ռումանիո Հուստինիանոս պատրիարքները, Ֆինլանդայի օրթոդոքս եկեղեցիի էկզարխը, Ալեքսանդրիո, Անտիոքի պատրիարքությանց ներկայացուցիչներ, Կիպրոսի արքեպիսկոպոսության, Չեխոսլովակիայի, Լեհաստանի օրթոդոքս եկեղեցիներու ներկայացուցիչներ:

Հյուրերու կարգին առաջին տեղը հատկացված էր Վեհափառ Հայրապետի ներկայացուցչին՝ Քուրբեիո հայոց պատրիարքին և անոր շքախմբին: Ներկայացուցիչներ ունեին նաև կաթոլիկ միաբանություններ, հույն կաթոլիկներ, դպտի, ասորի եկեղեցիներ:

Անգլիկան Եկեղեցին և Քենետրեբրիի Արքեպիսկոպոսը կներկայացնեն Ջիպրատարի եպիսկոպոսը: Եկեղեցիներու համաշխարհա-

յին խորհուրդը կներկայացնեն անձամբ ընդհանուր քարտուղար դոկտ. Վիսսեր, Ռուսաց Եկեղեցին և Համայն Ռուսաց Պատրիարք Նորին Սրբութիւն Ալեքսին կներկայացնեն Նիկոտիմ արքեպիսկոպոսը և Նվրոպայի մեջ Պատրիարքի ներկայացուցիչ էկզարխը:

Հոբելյանական հանդիսության անձամբ ներկա էր Հունաստանի թագավոր Նորին Վեհափառութիւն Պաւլոս Ա-ը զահաժառանգ իշխանի, իր նախարարներու, կաբինետի և այլ պաշտոնական անձնավորութիւններու ընկերակցութեամբ:

Հանդիսութիւնը սկսավ հունիս 22-ին, շաբաթ օր, եկեղեցական արարողութեամբ, աղոթքով և սաղմոսերգութեամբ:

Օրվան հանդիսավորութեան առիթով պատարագեց Ստամբուլի Հունաց Աթենագորաս Տիեզերական Պատրիարքը: Սուրբ պատարագին հմասնակցեին ներկա օրթոդոքս պատրիարքները զգնատավորված:

Հավանտ սուրբ պատարագի, տեղի ունեցավ առաջին պաշտոնական ընդունելութիւնը, որուն հրավիրված էին միայն պատրիարքները և կառավարական դեմքեր, թագավորի գլխավորութեամբ, օրթոդոքս ինքնագլուխ եկեղեցիներու պետեր և հյուրեր, Աթենագորաս

Պատրիարքը և Հունաց Թագավորը ճառեր փոխանակեցին:

Հունիս 23-ին, կիրակի, հանդիսության երկրորդ օրը սկսավ կրոնական պաշտամունքով:

Կպատարագեր դարձյալ Աթենագորաս Պատրիարքը: Սուրբ պատարագին այս անգամ զգեստավորված կմասնակցեր նաև Ռուսաց Պատրիարքի ներկայացուցիչ Նիկոտիմ արքեպիսկոպոսը:

Շատ փառաշուք և տպավորիչ էր եկեղեցական հանդիսությունը: Ընդունելության ժամանակ նորեն ճառեր փոխանակեցին Տիեզերական Պատրիարքը և Թագավորը:

Մեր գլխավորած պատգամավորությունը առարկա էր մասնավոր ուշադրության և հոգածության, թեև առիթը չունեցանք հանդիսության ժամանակ ելույթ ունենալու և հաղորդելու Ամենայն Հայոց Վեհափառ Հայրապետի ողջուններն ու շնորհավորանքները: Ըստ նախապես կազմված ծրագրի, ելույթ ունեցան միայն Թագավորը և Տիեզերական Պատրիարքը:

Հունիս 25-ին վերջացան հանդիսությունները և բոլոր հրավիրյալները վերադարձան Աթենք:

Հարց.— Սրբազան հայր, հանդիսությունից հետո, առիթը ունեցա՞ր այցելելու հունահայ մեր համայնքին:

Պատասխան.— Այո, օգտվելով առիթեն, այցելեցի էջմիածնի հավատարիմ մեր համայնքին, տանելու համար Վեհափառ Հայրապետի օրհնությունն ու ողջունը: Հատուկ կերպով երկարաձգեցի Աթենք մնալու օրերս, որպեսզի կիրակի օր մը ժողովուրդին հետ ըլլամ, Պերիստերիի հայոց Ս. Աստվածածին եկեղեցին այցելեմ, որ միակ մատուռն է էջմիածնի հավատարիմ համայնքի ձեռքը մնացած:

Հունիս 30-ին, կիրակի օր, թե՛ մատուռին մեջ և թե՛ դուրսը հսկա բազմություն մը հավաքված կսպասեր:

Եկեղեցական թափուրով և «Հրաշափառ»-ով մուտք գործեցինք եկեղեցի և ողջունելով ժողովուրդը, հաղորդեցինք Վեհափառ Հայրապետի օրհնություններն ու ողջունները: Մեր այցելության առիթով պատարագ մատուցց հոգեշնորհ Տ. Շահան ծայրագույն վարդապետ Սվաճյանը, իսկ մենք Բանին կենաց քարոզության միջոցներով ժողովուրդը և սրտապնդիչ խոսքերով հորդորեցինք ամուր մնալ իրենց ուղիղ, կանոնական դիրքի վրա դեպի Ս. էջմիածինը: Մեծապես ուրախացավ և գոհացավ ժողովուրդը և ամբիջ սերտորեն կապված զգաց իրեն Մայր Աթոռին:

Մեկ օր առաջ, շաբաթ, համայնքը մեր

պատվին կազմակերպած էր մեծ ընդունելություն մը, Սեսիլ հյուրանոցին մեջ:

Աթոսեն Աթենք մեր վերադարձեն հետո, մեզի այցելության եկան նաև Անթիլիասի կապված հատվածի հոգևորականը իր խորհրդակցականներով: Եկած էին բարի գալուստ մաղթելու Թուրքիո հայոց պատրիարքին: Այցելության ժամանակ խոսք դարձավ նաև Անթիլիասի դիրքի մասին: Մենք կոչ ըրինք իրենց վերադառնալ 1958 թվականի կանոնական կացության: Պետք է նշենք, որ անկեղծորեն տրամադրված հայտնեցին միության, բայց այժմ այդ իրենց ձեռնհասության վեր կնկատեն: Կսպասեն որ Ամենայն Հայոց Վեհափառ Հայրապետը և Անթիլիասի աթոռակալը համերաշխության գետին մը գտնեն և հարցը այդ ձևով լուծվի ինքնաբերաբար: Հրավիրեցին նաև այցելել իրենց եկեղեցին: Բայց ժամանակի սղության պատճառով չկրցանք այցելել իրենց:

Աթենք մեր գտնված միջոցին այցելեցինք Աթենքի և Համայն Հունաստանի Արքեպիսկոպոս Խրիսոստոմոսին, որ ջերմորեն ընդունեց մեզ: Միևնույն ժամանակ ունեցանք անոր հետ: Մեր տեսակցության ժամանակ, շեշտեցինք որ Ստամբուլին եկած այցելու հոգևոր հովիվներու առաջ արգելք չհարուցվի եկեղեցական պաշտամունքներուն ներկա գտնվելու համար, հայ եկեղեցիին մեջ:

Միաժամանակ այցելեցինք նաև Աթենքի Թուրք դեսպանին, որ և փոխադարձեց մեր այցելությունը, անձամբ պանդոկ գալով:

Նույնպես պաշտոնական այցելություն տվինք հուլյն արտաքին գործոց նախարարության, ուր ընդունվեցանք պատշաճ պատվով և ջերմորեն: Տեսակցության ժամանակ պարզեցինք էջմիածնի հավատարիմ հայ հատվածի դիրքին կանոնականությունը և հատուկ հուշագիր մը մատուցինք այդ հարցի կապակցությամբ: Հուշագրի պատճենը ներկայացուցած ենք Վեհափառ Հայրապետին:

Հրաժեշտի այցելություն մըն ալ տվինք Աթենագորաս Պատրիարքին, որ մեզի ջերմորեն ընդունեց իր եպիսկոպոսներով շրջապատված, Մաքսիմոս Հաուզ պալատին մեջ: Խնդրեց, որ իր եղբայրական մասնավոր ողջունները և սրտագին շնորհակալությունը հայտնենք Ամենայն Հայոց Վեհափառ Հայրապետին, Աթոս լեռան 1000-ամյակի հանդիսության առիթով մեզի իբր Հայ եկեղեցիի ներկայացուցիչ նշանակելուն և անձամբ մեր մասնակցությունը բերած ըլլալուն համար:

Հուլիս 1-ին, մեր շաբաթի երկու վարդապետ անդամները վերադարձան Ստամբուլ, իսկ մենք մասնավոր այցելությամբ մո շաբաթականեցինք մեր ճանապարհորդ Միլանի վրայով դեպի Լիզբոն և Լոնդոն, ընկերակցու-



Սրբազան պատրիարքը Աթենքում, Պերիստերիի հայոց Ս. Աստվածածին եկեղեցու առաջ, ժողովրդի հետ:

թյամբ պր. Կարապետ Ղազարյանի, դեպի Մայր Աթոռ Սուրբ Երեմիայի մեր ճանապարհին վրա:

Հարց.— Սրբազան հայր, կարելի՞ է իմանալ կիսաբոն և լոնդոն Ձեր այցելությունների նպատակների և արդյունքների մասին:

Պատասխան.— Այո: Հուլիս 1-ին հասանք Միլան, ուր դիմավորեց մեզ գերաշնորհ Տ. Զգոն սրբազանը, համայնքի ներկայացուցիչներուն հետ: Հինն ծանոթ էի այս պատվական համայնքի կյանքին, որ այս անգամ ալ մեզ կողմնակի ջանքերն: Մինչև ամսու 3-ը մնացինք Միլան, վաղիկով համայնքի և համայնքային վարչության ջանք հյուրասիրությունը: Միլանի մեջ, սեղմ շրջանակի մը մեջ, հանդիպում ունեցանք մեր Եկեղեցիի զավակներուն հետ:

Դեպի Լիզբոն մեր ճանապարհին վրա այցելեցինք նաև Նիս, ուր փոքր պատվական հայ գաղութ մը կա, իր եկեղեցիով: Շնորհակալութեամբ մտանք եկեղեցի և մեր ողջունի խոսքը ըսինք Հայ Եկեղեցիի զավակներուն:

Հուլիս 6-ին հասանք Լիզբոն, ուր ջանքերն դիմավորվեցանք Գալուստ Կյուպենկյան հիմնարկի ներկայացուցիչներուն կողմից:

Մեր Լիզբոն այցելության առաջին նպատակն էր փոխադարձ ճանապարհի նախազգուշացում: Պերիստերի և հայկական գործերու բաժնի տնօրեն պր. Ռոբերտ Կյուպենկյանի պաշտոնական այցելությունը, 1962 թվի դեկտեմբերին տրված մեզ և Պատրիարքարանիս: Երկրորդ՝ Ս. Խաչ դպրեմանքի կարիքներուն և կրթական ջանքերու վերանորոգման հարցերու մասին խորհրդակցություն ունենալ հիմնարկի վարչության հետ:

Հիմնարկի պատասխանատու դեմքերը կրթական ջանքերն մայրաքաղաքին՝ արձակուրդով: Մեր ժամանման հաջորդ օրը հասավ պր. Գ. Նսայանը, որ այցելեց մեզ և շատ սիրալիր և ջանք գրուց ունեցավ մեզ հետ: Գոհունակությամբ և երախտագիտությամբ պետք է նշեմ, որ սիրով ընդունվեցան մեր առաջարկները, իրենց օժանդակության վերաբերյալ հիմնական հարցերուն մեջ:

Հուլիս 9-ին ժամանեցինք Լոնդոն, ընկերակցությամբ Ստամբուլի Ս. Խաչ դպրեմանքի խնամակալության ատենապետ պր. Կարապետ Ղազարյանի:

Մեզ դիմավորեցին հայրապետական պատվիրակ գերաշնորհ Տ. Պապկ Եպիսկոպոսը:

հոգեշնորհ Տ. Իսահակ, Տ. Վազգեն, Տ. Ներսես վարդապետները, Քենտրբերիի Արքեպիսկոպոսի ներկայացուցիչ եպիսկոպոսը, Լոնդոնի Հուլյն Եկեղեցիի առաջնորդի ներկայացուցիչը, Լոնդոնի հայ համայնքի խորհուրդի ատենապետ Ե. Պենլյան, խորհուրդի անդամներ Զ. Գալուստյան, Ա. Մուսաֆյան, Լևոն և Հրանտ Ապաճյաններ, տիկին Ֆ. Ապաճյան, Ա. Խաչատուրյան և Լոնդոնի հայ տան քարտուղար Հակոբ Կյուրինյան:

«Հրաշափառ»-ով մուտք գործեցին Լոնդոնի հայոց Ս. Սարգիս եկեղեցին, ուր մեզ ողջունեցին Տ. Պսակ եպիսկոպոսը, Քենտրբերիի Արքեպիսկոպոսի ներկայացուցիչը և Հուլյն Եկեղեցիի ներկայացուցիչը: Մեր պատասխան խոսքին մեջ շնորհակալություն հայտնեցինք Տ. Պսակ եպիսկոպոսին և բոլոր ներկաներուն ջերմ ընդունելության համար և ավելցուցինք, որ Քիմ տունս է որ կայցեցեմ, ուր ծառայեցի Աստուծո և մեր պատվական ժողովուրդին, շորս տարին երկու ամիս պակաս և ուրախ եմ, որ անգամ մը եմ Աստված զիս հոս կրեմ իմ Մայր Աթոռ և Նորին Ս. Օծուխյուն Տ. Տ. Վազգեն Ա Ամենայն Հայոց ամենուս սիրելի Հայրապետին այցելության ճամբուս վրա: Վեհափառ Հայրապետին հրահանգին վրա էր, որ Նորին Ս. Օծուխյունը ներկայացուցի Աթոսի վանքերուն հիմնադրության 1000-ամյակին հանդիսությունը և հիմա կամենինք երկու օրեն դեպի Մայր Աթոռ Ս. Էջմիածին:

Համայնքը մեր պատվին ընդունելություն մը կազմակերպած էր Քինգինգստոն հյուրանոցին մեջ:

Լոնդոն գտնված միջոցին, այցելեցինք նաև Քենտրբերիի Արքեպիսկոպոսին և Լոնդոնի Թուրքիո դեսպանին:

Հաղց.— Սրբազան հայր, կիսգրեմք տեղեկություններ հաղորդել Ձեր պատրիարքական գործունեության և թուրքիո հայության եկեղեցական-մշակութային կյանքի մասին:

Պատասխան.— Թուրքիո Հայոց Պատրիարքության մեր ընդհանուր գործունեության պատկերը, որպես տարեկան տեղեկատվություն տալիս Ստամբուլի մամուլի մեջ, հայտնի է Ձեզ:

1961 տարվա հոկտեմբեր 11-ին, կամոքն Աստուծո և համայնքիս ներկայացուցիչներու ձայնով կանչվեցանք այս պատասխանատու պաշտոնին: Անցած շուրջ 20 ամիսներու մեջ մեր պատրիարքական գործունեությունը սահմանափակված է զուտ եկեղեցական-կրոնական կալվածի մեջ:

Այսօր Թուրքիո մեջ ապրող հայության թիվը կհաշվվի շուրջ 70—80 հազար հոգի, մեծ մասը կեդրոնացած Ստամբուլի մեջ: Փոքր համայնքներ ունինք նաև Կեսարիա,

Դիարբեքիր, Իսկենդերուն, Անկարա և այլ գավառական քաղաքներու մեջ:

Կեսարիա, Դիարբեքիր և Իսկենդերուն կան գործող հայկական եկեղեցիներ, իրենց քահանաներով:

Ներքին ոչ մեկ գավառին մեջ դպրոց չունինք: Իսկ այն տեղերը, ուր քահանաներ չկան, տարին անգամ մը այցելու հովիվ կղրկվի մկրտություն, պսակ կատարելու և Բանին կենաց քարոզությամբ մխիթարելու ժողովուրդը:

Ստամբուլի մեջ ունինք շուրջ 60—65 հազարի հայություն մը, 35 եկեղեցիներով և նույնչափ թվով քահանաներով: Ստամբուլի մեջ ունինք 30 հայ վարժարաններ (նախակրթական և երկրորդական), որոնցմե շորսը լիսե, Կեդրոնական (մանչերու), Նսայան (աղջիկներու), Բանկալթի լիսե (Մխիթարյան) և Սկյուտարի Ս. Խաչ դպրեվանքը:

Այս դպրոցներու մեջ դասավանդությանը հիմնական լեզուն հայերենն է, ի բաց առաջ թուրքերեն լեզվի ուսուցումն և պետականորեն ճշտված դասանյութերն: Ինչպես բոլոր դպրոցները Ստամբուլի մեջ, հայ դպրոցներն ալ կգտնվին պետական կրթական տեսչության հակակշիռն տակ:

Դպրոցներու տնտեսական մատակարարումը կկատարվի տեղական եկեղեցիներու և համայնքի կողմից:

Վերոհիշյալ շորս հայ լիսեներու շրջանավարտները կընդունվին պետական համալսարան:

Հատկապես կուզենք խոսիլ Սկյուտարի Ս. Խաչ դպրեվանքի մասին, որ հանգուցյալ Գարեգին լուսահոգի պատրիարքի մեծագործություններն մեկը եղավ: Դպրեվանքը արդեն տասը տարվան պատմություն մը ունի: Այս կրթական հաստատությունը բարերար դեր մը կկատարե և շատ կարևոր պակաս մը կլրացնե մեր համայնքի կրթական դրության մեջ: Այժմ ուսանողներու թիվը հասած է 160 աշակերտի: Դպրեվանքը ունի երկրորդական և լիսեի բաժիններ, յուրաքանչյուրը երեք դասարաններով:

Երրորդ տարին է որ դպրեվանքը իր շրջանավարտներու հունձը կուտա: Անոնցմե ոմանք իրենց ուսումը կշարունակեն պետական համալսարաններու մեջ, իսկ ուրիշներ արդեն իսկ ընդգրկած են ուսուցչական ասպարեզը: Անցյալ տարի և այս տարի ալ, ունեցանք երկուքական ընծայացուներ շրջանավարտներուն մեջ, որոնցմե նախորդ տարվանները կուսակրոն սարկավադ ձեռնադրեցինք, իսկ այս տարվան երկու շրջանավարտները պիտի ձեռնադրենք մեր Աթոռ վերադառնալեն ետքը:

Ընծայացուները երեք տարի դպրեվանքի

մեջ պիտի հետևին մասնավոր դասընթացներուն և կատարելագործվին տեղական համալսարանին մեջ, նախքան իրենց կուսակրոնքահանա ձեռնադրվիլը:

Ստամբուլի մեջ կգործեն նաև երեք համայնքային բարեսիրական հաստատություններ:

1) Ս. Փրկիչ ազգային հիվանդանոցը, որ ունի տիպար հաստատության մը հատուկ բժշկական բուրդ բաժինները, այն է հիվանդանոց, ծերանոց, բուժարան, հոգեբուժական բաժին և այլն:

Ազգային հիվանդանոցը ունի 400 մահճակալ և շուրջ 100 հոգի բաղկացած որակավոր բժշկական անձնակազմ, որ բարեխղճորեն և ձեռնհասորեն կկատարեն իր պարտականությունները:

Այս հսկա հաստատության ծախքը կհոգա համայնքը: Կառավարությունը ևս տարեկան որոշ հատկացում մը կընեն հիվանդանոցին: Ս. Փրկիչը ունի իր ամսագիրը և իր մատուռն ու քահանան:

2) Գալֆայան աղջկանց որբանոց, որուն ղեկավարությունը կգտնվի Գալֆայան կրոնական ուխտի բուրդերու ձեռքը: Որբանոցը ունի 100 տնազուրկ որբուհիներ: Տիպար հաստատություն մըն է, ուր բարոյական, մտավոր դաստիարակության կողքին կուսուցվի նաև ձեռագործ և առտնին տնտեսագիտություն: Որբանոցը ունի իր մատուռը:

3) Գարակիոյան մանչերու որբանոց, ուր կպատրաստվին 200 ուսանողներ, եկած մեծ մասամբ զավառներ: Գարակիոյան որբանոցն ալ մեծ հաստատություն մըն է, նախակրթարանի մակարդակով:

Այս երեք հաստատությունները ունին իրենց հատուկ խնամակալությունները, ինչպես նաև Ս. Խաչ դպրեմանքն ու Կեդրոնական լիսեն, ընտրված Ստամբուլի համայնքի կողմեն:

Մենք հաճախ կայցելենք համայնքային այս հաստատությունները և մոտեն կհետաքրքրվինք անոնց հանրօգուտ գործունեությանը: Այդ հաստատությունները բարոյապես կապված են Պատրիարքարանին և պատրիարքին:

Ստամբուլի հայաշատ թաղերն են Գումգափուն, ուր կգտնվի Պատրիարքարանը Ս. Աստվածածին աթոռանիստ իր մայր եկեղեցիով, Սամաթիան իր Ս. Գևորգ եկեղեցիով, որ եղած է պատրիարքանիստ առաջին եկեղեցին, և Կեդիկփաշա: Ասոնք կգտնվին հին քաղաքի սահմանին մեջ: Մեր ժողովուրդի մեծագույն զանգվածը համախմբված է Ֆերիքու, Բիօղլու, Բեռիկթաշ: Գոհունակությամբ նշենք, որ Ստամբուլի հայությունը սրտովին կապված է իր եկեղեցիին, տոհմա-

կան իր ավանդություններուն և մեծ հոգաժություն ցույց կուտա իր վարժարաններուն և իր համայնքային հաստատություններուն:

Վերջին 3—4 տարիներուն ընթացքին վերանորոգության նոր թափ մը սկսած է հին եկեղեցիներու և դպրոցական շենքերու:

Ստամբուլի մեջ ամեն եկեղեցի ունի իր դպրաց դասը, և մեծ եկեղեցիները ունին իրենց երգչախմբերը:

Ունինք բազմաթիվ սանուց միություններ և ուսուցչաց միություն, որ կազմված է վերջին տարիներս և կաշխատի ուսուցիչներուն համար հանգստյան թոշակ ապահովելու և հայերեն դասագրքերու պատրաստության և տպագրության գործով:

Շատ սիրալիկ հարաբերություններ կապահենք կառավարության հետ, ըլլա կեդրոնի, Անգարայի և ըլլա Ստամբուլի կուսակալության հետ: Շարունակական կապ կապահենք կառավարական ավագանիին հետ, պաշտոնական մեծ տոներու առթիվ փոխանցված շնորհավորական հեռագիրներով:

Անցյալ մարտ ամսին այցելեցինք երկրի մայրաքաղաքը և պետական ավագանիին հայտնեցինք մեր շնորհակալությունը և հարգանքը մեր նախորդի թաղման և պատրիարքական ընտրության ընթացքին, և անոր հաջորդին հին քաղաքացիության շնորհին մեջ վերահաստատվելու առթիվ տրված բարյացակամության համար:

Անձամբ մեր հարգանքը և մեր հարումը հայտնեցինք պետության Վսեմաշուք Նախագահ զենեքալ Ջեմալ Գյուրսեյին, Վսեմաշուք վարչապետ Իսմեթ Ինենյուլին և Ազգային մեծ ժողովի բաժիններու նախագահներուն, ներքին գործոց, արդարության պետական գործավարներուն, Անկարայի կուսակալին և կրոնից տեսչության:

Իսկ Ստամբուլի մեջ պաշտոնական առթիւներով հաճախ կայցելենք Վսեմաշուք Կուսակալին և մեր քաղաքապետին և կրնդունինք անոնց փոխադարձ առիթությունները:

Ստամբուլի Մուֆթիին հետ ևս այցելություններ փոխանակելու պատահությունը կունենանք:

Քաղաքիս հրեից բարունապետի հետ մեր հարաբերությունները նույնպես բարեկամական և սիրալիկ են:

Սիրալիկ և եղբայրական հարաբերություններ կապահենք օտար եկեղեցական պետերու և հատկապես Ստամբուլի Հունաց Եկեղեցիի Գումա՝ Նորին Սրբութուն Աթենաոփրաս Տիեֆեռեան Պատրիարքին հետ, ինչպես նաև հայ կաթողիկ համայնքի միճակամոտեն և հայ բողոքական համայնքի ազգապետին հետ:

Ստամբուլի հայությունը ունի իր հատուկ մամուլը՝ «Ժամանակ» և «Մարմարա» օրա-

թերթերը, որոնք իրենց էջերը սիրով կտրասագրես Պատրիարքարանի ղեկուցներուն և պաշտոնական գրութեանց և հասցիստութեանց նկարագրութեան: Ունինք նաև «Պարտեզ» մանկական և «Ժուլիա» արվեստի վերաբերյալ պարբերականները: Սանուց միութիւնները ևս ունին իրենց հատուկ մամուլը:

Կուղեինք խոսիլ նաև առանձին կարևորութեամբ Պատրիարքարանի պաշտոնաթերթ «Շողակաթ» հանդեսի մասին, որու հրատարակութիւնը շարունակվեցավ մինչև 1959 թվականը: Հանգուցյալ Պատրիարքը ամսագրի 1959, 1960 համարները համադրեց «Շողակաթ» տարեգրքի մեջ, նվիրված լուսահոգի Եղիշե Դուրյան պատրիարքի ծննդյան 100-ամյակին: Մեր օրով կշարունակվի «Շողակաթ»-ը որպէս պարբերաթերթ: Մենք մինչև այժմ հրատարակած ենք երկու բացառիկ թիվեր, մեկը նվիրված Գարեգին պատրիարքի մահւան տարելիցին, իսկ երկրորդ համարը նվիրված Պատրիարքութեան հաստատման 500-ամյակին:

Մրգորած ենք հառաջիկա տարիին սկսյալ հրատարակել «Շողակաթ»-ը որպէս ամսագիր: Մինչև այժմ Պատրիարքարանս շունք իր սեփական տպարանը, ինչպէս ունին մեր մյուս նվիրապետական Աթոռները: Ուրախ ենք գոհունակութեամբ և երախտագիտութեամբ հայտնելու, որ մոտիկ ապագային, մեր կիզրոն այցելութեան և խնդրանքի վրա, Գալուստ Կուլպեանկյան հիմնարկի սփանդալութեամբ, Պատրիարքարանս կունենա իր սեփական տպարանը:

Անցնող ղեկոսները ամսվան ընթացքին կատարեցին Թուրքիոյ Հայոց Պատրիարքութեան հաստատման 500-ամյակը եկեղեցական, կրօնական հատուկ արարողութիւններով: Հայ եկեղեցիներուն մեջ կարդացվեցավ Վեհափառ Հայրապետի այս առթիւ գրած օգոստոս 22 թվակիր սրբատառ Վոնդակը, որ և տպագրվեցավ մամուլին մեջ:

Որպէս պատրիարք Թուրքիոյ Հայոց, սիրալիր և կանոնական հարաբերութիւններ պահած ենք և կպահենք Հայ եկեղեցւոյ նվիրապետական մյուս Աթոռներու և արտասահմանի հայ թեմերու հետ:

Առաջին հերթին մեր կապը Մայր Աթոռ Ս. Էջմիածնի և Նորին Վեհափառութիւն Տ. Տ. Վաղգին Ա. Ամենայն Հայոց Վեհափառ Հայրապետի հետ շատ սիրալիր է և բնականոն:

Պաշտոնական առիթներով միշտ կփոխանակվին շնորհավորական հեռագրեր, Մայր Աթոռն կստանանք կոնդակներ, որոնք, ըստ կանոնական սովորութեան, կկարդացվին մեր եկեղեցիներուն մեջ և ապա կհրատարակվին Ստամբուլի հայ մամուլին մեջ:

Մայր Աթոռ Ս. Էջմիածնի հետ մեր կանո-

նական հարաբերութիւնները ավելի ամրապնդելու համար, մենք անձամբ այցելեցինք Սայր Աթոռ Ս. Էջմիածին: Մեր այցելութիւնը միաժամանակ փոխադարձ այցելութիւն մըն է Նորին Ս. Օծովութեան Վեհափառ Հայրապետի 1961 թվականի հունիսին Թուրքիոյ Հայոց Պատրիարքութեան և Ժողովուրդին տված պատմական սփոփարար և օրհնաբեր այցելութեան:

Հաւց.— Սրբազան հայր, Ձեր երկրորդ այցելութեան ժամանակ, ինչպէս գտաք Սայր Աթոռ Ս. Էջմիածինը, Վեհափառ Հայրապետը:

Պատասխան.— Ինչպէս գիտեք, առաջին անգամ Մայր Աթոռ այցելեցինք 1955 թվականի աշնան ազգային-եկեղեցական ժողովին մասնակցելով, որպէս Կալիֆոռնիոյ թեմի առաջնորդ:

Այս անգամ Մայր Աթոռ կայցելեք որպէս Թուրքիոյ Հայոց պատրիարք:

Առաջին անգամն է, որ Թուրքիոյ Հայոց պատրիարք մը կայցելէ Մայր Աթոռ:

Մեր տպավորութիւնը շատ բարձր և խոր եղավ, տեսնելով Ս. Էջմիածինը և անոր շրջապատը շատ բարեկարգ և շեն վիճակի մը մեջ:

Նորին Ս. Օծովութեան գտանք առույգ, առողջ, լավատես և հոգեկին նվիրված Իր բարձր պաշտոնին և պատասխանատու կոչումին պարտականութիւններու կատարման մեջ, շրջապատված գիտակից և մեծ մասամբ երիտասարդ միաբանութեամբ և գործիմաց պաշտոնեակցութեամբ մը:

Եղանք Մայր Տաճարին մեջ, մեր ուխտը և աղոթքը կատարեցինք Իշման Ս. Սեղանի առաջ և խորապէս տպավորվեցանք Մայր Տաճարի վերանորոգված գեղեցիկ պատկերին: Այցելեցինք գանձատունը, ուր մեծ ուրախութեամբ նշմարեցինք, որ ամեն ինչ լավ դասավորված է և որտեղ գտանք հայ եկեղեցական արվեստի վերաբերյալ շատ արժեքավոր և ճոխ սպասներ, անոթներ, իրեր, սրբութիւններ, քան կերակայինք:

Հատկապէս հետաքրքիր էր նաև տեսնել անձամբ Ավագ Խորանին տակ պեղումներու շնորհիւ հայտնաբերված հեթանոսական կրակարանը, որուն մասին շատ բան լսած և կարդացած էինք:

Մեզի համար ամենամեծ անակնկալը և նորութիւնը եղան նոր Վեհարանը, Տրդատի գեղեցիկ և շատ տպավորիչ կամարակապ Դուռը: Արդարև, նոր Վեհարանը վեհաշուք կառույց մըն է, Ամենայն Հայոց Վեհափառ Հայրապետին վայել հայրապետնոց մը, իր դահլիճներով, գահասրահով, աշխատանքի սենյակով և ամեն հարմարութիւններով:

Գոհունակութեամբ այցելեցինք նաև տպա-



Տ. Աթենագորաս Տիեզերական Պատրիարքը և Տ. Շնորհք պատրիարքը Աթենքում պրուցելիս

րանը, ուր տեսանք տպագրական արվեստի վերջին խոսքով շինված մեքենաներն ու տպագրական ամբողջ սարքվածքը: Տեսանք տպարանի մեջ տպագրությունը Մայր Աթոռի 1964 թվի օրացույցի, «Էջմիածին» ամսագրի հերթական համարի, ինչպես նաև հայագիտական այլ հրատարակություններով Հայաստանի գիտությունների ակադեմիային համար: Տպարանին մեջ կաշխատին 60 գործավորներ: Այս թիվը շուտով կբարձրանա 100-ի: Գոհունակությամբ իմացանք Վեհափառ Հայրապետեն, որ տպարանի վարչական-տնտեսական ղեկավարությունը փոխադարձ համաձայնությամբ ժամանակավորապես հանձնված է Հայաստանի գիտություններու ակադեմիային: Մայր Աթոռը իրեն կվերապահ սեփականության և կրոնական, եկեղեցական գիրքերու հրատարակության իրավունքը:

Այցելեցինք նաև Հոգևոր Ճեմարանը, շենքը գտանք մաքուր և բարեկարգ վիճակի մեջ: Ուսանողներու մեծ մասը արձակուրդի մեջ էր:

Այցելեցինք Երևանի տեսարժան վայրերը: Հատկապես Ս. Մեսրոպի անվան Մատենադարանը մեծ տպավորություն գործեց մեր վրա, ինչպես նաև Թանգարանը: Այս երկու

հաստատություններու ղեկավարները մեզ ընդունեցին և հանգամանորեն բացատրություններ տվին, պատմություն մեզ հաստատությանց բաժինները, տալով լուսաբանող և սպառիչ տեղեկություններ:

Ուրախությամբ նշենք, որ Մատենադարանը և Թանգարանը որևէ քաղաքակիրթ երկրի մը համար պատիվ բերող հաստատություններ են:

Մեր այս համոզումը և միաժամանակ շնորհակալությունն ու գոհունակությունը արձանագրեցինք տպավորություններու մատյանին մեջ:

Այցելեցինք նաև Բյուրականի աստղագիտարանը, ուր մեզ ընդունեց և առաջնորդեց Հայագիտանի-գիտությունների ակադեմիայի նախագահ Վիկտոր Համբարձումյանը, որուն հետ ունեցանք նաև շատ հետաքրքիր զրույց՝ երկրի գիտական նվաճումների մասին:

Ուխտի գացինք հոր Վիրապ, Ս. Գեղարդ, Հաղբատի, Սանահինի, Մարմաշենի, Հառիճա, Թալիշի և Սևանի պատմական վանքերն ու եկեղեցիները: Համբուրեցինք անոնց սուրբ քարերն ու պատերը և աղոթք մղմնջեցինք, «Հոգւոց» ըսինք անոնց հովանիին տակ

ննչող մեր նախնիքներու հոգիներուն համար: Սեփական տպավորվեցանք այդ պատմական վայրերու ճարտարապետական կառույցներ: Ուրախությամբ տեսանք և կարճանագրենք, որ կառավարությունը ոչ միայն կվերանորոգե այդ վանքերն ու եկեղեցիները որպես պատմական հուշարձաններ, այլ անոնց պահպանության համար նշանակված են պահակներ:

Վանքերեն շատերուն վիճակը միխթարական չէ, և կարիք կա ավելի լայն վերանորոգություն աշխատանքներու: Վեհափառ Հայրապետի նախաձեռնությամբ ավելի հիմնական կերպով վերանորոգված են Ս. Հովհաննիս, Գայանեն, Շողակաթը, Օշականի Ս. Մեսրոպը, Գեղարզը և այլն: Սփյուռքը, վանքերու վերանորոգության այս աշխատանքներուն մեջ, պիտի առավել օգնե իր շինարար վեհափառ Հայրապետին, որպեսզի Ան կարողանա ընդարձակել վանական վերանորոգության աշխատանքներու շրջանակը:

Մեզի համար անակնկալ և հուզիչ էր տեսնել Երևանի և Հայաստանի այլ բաղադրներու՝ Լենինականի, Կիրովականի, Ալավերդիի ծաղկումը, բուն շինարարությունը: Այժմ տարվան մեր բացակայությունն հետո, Երևանը անձանաչելի էր իր նորակերտ թաղերով, պողոտաներով և այլ շինարարությամբ:

Ժողովուրդի ընդհանուր վիճակը ամեն մասամբ գտանք ավելի քան զոհացուցիչ: Սիրով և զոհունակությամբ կհիշենք Վեհափառ Հայրապետի հետ մեր այցելությունը Վարպետին՝ նկարիչ Մարտիրոս Սարյանին, անոր բնակարանի մեջ, որ իսկական արվեստանոց մըն էր, զարդարված նկարչական արվեստի անկրկնելի և սարյանական նմուշներով:

Մայր Աթոռ գտնված ժամանակ, ոչ միայն հյուրն էինք Վեհափառ Հայրապետին, այլ նաև պատեհություն ունեցանք զրուցելու և մտերիմ հանդիպումներ ունենալու Նորին Ս. Օծուխյան հետ Հայ Եկեղեցիի ներկա կյանքին և գործունեության հետ կապված շարք մը կարևոր հարցերու շուրջ: Ամենայն Հայոց Վեհափառ Հայրապետը հաճելի գրուցակից է: Իմաստուն, շրջահայաց տեսակետներ և հեռանկարներ ունի Հայ Եկեղեցիի մասին:

Ուրախությամբ իմացանք նաև, որ Նորին Ս. Օծուխյանը այս աշնան պիտի այցելե Երուսաղեմ, անձամբ տանելու Մայր Աթոռ Ս. Էջմիածնի ողջույններն ու օրհնությունները Ս. Աթոռի միաբանության, սրբազան պատրիարքին և ժողովուրդին:

Կհուսանք, որ Վեհափառ Հայրապետը այս շնորհաբեր այցելության ժամանակ կըբաղի նաև Հայ Եկեղեցվո կյանքը հուզող շարք մը խնդիրներու լուծմամբ:

Մենք կհավատանք, որ ի վերջո կանոնականությունը և ողջամտությունը պիտի հաղթանակեն, և Հայ Եկեղեցվո ծոցին մեջ պիտի վերահաստատվի խաղաղությունը և միությունը:

Մենք կհավատանք Հայ Եկեղեցվո շինարար դերին, ըլլա՛ Հայաստանի, ըլլա՛ արտասահմանի մեջ, ինչպես նաև անոր կատարելիք աղագային, մշակութային մեծ առաքելության:

Մենք եկանք Ս. Էջմիածին թե՛ մեր ուխտը կատարելու, վերանորոգելու Ս. Էջմիածնի մեջ և լրացնելու զայն այլ սրբավայրերու մեջ, որոնց այցելելու առիթը չունեցանք մեր առաջին այցելության ժամանակ 1955 թվին, և շեշտելու Հայ Եկեղեցվո սերտության և միության գաղափարը:

Մեր համոզումով, Հայ Եկեղեցին հաստատուն միակ ծառ մըն է, որուն արմատը Մայր Աթոռ Ս. Էջմիածնին մեջ գտնվի, և որ ունի իր մեծ ու փոքր ճյուղերը, նույն արմատի վրա ընձյուղած:

Այն ճյուղը, որ հաստատված չէ այդ ծառին վրա, կարելի չէ նկատել մաս Հայ Եկեղեցվո:

Կմեկնինք Մայր Աթոռն լավագույն և սրտապնդիչ տպավորություններով:

Նորին Սուրբ Օծուխյան Կհայտնենք մեր խորին շնորհակալությունն ու երախտագիտությունը, եղբայրական իր ջերմ հոգածության և հյուրասիրության համար:

Կմեկնինք հոգեպես պայծառացած, զորացած ուխտավորությամբ մեր վանքերուն, և լավատեսությամբ տոգորված Մայր Աթոռ Ս. Էջմիածնի և Հայ Եկեղեցվո ապագայի մասին:

Կաղոթենք, որ Տերը անսասան պահե Հայաստանյայց Առաքելական Եկեղեցին, ընդ հովանյալ Մայր Աթոռ Ս. Էջմիածնի, և երկար կյանք պարգևե անոր արժանընտիր և շնորհազարդ Հայրապետին:

«Թագաւոր Երկնաւոր, զԵկեղեցի քո անշարժ պահեա»:

«Էջմիածին» ամսագրի խմբագիրը, սպառնալիքներով իր հարցերի շարքը, հրաժեշտ է առնում Թուրքիայի հայոց ամենապատիվ սրբազան պատրիարքից, ջերմ շնորհակալություն հայտնելով այդ շահեկան տեսակցության համար:



ՀԱՎԱՏՈՒ ԵՎ ԿԱՐԳԻ ՀԱՄԱՇԽԱՐՀԱՅԻՆ ՉՈՐՐՈՐԴ ԺՈՂՈՎԸ ՄՈՆՐԵԱԼՈՒՄ

Սույն թվականի հուլիսի 12—25-ին, Մոնրեալում գումարվեց Հավատո և Կարգի համաշխարհային չորրորդ ժողովը, որին, Ամենայն Հայոց Վեհափառ Հայրապետի հրահանգով, մասնակցեց գերաշնորհ Տ. Տիրան արքեպիսկոպոս Ներսոյանը, որպես Հայ Եկեղեցու ներկայացուցիչ:

Քաղվածաբար ներկայացնում ենք Տ. Տիրան արքեպիսկոպոսի հուլիս 12 և 13 թվակիր գրած և Վեհափառ Հայրապետին հղած երկու ղեկուցագրերի զլխավոր մասերը, Մոնրեալի Հավատո և Կարգի չորրորդ համաժողովի նստաշրջանի և օրակարգի հարցերի մասին:

Հավատո և Կարգի համաժողովը բացվել է հուլիսի 12-ին, Մոնրեալի Մակկիլ համալսարանի շենքում:

Ամսի 12-ին և 13-ին, ժողովը ղեկավարվել է կաղամակերական գործերով:

Ժողովը կաղամակերպվել և հրավիրվել էր Հավատո և Կարգի հանձնաժողովի կողմից, որը Եկեղեցիների համաշխարհային խորհրդի զլխավոր և հիմնական կաղամակերպություններից մեկն է:

Մոնրեալի Հավատո և Կարգի համաշխարհային չորրորդ ժողովին մասնակցել են Եկեղեցիների համաշխարհային խորհրդի անդամ բոլոր եկեղեցիները, ինչպես նաև հանձնաժողովի կողմից ընտրված և հրավիրված, հանգամանք և կշիռ ունեցող մեծ ղեմքեր:

Ժողովին մասնակցել են նաև հայ ավետարանական համայնքի երկու ներկայացուցիչներ:

Տասնմեկ տարի առաջ գումարվել է Հավատո և Կարգի երրորդ ժողովը Շվեդիայի Լունտ քաղաքում:

Հուլիսի 13-ին կատարվում է ժողովի պաշտոնական բացումը: Առաջին նիստին ելույթ է ունենում Ստրազբուրգի համալսարանի աստվածաբանության պրոֆ. Ռոժե Մելը, որը շեշտում է, թե ի՞նչ պետք է ասել և անել՝ զուգահեռ բերելու համար Եկեղեցու միությունը, և խորապես պետք է ուսումնասիրել փնտրված միության սահմաններն ու նկարագիրը. պարզ հարաբերություն եկեղեցիների միջև բավական չէ, միասին և ի Քրիստոս պետք է հասնել Եկեղեցու տիեզերականության:

Ալբերտ Աուտլերը, ԱՄՆ-ից, շեշտում է, որ եկեղեցիների միության ջատագովության շրջանը անցել է և հասել է խոսակցության, խորհրդակցության շրջանը: Այդ խորհրդակցությունը, խոսակցությունը պետք է լինեն խաղաղ ու շինարար ոգով:

Համաժողովի նախագահ Օլիվեր Տոմկինս եպիսկոպոսը նշում է, որ եկեղեցիների միության շարժումը հրաշալիորեն մեծացել է. «Միության ճանապարհը՝ դեպի կենտրոն ճանապարհ է»: «Ամեն եկեղեցի իր ավանդությունն ունի, բայց Եկեղեցու Տերը Քրիստոսն է, որ կերպարանք և բովանդակություն է տալիս ավանդության: Սկսած ենք մեր ա-

վանդությունները չպիտի ֆրիստոսով, որ տիրակապ է: Այս բոլորովին նոր և ընդարձակ մի դաշտ է, որի վրա ոտք ենք դրած:

Այնուհետև համաժողովի հաջորդ նիստերին լսվում են կարևոր այլ ղեկույցներ տարբեր հարցերի շուրջ, այդ թվում ավագներից Կիտալի Բորովոյի (Լենինգրադից, Մոսկվայի և Համայն Խուսիո Պատրիարքության ներկայացուցիչ), Գլաուդ Ուելի (Ջիլիգերիայից, Մեթոդական եկեղեցու ներկայացուցիչ), Ռայմոնդ Բրաունի (ԱՄՆ-ից, Հռոմեական Կաթոլիկ եկեղեցու ներկայացուցիչ), պրոֆ. Էռնեստ Գալեմանի (Գերմանիայից, Ավետարանական եկեղեցու ներկայացուցիչ):

Մոնրեալի համաժողովը բաժանված էր հինգ ենթամարմինների: Յուրաքանչյուր ենթախումբ քննում է իրեն հանձնարարված որոշ մի հարց և իր քննության եզրակացություններն ու դիտողությունները բերում համաժողովի ընդհանուր նիստին:

Ենթախմբերի ղեկույցագրերը, ընդհանուր ժողովում քննվելուց և վավերացվելուց հետո, կուղարկվեն եկեղեցիների համաշխարհային խորհրդի կենտրոնական հանձնաժողովին, որն իր հերթին կքննի և կվավերացնի ներկայացված ղեկույցագրերը՝ որպես եկեղեցիների համաշխարհային խորհրդի պաշտոնական դատումներ և որոշումներ և կհղի անդամ եկեղեցիներին՝ քննության և ուսումնասիրության համար:

Մոնրեալի Հավատո և Կարգի համաժողովը քննության է առել հետևյալ հարցերը.

1. Եկեղեցին Աստուծո նպատակի մեջ (եկեղեցիների երևութական համաձայնությունը բրիտանոսաբանական վարդապետության մասին, եկեղեցու շորս ստորոգելները՝ միություն, սբություն, կաթողիկեություն, առաքելականություն, ի՞նչ աստիճան համաձայնություն գոյություն ունի եկեղեցիների մեջ, եկեղեցաբանության մարդի մեջ, որո՞նք են այն գլխավոր խնդիրները, որոնք ձգտում առաջ են բերում գլխավոր բրիտանոսական ավանդությանց միջև: Ի՞նչ է եկեղեցաբանական նշանակությունը եկեղեցիների խորհուրդների իրականության և նշանակությունը՝ անջատողական եկեղեցիների և շարժումների, որոնք մերժում են եկեղեցական ինստիտուցիոն կարիքը):

2. Աստվածաշունչ, Ավանդություն և Ավանդություններ (Ի՞նչ են հարաբերությունները Աստվածաշնչի, Ավանդության և Ավանդությունների: Ի՞նչ է Ավանդություն և Ավանդություններ կոչված հարցը այսօր: Ի՞նչ են առնչությունները արևելյան և արևմտյան ավանդությանց: Աստվածաշնչի հեղինակության հարցը, որպես հայտնության, հավատի հանգանակների և խոստովանությանց հեղի-

նակություն: Ինչպե՞ս պետք է դիտել նոր եկեղեցական ավանդությունների ստեղծումը, և հին և նոր ավանդությունների հարաբերությունը՝ Մի Ավանդության հետ: Ինչպե՞ս պետք է խորացնել մեկ հասարակաց Ավանդության մեջ ապրելու գիտակցությունը եկեղեցիների մեջ):

3. Քրիստոսի փրկագործությունը և նրա եկեղեցու սպասավորությունը (Ի՞նչ է հարաբերությունը Քրիստոսի սպասավորության—Մինիստրիում—և եկեղեցու սպասավորության: Ի՞նչ է դիրքը և պաշտոնը ձեռնադրյալ սպասավորության՝ պաշտոնեության՝ Քրիստոսի Մարմնույն՝ եկեղեցիին մեջ: Ի՞նչ է հարաբերությունը ձեռնադրյալ պաշտոնեության, քահանայական և առաքելական կոչման և հավատացյալների պարտականությանց և ձրբերի մեջ: Որքա՞ն է կարևորությունը և զանազանությունը սպասավորության նոր ձևերի: Ի՞նչ է նշանակությունը ձեռնադրության ավանդական վարդապետության և ի՞նչպես հնար է այն կիրարկել մասնակի խնդիրների մեջ, ինչպիսիք են սարկավադության դիրքը եկեղեցում, կանանց ձեռնադրությունը որպես սարկավագ կամ քահանա):

4. Պաշտամունքը և Քրիստոսի եկեղեցու միությունը (Պարզել բրիտանոսական պաշտամունքի հիմնական «ձևակերպերը» («պատտերն») և ուղադրության առնել այն, թե ի՞նչպես դրանք ցուցանում են եկեղեցու ընդհանրականությունն ու առաքելականությունը: Ուսումնասիրել վերջին ժամանակների ծիսական վերանորոգչական շարժումը, և ճշտել արժեքը պաշտամունքի զանազան տեսակների, որը պահանջում է ներկա ընկերությունը և թելադրել ուղեգծեր՝ հին և նոր մշակույթների մեջ, պաշտամունքին տեղական բնույթ տալու մասին: Ուսումնասիրել եկեղեցիների խորհրդական ուսուցումը և գործումը և դրանց հարաբերությունը այն միության, որին ձգտում է եկեղեցին: Սերտել մասնավոր հետևությունները այն իրողության, որ բոլոր եկեղեցիները մի մկրտություն են ճանաչում, հաղորդության խորհրդի նկարագիրը, հաղորդակցության խնդիրը և հաղորդության խորհրդի կատարումը էկոմենիկական ժողովների ընթացքում):

5. «Ամենեփին յիւրաքանչիւր տեղւոյ» միասին աճելու ընթացքը (Որո՞նք են դեպի միություն ընթանալու պատահությունները՝ «յիւրաքանչիւր տեղւոյ»: Ուղադրության առնել այն մարդերը, ուր եկեղեցիները շարունակում են «անջատաբար աճել» այն գործերը, երբ բրիտանոսական գիտակցությունը մղում է նրանց «միասին» աճել: Հաշվի առնել ինստիտուցիոն ազդակները, որոնք միմյանցից օ-

տարացնում են համայնքներին, որոնք այլապես համաձայն են Հավատո և Կարգի խնդիրներում: Ուսումնասիրել հատկապես այն ինստիտուցիոն ազդակները, որոնք արգելակում կամ առաջ են մղում միությունը «ամենեցուն՝ յիւրաքանչիւր տեղւոջ»: Քննել այն դերը, որ ցեղային և ազգային ազդակները խաղում են՝ բաժանելով եկեղեցիներին միմյանց մեջ և միմյանցից: Քննել պայմանադրական բարոյականության, միջ-համայնական մրցակցության, քաղաքական ճնշումների և բնակչության տեղաշարժության ազդեցությունը քրիստոնեական միության վրա: Ուսումնասիրել, թե ի՞նչ աստիճան տեղական եկեղեցական խորհուրդների գործունեությունը

ներ օգնում է լուծելու անմիության հարցը: Ուշադրության առնել ցանկությունը եկեղեցիներում այն տարրերի, որոնք անհամբեր սպասում են տեսնելու եկեղեցիների միությունը):

Մոնրեալի Հավատո և Կարգի համաժողովը հանգամանորեն զբաղվում է օրակարգի այս հինգ հիմնական և կարևոր հարցերի քննությամբ, և ընդունում համապատասխան որոշումներ:

1963 թվականի հուլիսի 12—25-ին Մոնրեալում գումարված Հավատո և Կարգի համաշխարհային շորթորդ ժողովը խոստումնալից նոր քայլ է եկեղեցիների համագործակցության և միության ճանապարհի վրա:





ՄԱՅՐ ԱԹՈՒՌԻՄ

Հուլիսի 4-ին, հինգշաբթի, «Տօն սրբոց թարգմանչացն մերոց Սահակայ և Մեսրոպ-րայ»: Օրվա մեծ տոնի կապակցությամբ, Օշականի Ս. Մեսրոպ Մաշտոցի անվան եկեղեցում սուրբ պատարագ մատուցեց հոգեշնորհ Տ. Մեսրոպ վարդապետ Պալյանը և քարոզեց «Անճառելի շնորհօք լցեալք ի յիշատակի սուրբ վարդապետին» բնաբանով:

Սուրբ պատարագին ներկա էին Մայր Աթոռի միաբանությունը, Հոգևոր Ճեմարանի ուսանողությունը և հավատացյալների մի սովոր բաղմունքներ:

* *

Հուլիսի 5-ին, ուրբաթ, Բաբու մեկնեց Մայր Տաճարի ավագ լուսարար հոգեշնորհ Տ. Մեսրոպ վարդապետ Պալյանը, որը կիրակի, հուլիսի 7-ին, սուրբ պատարագ մատուցեց և քարոզեց Բաբվի հայոց Ս. Գրիգոր Լուսավորիչ առաջնորդանիստ եկեղեցում:

Տ. Մեսրոպ վարդապետը հուլիսի 9-ին վերադարձավ Մայր Աթոռ:

* *

Հուլիսի 7-ին, կիրակի, Մայր Տաճարում պատարագեց և քարոզեց Ամերիկայից ուխտավորաբար Մայր Աթոռ ժամանած արժանապատիվ Տ. Վարդան քահանա Մկրյանը «Այնպէս, ասեմ ձեզ, ուրախութիւն եղիցի առաջի հրեշտակաց Աստուծոյ ի վերայ միոյ մեղաւորի որ ապաշխարիցէ» բնաբանով (Ղուկ. ԺԵ 10):

Սուրբ պատարագին ներկա էր Վեհափառ Հայրապետը:

Սուրբ պատարագին ներկա էր նաև ամերիկահայ ուխտավորների խումբը:

* *

Հուլիսի 13-ին, շաբաթ, Մոսկվայի և Համայն Ռուսիո Նորին Սրբութիւն Ալեքսի Պատրիարքի եպիսկոպոսութեան 50-ամյակի հոբելյանական հանդիսությանը հանուն Ամենայն Հայոց Վեհափառ Հայրապետի մասնակցելու համար, Մոսկվա մեկնեց Գերագույն Հոգևոր խորհրդի ատենապետ և Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը:

Սրբազան հորն ուղեկցում էր հոգեշնորհ Տ. Նարեկ արեղա Շաքարյանը:

* *

Հուլիսի 22-ին, երկուշաբթի, «Յիշատակ մեռելոց»: Մայր Տաճարում սուրբ պատարագ մատուցեց արժանապատիվ Տ. Հակոբ քահանա Հակոբյանը: Հավարտ սուրբ պատարագի տեղի ունեցավ հոգեհանգստյան պաշտոն «Վասն համօրէն ննջեցելոց»:

* *

Հուլիսի 24-ին, չորեքշաբթի, առավոսյան ժամը 10-ին, Վեհափառ Հայրապետը մեկնեց Զեխոստովակիայի Կարլովի-Վարիի առողջարանը՝ հանգստանալու համար:

Վեհափառ Հայրապետին ընկերանում էր հոգեշնորհ Տ. Գրիգոր վարդապետ Նղիայանը: Երևանի օդանավակայանում Վեհափառ Հայրապետին ճանապարհեցին Մայր Աթոռի միաբանները:

Նորին Ս. Օծության ճանապարհեց նաև Հայկական ՍՍԽ Մինիստրների սովետին առնթիւ Հայ Եկեղեցու գործերի խորհրդի նախագահի տեղակալ պր. Ս. Հովհաննիսյանը:

* *

Հուլիսի 26-ին, ուրբաթ, Լենինական և ապա Թբիլիսի մեկնեց հոգեշնորհ Տ. Մեսրոպ վարդապետ Պալյանը՝ պատարագելու և քարոզելու համար: Հոգեշնորհ հայր սուրբը հուլիսի 28-ին, կիրակի, Լենինականի Ս. Աստվածածին եկեղեցում պատարագեց և քարոզեց «Որք արժանի եղէք տեսանել մարմնով զՈրդին Աստուծոյ յայտնապէս» բնաբանով: Իսկ օգոստոսի 4-ին հայր սուրբը պատարագեց և քարոզեց Թբիլիսիի Ս. Գևորգ առաջնորդանիստ եկեղեցում:

Մեսրոպ վարդապետը Մայր Աթոռ վերադարձավ օգոստոսի 8-ին:

* *

Հուլիսի 28-ին, կիրակի, Մայր Տաճարում պատարագեց արժանապատիվ Տ. Հովհաննես քահանա Մարությանը:



Ս Փ Յ ՈՒ Ռ Գ ՈՒ Մ

ԼԻՈՆԻ ՀԱՅՈՑ ՍՈՒՐԲ ՀԱԿՈԲ ԵԿԵՂԵՑՈՒ ՕԾՈՒՄԸ

Հունիսի 29-ին և 30-ին, շաբաթ և կիրակի օրերին, կատարվել է Լիոնի հայոց Ս. Հակոբ նորակառույց եկեղեցու օծման հանդիսությունը, խոռոներամ բազմության ներկայությամբ:

Հանդիսության նախագահել է Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ գերաշնորհ Տ. Սերովբե արքեպիսկոպոս Մանուկյանը:

Հանդիսության ներկա են եղել Լոնդոնի հայոց հայրապետական պատվիրակ գերաշնորհ Տ. Պսակ եպիսկոպոսը, հոգեշնորհ Տ. Գյուտ վարդապետ Նազաշյանը, Լիոնի, Դեսինի, Վալանսի և Մարսելի եկեղեցիների բաժանա հայրերը:

Լիոնի հայ գաղութը մոտ 50 տարիների պատմություն ունի: Առաջին համաշխարհային պատերազմից հետո, առաջին հայ գաղթականները հաստատվում էին այս հյուրընկալ հողի վրա, և Ավենյու Բերտլո փողոցում կառուցում փայտաշեն իրենց առաջին աղոթքի տունը՝ Ս. Աստվածածինը, որը դառնում էր լույսի, հավատքի տաքուկ բույնը հայ ժողովրդի գաղթական բեկորների:

Անցնող տարիների ընթացքում, սակայն, Լիոնի հայ գաղութը մեծանում էր և կարիք էր զգացվում ավելի շքեղ և մեծ եկեղեցու և սրահի շինության:

1954 թվականին կատարվում էր, համաժողովրդական հանգանակությամբ գնված հողամասի վրա, Լիոնի հայոց նոր եկեղեցու հիմնադրության սրտառուլ արարողությունը՝ ազգային-եկեղեցական վարչության նախաձեռնությամբ:

Ամենապետ կազմվում է եկեղեցու շինության հանձնաժողով, որի աշխատանքներին իրենց մասնակցությունն էին բերում նաև տիկնանց և երիտասարդաց միությունները և անհատ նվիրատուներ:

Սակայն եկեղեցին կառուցվում էր ժողովրդի առատաձեռն նվիրատվությամբ:

1963 թվականին ավարտված լինելով ժողովրդի մեծ զոհողություններով շինված եկեղեցու կառուցումը, հունիսի 29-ին, շաբաթ օր, ժամը 5-ին, կատարվում էր եկեղեցու «Իմբացէք»-ի արարողությունը և առաջին անգամ պաշտվում էր այնտեղ երեկոյան ժամերգությունը՝ «Լոյս Զուարթ»-ի անուշ և հոգեպարար արձագանքների մեջ:

Կիրակի, հունիսի 30-ին, սուրբ պատարագի ընթացքում, կատարվում էր նորակառույց եկեղեցու օծումը, հանդիսագրությամբ հայրապետական պատվիրակ սրբազանի, մասնակցությամբ հոգևորական դասի և ի ներկայություն օտար կրոնական, քաղաքային և զինվորական իշխանության բազմաթիվ ներկայացուցիչների և Փարիզից, Լիոնից, Դեսինից, Վալանսից, Մարսելից եկած ժողովրդի խոռն բազմության և ազգային-եկեղեցական մարմինների ներկայացուցիչների:

Եկեղեցու օծման արարողությունից հետո, պատարագի սրբազանը, ի լուր ժողովրդյան, ընթերցում է Ամենայն Հայոց Վեհափառ Հայրապետի 17 հունիս թվակիր շնորհավորական պատգամը, որն ունկնդրվում է մեծ երկյուղածությամբ և խանդավառությամբ:

«Ուրախ է Մայր Աթոռ Ս. Էջմիածինը, ուրախ է նաև Ձեր Հայրապետը:

Ձերմապես կշնորհավորենք և կօրհնենք Լիոնի հավատյալ ժողովուրդը նորակառույց եկեղեցվո օծման առթիվ: Թող Աստված հավետ անասաւն և պայծառ պահն ձեր աղաթքի տունը, միշտ խաղաղ ու արևոտ օրերով, տիրախնամ ասպետական Ֆրանսայի լուսավոր երկնակամարին ներքև:

Մեր օրհնությունը նաև Ձերդ Սրբազնության, եկեղեցական վարչության, շինության

հանձնախումբին, տիկնանց և երիտասարդաց միությանց, Լիոնի ֆահանա հայրերուն և բոլոր բարեպաշտ նվիրատուներուն:

«Եւրանի՜ եկեղեցի շինողաց»:

Կեցցե՛ շայաստանայց Սուրբ եկեղեցին:

Կեցցե՛ ֆրանսահայ ժողովուրդը»:

Այնուհետև հայրապետական պատվիրակ սրբազանը իր քարոզում ասում է.

«Այսօր պատմական թվական մըն է Լիոնի հայութեան համար, վասնզի տասը տարինե-րու մեր հուլիսերը, մեր ակնկալութիւնները վերջապես արդիունք մը տվին: Այսօր աղոթք-ներով, շարականներով և Ս. Մյուռոնի օգնութեամբ օծեցինք եկեղեցին, որ ամենն առաջ Աստուծո տունն է, հետո մեր ազգային տունն է, լեզվին, մշակութիւն տունն է, ինչ-պես նաև ձեր տունն է: Հոս պիտի մկրտվին ձեր զավակները և ձեր ննջեցյալները պիտի արժանանան Աստուծո աղոթքին: Սակայն, նյութական շէնքը չի բավեր: Ասկե ետք պետք է որ հավատքով, հուսով և համերաշ-խութեամբ կերտեք նաև հոգևոր ու բարոյա-կան շէնքը: Աստված պայծառ ու համերաշխ պահէ Ֆրանսայի սուրբ եկեղեցիները և այս եկեղեցին: Ֆրանսայի, ազատութեան, եղ-բայրութեան և հավասարութեան այս գեղեցիկ երկրին մեջ, մեզի պատահութիւն տրված է զարգանալու ամեն գետնի վրա: Աշխատինք օգտվիլ մեզի ընծայված բոլոր առավելու-թիւններէն»:

Իր քարոզի վերջում, սրբազանը մասնավոր շնորհակալութիւն է հայտնում թե՛ անհատ-ներին և թե՛ կազմակերպութիւններին, որոնք իրենց սրտագին մասնակցութիւնն են հան-դես բերել եկեղեցու շինութեան:

Լիոնի հայոց նորակառույց եկեղեցին կոչ-վել է Ս. Հակոբ, ի հիշատակ հանգուցյալ Հակոբ Հակոբյանի, որի որդին՝ փարիզաբնակ Կարապետ Հակոբյանը, եկեղեցու շինութեան համար նվիրել է տասը միլիոն հին ֆրանկ, մոտ 20 հազար դոլար, այսինքն ծախսերի մեկ տասներորդը:


Նորակառույց եկեղեցին ընդարձակ է և գե-ղեցիկ, շինված հայկական ոճով: Ունի ըն-դարձակ սրահ՝ եկեղեցու ետևի մասում, զրադարան, սենյակներ և եկեղեցականների բնակութեան հարմար հարկաբաժիններ՝ ժա-մատուն: Եկեղեցու ճարտարապետները եղել են Արմենակ Հակոբյանը, Մյուզլիե և Շահ-բազով:

Սուրբ պատարագից հետո, Լիոնի պանդոկ-ներից մեկում, տեղի է ունենում մեծ ընդու-նելութիւն, որին մասնակցում են շուրջ 200 հոգի հրավիրյալներ: Խանդավառ մթնոլորտի մեջ արտասանվում են ճառեր և կատարվում են բարեմաղթութիւններ եկեղեցու պայծա-րութեան, Լիոնի հայ գաղութի բարգաւաճ-ման, Ս. Էջմիածնի անսասանութեան և Ամե-նայն Հայոց Վեհափառ Հայրապետի կենաց արեւշատութեան համար:

Տեղական բոլոր օտար թերթերը, ինչպես նաև ձայնասփյուռն ու հեռուստացույցը հան-գամանորեն անդրադարձել են հայ եկեղեցու շինութեան և օծման հանդիսութիւններին, ջերմ գնահատական սողեր նվիրելով Լիոնի հայ համայնքին, հայ ժողովրդին և Հայ եկե-ղեցուն:

1963 թվականի հունիսի 30-ը անմոռանալի պատմական մի օր է հանդիսացել մասնավո-րաբար Լիոնի հայ գաղութի և ընդհանրապես Ֆրանսայի ամբողջ հայութեան համար:





Հ. Ճ. ՍԻՐՈՒՆԻ

ՊՈԼԻՍ ԵՎ ԻՐ ԴԵՐԸ*

Դ

ՏԱԳՆԱՊԻ ԴԱՐԸ

1. ԱՂԵՏՆԵՐՈՒ ՑԱՆՅԻՆ ՄԵՋ

Դարը, զոր անցյալ գլուխին մեջ տեսանք, հայ ժողովուրդին և իր Եկեղեցիին համար եղավ նաև բացառիկ տագնապներու դար մը: Հայ ժողովուրդի պատմության արձանագրած մեծ ճգնաժամերեն մեկն էր այս դարունը, երբ փոթորիկներ անցան Հայոց աշխարհին վրային, քարուքանդ ըրին ամեն բան իրենց անցած շրջաններուն մեջ, հոգեբով բեռնավորեցին հայ ժողովուրդը, հոգեբ կտակելով նաև հաջորդ դարերուն:

Ասպատակությունները, որոնց ձեռնարկեր էին Զալալի կոչված ապստամբները Փոքր Ասիո զանազան շրջաններուն մեջ և որոնց անդրադարձանք անոնց պատճառով Պոլիս խուժող հայ բաղմունքներուն վրա խոսելու ժամանակ, մեկն էին այն մեծ փոթորիկներեն, որոնց երբեկից թատր եղած է հայ հողը: Բայց անոնք կանգ չառին, շարժման ղեկավարներուն ասպարեղեն չքանալն հետո ալ, այլ շարունակվեցան դեռ երկար ժամանակ, զանազան կետերու վրա, հետզհետե հայտնը:

* Շարունակված «Էջմիածին» ամսագրի 1962 թվականի № 8-ից, Ժ-ից և 1963 թվականի № 8 Ա-ից, Բ-ից, Գ-ից, Դ-ից, Ե-ից և Զ-ից:

վող պետերու ղեկավարության տակ, ու պատճառ եղան, որ դեռ երկար տևե հայ շրջաններու մեջ բռնկած զարհուրանքը:

Ժամանակակից երեք հայ հեղինակները, որոնք Հայոց աշխարհը ճանչցան դարուն սկիզբը՝ Դավրիժեցին, Դարանաղեցին և Սիմեոն Լեհացին, կլրացնեն զիրար, ահավոր պատկերը տալու համար այն դժնդակ կացություն, որուն մատնված էր հայ ժողովուրդը: Եթե Սիմեոն Լեհացին հայ շրջաններ իր անցքին ժամանակ աղետներուն թողած հետքերն է միայն, զոր կմատնանշե, Դավրիժեցին ու Դարանաղեցին իրենց աչքերով տեսան աղետը և զայն պատմեցին կենդանի գույներով: Անոնք եթե մեզ լիովին իրազեկ չեն ըներ Զալալիներու շարժման շարժառիթներուն և անոր ներքին ծալքերուն, զոնե մեզ կուտան ճշգրիտ պատկերը ավերածությանց, որոնց մատնվեցան հայ շրջանները շարժման երեսներ:

Միայն ջալալիներու ասպատակությունները չէին սակայն, որ քարուքանդ ըրին հայոց աշխարհը և հայ ժողովուրդը հոծ խումբերով պանդխտության հանեցին, ամայացուցին շատ մը շրջաններ և անստույգ կացություն մը ստեղծեցին մնացյալ շրջաններուն մեջ: Անոնց շահատակությունները դեռ վերջացած

իսկ չէին, երբ Թուրքիո հայկական շրջանները թատր դարձան նոր փոթորիկներու, որոնք եկան ավելի ևս ընդարձակել ավերածությունները և որոնք հետեանքն էին այդ հողամասերուն վրա մղված պատերազմներուն:

Շահաբաս եկավ լրացնել Թուրանի կես թողածը:

Նվազ աղետաբեր շեղավ հայ ժողովուրդին համար արշավանքը, զոր այս անգամ Թուրքերը իրենք կատարեցին Շահաբասի դեմ: Հայ հողն էր, որ կտրորվեր անգամ մը ևս, և հայ ժողովուրդն էր, որ կբամվեր վերստին, ինչպես պատահեր էր ու պիտի պատահեր ամեն անգամ, որ Թուրքիո արևելյան այդ նահանգները թատր դառնային արշավանքներու և պատերազմներու:

Լուծը, զոր հայ ժողովուրդի երկու հատվածները կկրեն զույգ բռնապետությանց տակ, իր կարգին կբամեր հայ ժողովուրդի արդեն իսկ սպառած կորովը: Հարկապահանջությունը, հաշվոր համեմատություններ կստանար, բռնի իսլամացումներու թիվը կաճեր, Հայ Եկեղեցին նահատակներ կարձանագրեր: Կարծես թե պետական իշխանությանց ճնշումը բավական չըլլար, հայ շրջանները կկեղեքեին անպատիժ տեղական հարստահարիչներն ալ, ամեն մեկը սուլթան մը դարձած էր իր շրջանին մեջ, և ամեն մեկը տուտանբու և կողոպուտի իր ձևն ու մեթոդը հնարած էր: Եվ ասոնց պակաս թողածը կլրացնեին, ավա՞ղ, հայ տղուկները՝ միջնորդ դառնալով հարստահարող փաշային և անոր զոհներուն միջև, և իրենց կարգին տուտանբու բռնան տակ խեղդելով իրենց թշվառ ազգակիցները:

Հայ ժողովուրդը կոչված էր դժնդակ քննություն մը անցնել պատմության առջև: Եվ այդ քննությունը անցուց ան պատվով: Ան կրցավ ոչ միայն դիմանալ բոլոր փորձությանց և աղետներուն, զորս դարը իր դեմը հանեց, այլև փորձեց նոր հորիզոն բանալ իրեն: Արդարև, ի հեճուկս այդ աղետներուն և այն տառապանքներուն, զորս կկրեր Թուրք և պարսիկ լուծերուն ներքև, ի հեճուկս կաթոլիկ քարոզությանց, որոնք կփորձեին իր հոգին ճեղքել այս դարուն, ու նաև այն դեղևումներուն և սայթաքումներուն, զորս ունեցան իր հոգևոր պետերեն շատերը, հայ ժողովուրդը անվկանդ մնաց, շարունակեց վազել լույսին ետևեն և իր հոգին պատրաստ ըրավ այն մեծ մաքառումին, զոր իրեն պիտի հարկադրեր հայկական դատը: Այս դարուն էր, որ հայ ժողովուրդը պատրաստվեցավ ազատագրության մեծ պայքարին համար:

Դարուն բոլոր աղետները կուգային արձագանք գտնել Պոլսո մեջ: Ոչ միայն անոր համար, որ օսմանյան պետության մայրաքա-

ղաքն էր Պոլիսը և երկրին որևէ մեկ կետին վրա տեղի ունեցած դեպք մը իսկույն իր անդրադարձումը կունենար կեդրոնին մեջ ալ բովանդակ բնակչության համար, այլ նաև այն պատճառով, որ ամեն մեկ աղետ հայ քարավան մը կըշեր Պոլիս ու զայն կխառներ մայրաքաղաքի հայության, ամեն անգամուն ալ հոգեր ստեղծելով Պատրիարքական Աթոռին համար: Տազնապը, զոր ամբողջ դար մը անցուց Պոլսո Աթոռը և բախտախնդիրներու ամբողջ շարան մը անոր վրա բերավ բազմացուց, հետևանքն էր այն զարհուրելի ճգնաժամին, զոր հայ ժողովուրդը կապրեր զույգ լուծերու տակ:

Աղետները իրենց հետ Պոլիս քաղեցին բերին տարբեր հոգեր ալ: Անոնց ստեղծած շփոթության հետևանքով էր, որ մարդորաները հաջողեցան Պոլիսը կայան ընել իրենց ու հոն ուռկանը ձգել իրենց առաջին որսերը: Պոլիսը ամբողջ դար մը թատր եղավ ներքին վեճերու դավանական այդ արշավանքին երեսեն, արկածախնդիրներուն ախորժակը գրգռեց Պատրիարքական Աթոռը իրարմե հափշտակելու, և մնացորդները մղեց խտրություն շղեկու պայքարի զենքերուն միջև: Բայց նույն այդ Պոլսո մեջ հետզհետե խմորվիլ սկսավ մեծ ճիգը, որ մտավոր երկունքի մը հողը պիտի հերկեր և սերունդները պիտի վարակեր նոր հուզումներով: Պոլիսը ընդունակ պիտի դառնար տակավ այս կերպով դեր ստանձնել հայ վերածնունդին մեջ: Ան պիտի կապվեր հայկական դատին:

2. ՏԱԳՆԱՊԸ ՀԱՅ ԵԿԵՂԵՑՎՈ ՄՈՑԻՆ ՄԵՋ

Ամեն աղետ, որ հայ ժողովուրդին կբերեին դարերը, կանդրադառնար նաև Հայ Եկեղեցվո վրա: Դառնության բաժակը ան ևս կբամեր հայ ժողովուրդին հետ, ամեն անգամ որ հայոց հողերը արշավանքներու թատր կհանդիսանային կամ երբ հայ ժողովուրդը կենթարկվեր այս կամ այն լուծին: Անոր հետ մեկտեղ լուծի տակ կմտներ նաև Հայ Եկեղեցին:

Հայ Եկեղեցին ևս տազնապով կսկսեր այս դարը: Երբ դարը աչքերը բացավ, Շահաբաս արդեն պատմության մեջ սկսած էր խաղալ իր դերը, դեր, որ եթե իրեն փառք շահեցուց պարսիկ ժողովուրդի աչքին, պատուհաս մը եղավ հայ ժողովուրդին համար, և միևնույն ատեն փորձության դառն շրջան մը բերավ Հայ Եկեղեցիին: Պարսիկ լուծը սկսավ ճգմել Հայ Եկեղեցին, հանձին անոր հոգևոր կեդրոնին:

Ու Հայ Եկեղեցվո շար բախտեն, Լուսավորչի Աթոռին վրա իրենց կոշումին արժանի գեմբեր չկային այդ դժբախտ պահում: Խոչ:

վությանց բույն մըն էր այդ միջոցին էջմիածինը: Պարսիկ իշխանավորներու անհազ որկորը հագեցնելու անկարողության մեջ, Հայ Եկեղեցվո պետերը շվարած էին: Շատ դուրին կսպթաբի շվարած մարդը:

Ժամանակակից երեք աղբյուրները, զորս հիշեցինք, ինչպես նաև լրացուցիչ նյութերը ձեռագիրներու հիշատակարաններուն և մանր ժամանակագրությանց մեջ, չրիվ կպարզեն մեզ սրտաճմլիկ պատկերը, զոր Հայ Եկեղեցին կներկայացներ դարուն սկիզբը: Շփոթության, անստուգության, անզորության շրջան մըն էր այդ, որ չէր կրնար շնորհեցնել ու չգայթակղեցնել տկար հոգիով մարդիկը: Սայթաքումներու դար մը ևս եղավ ուրեմն ալեկոծումներով դեցուն այդ դարը: Եվ ալեկոծությանց պահուն շատերը մոլորեցան Հայ Եկեղեցվո պետերին:

Սխալ պիտի ըլլար կարծել սակայն, թե բոլոր սայթաքողները միևնույն չափով պատասխանատու են պատմության առջև: Եթե Հայ Եկեղեցվո առաջնորդներն ումանք զոհն եղան իրենց փառամոլության և ընչաքաղցության, կամ հոգեկան ուժեղ գուրկ եղան խայծերեն չհրապուրվելու համար, եղան դեմքեր ալ, որ հայ ժողովուրդի փրկությունը պարզապես Եվրոպային սպասեր էին ու միամղտությունն ունեցան հավատալու, թե պապերուն ձեռքն է Եվրոպայի խղճմտանքին բանալին: Պատմությունը մեղավոր կճանչնար զանոնք բոլորն ալ չարիքին համար, զոր հասցուցին հայ ժողովուրդին, բայց պատմիչին պարտքն է աստիճան դնել մեղքն մեղքը:

Հայ Եկեղեցին խաղաղություն չճանչցավ այս խոտվահույզ դարուն մեջ: Զարհուրանքը, որուն ենթակա էր հայ ժողովուրդը զուլգ լուծերու տակ, Հռոմի արշավանքը, որ ահալոր չափերով աշխուժացած էր այդ դարուն, միսիոնարներու ասպատակությունը Հայ Եկեղեցվո կեդրոններուն շուրջ և զանազան գաղութներու մեջ, արկածախնդիրներու շարանը, որ կուգար բազմիլ այս դարուն նվիրապետական Աթոռներու վրա, և մանավանդ պաշարները, որոնք կմղվեին հայ ժողովուրդի ծոցին մեջ իրարու ձեռքն հափշտակելու համար այդ Աթոռները, անդորր պահ մը չտվին Հայ Եկեղեցիին այս բովանդակ դարուն ընթացքին:

Պատկերը ավելի ահալոր կդառնար մանավանդ անոր համար, որ ամեն բան իր Եկեղեցիին կպասեր հայ ժողովուրդը: Անոր վրա էր իր հույսը, որպեսզի իր տառապանքը վերջ գտնե. մինչև որգետնականները, որոնք անոր գլուխն էին, իրենք նոր հոգեր կերեին հայ ժողովուրդին երկու լուծերուն ալ ներքև:

... Ճակատագրական այդ պահուն, երբ քաղաքական փոթորիկները կալեկոծեին նաև

Հայ Եկեղեցին և երբ Հռոմ իր ամենն զարհուրելի հալածանքներն մեկն էր սկսած Հայ Եկեղեցվո դեմ, Պոլսո Աթոռը դժնդակ ճգնաժամ մը կանցներ ինքն ալ, գլորվելով ինք ևս տազնապե տազնապ:

3. ՊՈԼՍՈ ԱԹՈՌԸ ԿՈՒՆՆԵՐՈՒ ԲԵՄ

Ալեկոծ պահեր հաճախ ունեցած է Պոլսո Աթոռը իր գոյության հինգ դարերուն ընթացքին: Բայց ոչ մեկ ժամանակ այնքան փոթորիկներով շրջապատված է այդ Աթոռը, որքան սույն դարուն, զոր տազնապի դար խորագրեցինք սկիզբն:

Ամբողջ քառասնամյակ մը (1600—1639) Պոլսո Պատրիարքական Աթոռը պզգալի կոիվներու թատերաբեմ կդառնա:

Առաջինը այն դեմքերն, որ տազնապի դարը բացին Պոլսո Պատրիարքական Աթոռին վրա, Հովհաննես Խուլ կոչվածն է: Շատ բան չենք գիտեր իր կյանքին ու իր գործունեության մասին: Իր պատրիարքության տարիները կհատկանշվին այն զգվելի պայքարներով, զորս բարձրաստիճան հոգևորականներ իրարու դեմ մղեցին, Աթոռը իրարու ձեռքն հափշտակելու համար:

Երկրորդը այդ դժբախտ շրջանին պատրիարքներն, որ Հայ Եկեղեցվո պատմության մեջ այլապես գեղեցիկ էջեր պիտի թողուր, Գրիգոր Կեսարացին է, զոր ճակատագիրը բերավ սակայն Պոլսո Աթոռին վեճերուն խառնեց և մխրճեց տազնապի քառասնամյա ալեկոծությանց մեջ: Գրիգոր Կեսարացին մեկն էր արդարև այն կարկառուն դեմքերն, որոնք կրնային պատիվ բերել որևէ դարու, իրենց մտավոր ձիրքերով ու Հայ Եկեղեցվո հանդեպ իրենց նախանձախնդրությամբ: Իր հոգևոր դաստիարակությունն ստացած դարուն ամենն մեծ գիտնականին՝ Սրապիոն Ուհայեցիի մոտ, ինքն ալ իր կարգին սերունդ հասցուց, ու Հայ Եկեղեցվո պարզեց այն զմայլելի դեմքը, որ Մովսես Տաթևացի կաթողիկոսը պիտի հանդիսանար:

Խոսելով Սրապիոն Ուհայեցիի հասցուցած սերունդին վրա, ժամանակակից Դավրիժեցին կըսե, թե մեծ վարդապետին ձեռնասուններն «Կեսարացի Գրիգոր վարդապետն» այր գիտնական նրբից և արտաքնոց, և հաղթող ախոյեան ընդդէմ մաքառողաց ճշմարտութեան, եթէ մերասերից և եթէ ալոց աղագաց»³⁴¹, հիշատակելով այլուր, թե «էր այր ահարկու, և յոյժ խրոխտ և դժուարահալան»³⁴²:

³⁴¹ Առաքել Դավրիժեցի, էջ 11:

³⁴² Մեղ. էջ 287:

Գրիգոր Կեսարացին ծնած էր շուրջ 1570-ին, և դեռ վարդապետ, Պոլսո պատրիարք ընտրված 1601-ին, հաջորդելով Հովհաննես Խուլի, որ տարի մը միայն պաշտոնավարած էր: Եվ մինչդեռ իր նախորդը՝ Հովհաննես Խուլի իր հոգին այնքան աժան պիտի ծախեր Հոռմի, Հայ Եկեղեցին փորձելով դաշունհարել կոնակեն, Գրիգոր Կեսարացին տեղ կանգնեցավ հայրենի ավանդություններուն և ոչ մեկ խոչընդոտի առջև չկասեցավ պաշտպանելու համար զանոնք:

Թե որքան բուռն էր Գրիգոր Կեսարացիի նախանձախնդրությունը դեպի Հայ Եկեղեցվո շահերը, ցույց կուտա անոր կշտամբականը, զոր ուղղած է Մելքիսեդեկ կաթողիկոսին, հավանաբար 1614-ին, Հոռմի հետ մերձեցման մը ի նպաստ անոր կատարած փորձերուն և առհասարակ անոր ապերասան գործերուն առթիվ³⁴³:

Կեսարացիի մահը արձանագրելու ժամանակ Օրմանյան կգրե. «Եկեղեցական և ազգային խորին գիտությունն զատ, հմուտ եղած է համարողականին և երկրաչափականին, գրած է Թուականք և պատմութիւնք, Աղամեն մինչև յուր ժամանակը, հայերեն գիրով և լեզվով երկրագունդ մը շինած է, հորինած է բերվածներ, զանձեր և տաղեր, բայց ամենն վեր է յուր ազգային եկեղեցական պաշտպանության համար ամուր համոզումը և անխոչը ջանքը, որով հաղթական կերպով մաքառեցավ լատինամիտ և լատինասեր կուսակցության դեմ: Իրեն հիշատակին փառավոր վկայություն մը եղավ եկեղեցվո մեջ թաղվիլը»³⁴⁴: Արդարեւ, ան թաղված է Ղալաթիո եկեղեցին: Իր ոսոխներուն մեջ ան էր, որ չդավաճանեց իր ժողովուրդին: Եվ սակայն առանց ամոթալի կոիվներուն, որոնք Պոլիսը գայթակղությանց թատր դարձուցին իրենց, և որոնք իրենց հորձանքին մեջ քաջեցին Գրիգոր Կեսարացիին ալ, շատ ավելի տարբեր ըլլար թերևս այս վերջինին արգասիքը:

Բավական խորհրդավոր է կյանքն ու գործունեությունը արկածախնդրությանց երրորդ հերոսին, որ պիտի գար հայտնվիլ հանկարծ Պոլիս և գործոն մաս պիտի առներ Պատրիարքական Աթոռին համար մղված պայքարներուն մեջ: Զաքարիա Վանեցիին էր, ծանոթ Զաքե, Զաքեոս, Զաքիաս անուններով ալ իր կենսագիրը գայն 1603-ին կատեն Պոլիս, ուր, դեռ վարդապետ, ուսուցչություն կրնե ան և ուրկե 1606-ին Վան դառնալով, առաջնորդ կրնարվի Վարդապ ուխտին և Վանի, «բայց հաղիվ երկու տարի պաշտոնա-

վարեն և տը՝ Վանի ջոջերուն հակառակությանց կրախի ու կիյնա պաշտոնեն»³⁴⁵:

Զաքարիայի խորհրդավոր կյանքը կսկսի այն օրեն, երբ ծառայության մեջ կմտնե իր հոգին վաղուց խաթարած հոգևորականի մը՝ Մելքիսեդեկ կաթողիկոսին մոտ, միջնորդ հանդիսանալով Հոռմի պապին ուղղած անոր քննարկներուն:

Կարծողներ կան, որ Զաքարիա ինքն իսկ հորինած ըլլա դավանության թուղթը, զոր Մելքիսեդեկ կաթողիկոսի անունով ներկայացուց պապին: Այս կարծիքը կհիմնվի այն հանդիմադրին վրա, զոր Գրիգոր Կեսարացի 1614-ին ուղղեց կաթողիկոսին, կշտամբելով զայն իբր դավանափոխ: Մելքիսեդեկ պետք է չբանդանք. հայտնած ըլլա, թե իրմե չի բխիր դավանության այդ թուղթը, այլ Զաքարիա վարդապետի դարբնածն է, որպեսզի Կեսարացի գրե անոր այդ մասին իր մեղադրականին մեջ³⁴⁶:

Զաքարիա մեկն էր այն պատրիարքներեն, զորս Հոռմ հաջողեցավ իր ուղևոր ձգել: Թե երբե՞ն ի վեր է, որ կթվագրվի անոր «դարձը», ստույգ տվյալներ չունինք: Հայ կաթողիկ հեղինակներու համաձայն, ան Հոռմի շահված էր դարձնում սկիզբեն, և իր այցին ժամանակ Հոռմ 1611-ին, իբրև Մելքիսեդեկ կաթողիկոսի նվիրակ, արգեն ան Հոռմին էր:

Պոլսո Աթոռը հուզող այդ տխուր վեճերուն իր մասնակցությունը բերելու եկավ նաև Հայ Եկեղեցվո պատմության ամենն տխուր դեմքերեն մեկը, որ փորձության այդ տասնամյակներուն նախախնամական դեր պետք էր կատարեր. այլապես և որ պահ մը մաս առավ, ավա՞ղ, Պոլսո Աթոռին շուրջ մղված կոիվներուն մեջ: Գրիգոր Դարանաղեցիին էր ան, ծնած Կամախ 1576-ին, փոքր տարիքեն արեղա ձեռնադրված և պահ մը մնացած երևան, էջմիածին, Բաբերդ: Փոքր Ասիան այնկոծող դեպքերը գայն նետեր էին Կաֆա, ուր չէր կրցած երկար մնալ և 1606-ին եկեր էր Պոլիս, իր հայրենակիցները գտնելու, որոնք աղետներեն խույս տալով, եկած հաստատված էին Պոլսո զանազան թաղերը և Ռոդոստո ու շրջականները: Իրեն կվիճակվի իր հայրենակից կամախեցիները երկիր առաջնորդել 1610-ին: 1612-ին դարձյալ Պոլիս կդառնա, անկե Երուսաղեմ անցնելու դիտավորությամբ: 1622—1625 թվականներուն ան առաջնորդն է Ռոդոստոյի, ուրկե հայրենիք և անկե 1627-ին Երուսաղեմ կանցնի կրկին, 1628-ին Կոստանդնուպոլիս գալու և գործոն

³⁴³ Գաբեգին վարդապետ Սրվանձտյանց, «Թորոս աղբար», Բ, էջ 288—289:

³⁴⁴ «Անգագապատմ», Բ, էջ 2432:

³⁴⁵ Զ. Գրիգորիս Գալսեմյանյան, «Կենսագրություններ երկու հայ պատրիարքներու», էջ 42—43:

³⁴⁶ Գաբեգին վարդապետ Սրվանձտյանց, «Իշխման աղխատությունը», էջ 288—293:

մաս առնելու համար Պալաթի Ս. Հրեշտակապետ Եկեղեցվո կառուցման մեջ: Հետո կրանա Ռոդոստոյի իր առաջնորդության, այդ պաշտոնին վրա փակելով աչքերը 1643-ին, բարի անուն մը ձգելով ետին, և այն թանկագին ժամանակագրությունը, ուր կ'պատմե՝ մոտ կես դարու (1595—1640) դեպքերը, անգնահատելի աղբյուր մը ընծա թողելով հայ բանասիրության:

Դարուն այս առաջին քառասնամյակը Պոլսո մեջ կրանա սկիզբը պօգալի դավանական վեճերու, զորս հետզհետե պիտի գար գրգռել Հոռոմ իր գործակալներուն ձեռքով:

Հայ Եկեղեցին դժնդակ ճգնաժամ մը կանցրենք: Զորս կաթողիկոս միևնույն ժամանակ Մայր Աթոռին վրա, և երեք պատրիարք Պոլսո մեջ, որոնք շորս քառամյակ շարունակ իրարու ձեռք կխլեն Աթոռը: Այս պայմաններուն մեջ, Հայ Եկեղեցին ի՞նչ ուժ կունենա՞ դիմանալու իր վրա խուժող ալիքներուն դեմ:

Հայ Եկեղեցվո համար տագնապով սկսող այս դարը աշխուժացուց Հոռոմը: Պղտոր էին ցուրերը, ինչպես Մայր Աթոռին, նույնպես Պոլսո մեջ: Ամենեւ հարմար պահն էր Պոլսո վրա գրոհ տալու, ու հոն իրականացնելու Հավատո տարածման ժողովին առաջին հունձքը:

Որդը, որ Հայ Եկեղեցին սկսած էր կրծել Պոլսո մեջ, վարակելու փութացեր էր ուրիշ հայ գաղութներ ալ: Տագնապի այդ դարուն անպաշտպան էին հայ գաղութները, ու լավագույն պահն էր խորտակելու հայրենի ավանդությունները անոնց ծոցին մեջ:

Լվովի թեմը մեկն էր այն հայ գաղութներն, որոնք երեք դար տոկալե հետո, կոշված էին թատերաբեմ հանդիսանալու մարդորսներու ասպատակությունը, ճիշտ այն օրերուն, երբ Պոլսը ինքն ալ մտած էր մարդորսներու քանցին մեջ: Ու զարմանալի չէ, եթե Պոլսո Աթոռին տագնապը իր թաթը երկարնց մինչև Լվով և մասնակցեցավ հոն գլուխ ցցող գայթակղությունը:

Եվ ուշագրավ է, որ ամենեւ ճարպիկ գործակալները, զորս ջոկած էր Հոռոմ հայ ժողովուրդը իր փարախը բերելու համար, և որոնք Լեհաստան պիտի փութային ճակատագրական դեր կատարելու համար հոն, իրենց ստաժը Պոլսո մեջ ըրեր էին:

Լվովի թեմին ճգնաժամը կխորանա: Հայ հոգևոր պետերու միամտությունը զայն ի նպաստ Հայ Եկեղեցվո լուծելու հօդս կցնդի: Հոռոմ, անգամ մը իր ճիրանը ձգած, որսը չի փախցնիր այլևս իր ձեռքեն: Լվով կխուժեն իր ամենեւ ճարպիկ գործակալները ու գլուխ կհանեն բռնի միութունը: Հայ Եկեղեցվո պատմությունը ավելի պատշաճ որակում չէր կրնար դնել քան այս մեկը:

Այնպիսով, որն մատնվեցավ Լվովի թեմը, ամենեւ զգուշացրեմք լինեմք մեկն էր Հայ Եկեղեցվո պատմության: Ան դաս մըն էր միաժամանակ բնական ժամանակներու համար:

Շատ մը տագնապներ պիտի խնայեր իրեն Պոլսը, եթե սերտած ըլլար ինքն ալ այդ դասը: Պատրիարքներն շատերը, որոնք եկան բազմիւր իր Աթոռին վրա, ոչ իսկ ուղեցին գիտնալ Լվովի թեմին մեջ պատահածները:

4. ՀԱՆՈՒՆ ՀԱՎԱՍՏԻ ԾԱՎԱԼՄԱՆ

1623 թվականը նոր գլուխ մը կրանա Հայ Եկեղեցվո պատմության մեջ: Այդ տարին էր, որ Գրիգոր ԺԴ պապը կհիմնեք Հավատո տարածման ժողովը, որուն մասնավոր խնամքին հանձնվեցավ այնուհետև Եկեղեցիներու միություն հոգը: Այդ հոգը իրեն դրոշ ունենալով, Հոռոմ հաղթական արշավի մը պիտի ձեռնարկեր դեպի Արևելք, և այդ արշավին թիրախ պիտի դարձնեք առաջին հերթին հայ ժողովուրդը: Ու հայ ժողովուրդի միամտությունը պիտի դուրացներ հաճախ իր կարգին կաթոլիկ քարոզչության թափանցումը իր ծոցին ներս:

Հոռոմ աչքերը Պոլսո հառեց առաջին իսկ պահին: Հորմենհետե Կիլիկիո մեջ իր ստեղծած կովանը իսպառ չքացած էր և Կիլիկիո մեջ մնացած Կաթողիկոսությունը, զոր իրեն շահելու փորձերը միշտ կշարունակեք Հոռոմ, իր երբեմնի հեղինակությունը չունեք, անհրաժեշտ էր ամուր կովան մը ապահովել: Ունիտոնները, որոնք կշարունակեք գործել Արևելյան Հայաստանի մեջ, չէին կրնար կատարել այն միևնույն դերը, որպիսին ի վիճակի էր օսմանյան մայրաքաղաքին մեջ ստեղծվելիք կովան մը:

Հոռոմի ուրվականը միշտ կբալեր այսպես հայոց ետեմն: Ան կհետապնդեք հարմար պահն ու խոցելի կետը: Ամենեւ հարմարը այն պահն էր, երբ հայ ժողովուրդն ու իր Եկեղեցին տագնապի շրջան մը կանցնեին, ու խոցելի կետը Պոլսն էր, ուր հինեւ կաթոլիկ կորիզ մը միշտ կշնչեր, և ուր կաթոլիկ տարրեր ալ սպրդած էին Ղրիմեն եկող հայ գաղթականության հետ մեկտեղ:

Մարդորսության փորձերը ոչ մեկ տեղ այնքան աղմկալիք չէին եղած, որքան Պոլսո մեջ: Ու շատ ալ բնական էր այդ: Իր պապերու հավատքին հավատարիմ մնալ համառող զանգվածի մը և իր ծոցը դավով սպրդած գործակալներու պայքարը չէր միայն անորը: Այս վերջիններու ետին հզոր Հոռոմ կար և անոր ալ կողքին Ֆրանսան, որոնք շահագրգռված էին Կաթոլիկ Եկեղեցվո հարած տեսնելու հայը, իրենց կրոնական և քաղաքական շահերու համար:

նույն այս դարեն կսկսի Ֆրանսայի ուղղակի դերը այն սաղարաններուն մեջ, որոնց ձեռնարկեց Հոռմ ճեղք բանալու համար հայ ժողովուրդի ծոցին ներս, սկսելով նույնիսկ Պոլսին: Դարուն վերջերն է սակայն, որ այդ դերը ավելի գործոն կդառնա, որպեսզի հաջորդ դարուն սկիզբը այլևս ուղղակի մաս առնեն Ֆրանսան Հայ եկեղեցւոյ մատնված տաճարներուն մեջ, ասպետի իր պատմութեանը նետն փրային, ու հանդիսանա տխուր դերակատարներն մեկը հայ ժողովուրդն ու իր եկեղեցին խոտովող դառն ճգնաժամին:

Մյուս կողմն, հայ զանգվածը անուղղակի պաշտպան մը ունի իրեն, հոնձին թուրք պետութեան, որուն շահերուն երբեք չէր գար, որ օտարներ պատրվակներ ստեղծէին իրենց՝ թուրքի գործերուն միջամտելու համար:

5. ՊՈԼՍՈ ԱԹՈՌԸ ՄԻՍԻՈՆԱՐՆԵՐՈՒ ԶԱՆԿԻՆ ՄԵՋ

Միսիոնարներու արշավանքին հետ Պոլսո վրա, Պատրիարքական Աթոռին համար տագնապի նոր շրջան մը կը բացվի:

Նույն պատրիարքներն հետո, որ ամբողջ բառասնամյակ մը (1600—1639) զգվելի պայքարներու թատերաբեմ դարձուցին Պոլսո Աթոռը, երկու տասնամյակ ան ասպարեզ կդառնա արդեն կաթողիկ արշավանքին: Այդ շրջանին է, որ Պատրիարքական Աթոռը Դավիթ Արեւելցիի ձեռքին կհասնի հաջորդաբար միսիոնարներու երեք խմբի մաճիկները՝ Կիրակոս Երեւանցի, Խաչատուր Գաղատացի և Թովմաս Բերիացի, երկու ճակատներու բաժնելով ազգը, և հակառակ որ Դավիթ Արեւելցին, նվիրակ էջմիածնի, հայադավանութեան ջերմ պաշտպան և հետևող Գրիգոր Կեսարացիի, միշտ կհաջողէր Աթոռը դառնալ վերստին, միսիոնարներու ճանկն ինկած խմբակը կրկին գայն կը բերէ Աթոռն, իր խրովիլակը բազմեցնելով անոր տեղ:

Լատինամիտ հոսանքը զենքերը վար չէր դրած սակայն: Հովհաննէս Խուլի ցանած սերմերը դեռ կշարունակէին խլրտիլ:

Հաջորդ պատրիարքը, Խաչատուր Սեբաստացի (1642—1643), ձեռնադրուելու Գալանոսի, արդեն միսիոնարներուն ճանկն է: Լատինական խմբակը ցնծութեան մեջ է, հաջողած ըլլալով Խաչատուրը բերել Կիրակոս պատրիարքին տեղը: Գաղղիո դեսպանը հատուկ պատգամովորով մը կշնորհավորեն նոր պատրիարքը, իսկ Պրոպագանդաի գահերեցը խնդակցութեան գիր մը կուղղեն անոր: Սակայն «Խաչատուրի պատրիարքութեամբ լատինասերներուն զգացած ուրախութիւնը շատ կարճատեւ եղավ, վասնզի Հոռմի նամակները դեռ Կոստանդնուպոլիս չհասած, Դավիթ

Արեւելցիին հապճեպ հասավ Հալիպէ, ուր վտարված էր Կիրակոսի օրով, պետք եղած միջոցները գործածեց և պատշաճ վճարումներն ալ ըրավ, և կրցավ Խաչատուրը գահին կեց ընելով, նորեն գրավել Պատրիարքական Աթոռը, ուսկից իբր տարիուկն առաջ հեռացված էր: Դավիթի պատրիարք ըլլալը գործերուն ուղղութեան փոփոխութիւնն էր»³⁴⁷: Արդարեւ, լատինական խմբակը պահ մը ցիրուցան եղավ, ու Գալանոսի սաղարանները անպտուղ սկսան դառնալ:

Խաչատուրի Պոլսո պատրիարքութեան ակնարկելով է, որ Բաբգեն կաթողիկոս կգրե. «Խաչատուրի Կ. Պոլսի պատրիարքութենէն ունինք ուրեմն լատինասեր կուսակցութեան գործիչի մը հիշատակը: Այս ալ մեկն է մեր այն հոգևորականներն, որոնք ոչ միայն ուսման և եկեղեցական կարգապահութեան համար Հոռմ դարձուցած էին իրենց աչքը, այլ նաև հայ ժողովուրդի ազգային ազատագրութեան տեսիլով»³⁴⁸:

Թովմա Բերիացիին էր սակայն, որ պիտի գար Պոլսո Աթոռը խառնակութեանց բույն դարձնել:

Օրմանյան Ժէ դարուն Պոլսո Աթոռը խոտովող դժբախտ դեպքերն մեկը կնկատե բռնակալ պատրիարքութիւնը Թովմա Բերիացիի, «որ ազգին կամքին հակառակ, կաշառքի զորութեամբ և պետական բռնութեամբ իշխանութիւնը ձեռք անցուցած, կեղեքմանց և անիրավութեանց կձեռնարկէր, հանձնառու եղած գումարները ճարելու համար: Մասնավոր պարագա մը դժգոհութիւնը կավելցներ, զի Թովմաս ձեռք ձգած հրովարտակին մեջ Երուսաղեմն ալ իբր իրեն ենթարկալ անցնել տված էր»³⁴⁹:

Պոլսո Աթոռին այս զուլգ տասնամյակը կխորհրդանշեն կաթողիկ միսիոնարներու առաջին հունձը: Անոնք հաջողած են արդեն երեք համախոհներ մարդել հայ հոգևորականութեան շարքերին և դանոնք բազմեցնել Պատրիարքական Աթոռին վրա:

Գալթակցութիւնները, որոնց առիթ կուտան այս կերպով, հոռու են սակայն զանոնք վճատեցնել: Ամեն ձախողութենէն հետո ավելի հանդուգն կդառնան անոնք:

6. ՏԱԳՆԱՊԻ ՆՈՐ ՏԱՐԻՆԵՐ

Դավիթ Արեւելցիի վերջին պատրիարքութենէն հետո, որ փակվել էր 1651-ին, պահ մը անգլուխ մնաց Պոլսո Աթոռը: Անկոծութեանց տասնամյակի մը կհաջորդէր տաճարապի ու-

³⁴⁷ «Ազգապատում», Բ, էջ 2468:

³⁴⁸ Բաբգեն Ա արքայից կաթողիկոս, «Պատմութիւն կաթողիկոսաց Կիլիկիո», Անթիլիաս, 1939, էջ 380:

³⁴⁹ «Ազգապատում», Բ, էջ 2519—2521:

րիշ տասնամյակ մը, շարունակելով միշտ խոռով պահել Պոլսո Աթոռը, որ փոթորիկներու մեջ անցուցեր էր դարուն առաջին կեսը, առանց պահ մը խաղաղութիւն գտնելու:

Պոլսո Աթոռին այդ անգուլիս վիճակն էր, որ Նդիազար Այնթապցիին ախորժակը ևս սրեց անոր տիրանալու, երբ 1651-ին Պոլիս կուգար Երուսաղեմի Աթոռը իրեն ապահովելու համար³⁵⁰:

Շատ շտեկեց Նդիազարի պատրիարքութիւնը, հագիւլ մեկ տարի (1651—1652): Հովհաննես Մուլնեցիին, որ 1652-ին հաջորդեց Նդիազարին, հավանաբար Փիլիպոս կաթողիկոսին մարդն էր և անոր թելադրութեամբ էր, որ անվանվեցավ պատրիարք: Երեք տարիներու իր պատրիարքութիւնը (1652—1655) աննշմար կթողուն ժամանակակից աղբյուրները:

Պոլսո Աթոռը տեղակայներուն ձեռքը մնաց քանի մը տարի: Եվ ահա 1657-ին, թատերաբեմին վրա դարձյալ հայտնվեցավ համբաւով թուր Թովմա Բերիացիին, որ վերադարձած էր Հոռոմեն, ու դավերով և կաշառքներով տեղակայներուն ձեռքին հափշտակեց Աթոռը և 18 ամիս անվանական պատրիարքութիւն մը ընելէ և Աթոռը նոր տագնապաներու մատնելէ հետո, եղերական մահով մը չքացավ ասպարեզին 1658 օգոստոս 1-ին:

Տեղակայները, այս անգամ արդէն թվով 24, կրկին ձեռք կառնեն Աթոռին դեկը: Բայց երկու տարի չանցած, ասպարեզ կուգա դարուն ամենն հայտնի դեմքերէն մեկը՝ Մարտիրոս Կաֆայեցիին, կարճ ժամանակ մը նստելու համար Աթոռին վրա (1659—1660):

Տասնամյա այս տագնապի շրջանն է, որ Կոստանդնուպոլսո Աթոռը անիշխանութեան կմտնէ ավելի ևս, և խեղկատակութեանց ու գայթակղութեանց նոր շրջան մը կբանա:

Պոլսո Պատրիարքական Աթոռին համար տագնապի տարբեր շրջան մը կբացվեր ժէ դարու երկրորդ կիսուն, խեղկատակութեանց շրջանը: Այս անգամ ալ անուս և տգետ տերտերներն են, որ կուգան իրարու ձեռք հափշտակել Աթոռը:

«Այլևս ճշմարտութիւնը և արժանիքը չէր որ կառաջնորդներ ազգային-եկեղեցական գործերուն՝ Կ. Պոլսի մեջ,— դիտել կուտա Բաբգեն կաթողիկոս,— այլ զրպարտութիւնը, մատնութիւնը, և ամենն վեր՝ կաշառքը: Պետական ամենն բարձր պաշտոնատարներու համար, իրենց զոջաբաղութիւնը հագեցնելու միջոց մը եղավ Պատրիարքական Աթոռի շուրջ գոյացած պառակտումը:

Պատրիարքական խիլան հայտնապես դրամով կվաճառվեր, և ասկէ օգտվեցան կարգ մը անդաւմ ու անարժան մարդիկ և հափշշ-

տակեցին պատրիարքական տիտղոսը և իշխանութիւնը»³⁵¹:

Կոստանդնուպոլսո Աթոռին անցուցած դժնդակ պահերը ժէ դարուն չէին կրնար չգրգռել սքեմ կրող զանազան բախտախնդիրներու ախորժակը, տիրանալու համար Պատրիարքական Աթոռին: Ողորմելի տերտերներու ևս ախորժակը սրվեցավ. անոնք ժէ դարու վերջին քառորդին Պատրիարքական Աթոռը հափշտակեցին և զայն խլեցին իրարու ձեռքէ: Աղոնցմե հիշենք Հովհաննես Ամասիացի «թոփալ երեց» կոչված տերտերը, որ տարի մը պատրիարքութիւն ըրավ (1674—1675), Անդրեաս Ստամպուլցի «գոթխիս սանդուղը» (չհաննեն մերկիւնի) մականվանյալ քահանան, որ նույնպէս տարի մը Պատրիարքական Աթոռը բազմեցավ (1675—1676), Կարապետ Կեսարացի «Կրպո» հորջորջյալ տգետ տերտերը, որ հնգիցս նստավ Աթոռը (1676—1679, 1680—1681, 1681—1684, 1686—1687 և 1688—1689), Սարգիս Էքմեքչին, որ հացագործ աշխարհական մըն էր և խկույն քահանա ձեռնադրել տվավ ինքզինքը, որպեսզի գրավէ Աթոռը, Կրպո պատրիարքի առաջին երկու պատրիարքութեանց միջև, Թորոս Ստամպուլցիին, նույնպէս անարժեք տերտեր մը, որ «մորոս» հորջորջված է, և ուրիշներ: 1689 թվականի սկիզբը աշխարհական երեւելիները այս անգամ ալ իրենք պիտի հափշտակեն Պատրիարքական Աթոռը:

Կոստանդնուպոլսո Աթոռին շուրջ մղված պայքարները երբեմն այնպիսի սուր համեմատութիւններ կառնեն, որ Աթոռը երկար ատեն թափուր ալ կմնար: Նման պահերու «ազգին ղեկը» ձեռք կառնեն «աշխարհական տեղակայները», իրենց կարգին մեյմեկ պատուհաս դառնալով: Դավիթ Արևելցիի երկրորդ պատրիարքութենէն հետո, օրինակ, 1649—1650 ամբողջ 11 ամիս աշխարհական տեղակայները վարեցին պատրիարքական գործերը: Թովմա Բերիացիի օրով, 1657-ին, 24-ի բարձրացած էր արդեն աշխարհական տեղակայներու թիվը, և անոնք էին, որ ազգին գործերը կվարեին Աթոռին վրա գտնված անոր երկու տարիներուն ալ (1657—1659):

Դավիթ Արևելցիի օրերէն կսկսի ուրեմն «աշխարհական տեղակալ»-ներու դրութիւնը: 1641 թվականին Կոստանդնուպոլսո Ս. Սարգիս եկեղեցվո մեջ ընդօրինակված «Յայսմաուրը»-մը, որ հետագային պահված է Արգնիի Բարձրահայաց վանքը, շատ շահեկան հիշատակարան մը ունի, ուր կպատմվի, թե ինչ պայմաններու տակ աշխարհական տեղակայներ կուգային վարել պատրիարքա-

³⁵⁰ Ազգագրատու՝ Բ. Էջ 2474:

³⁵¹ Բաբգեն Ա արքեպիսկոպոս, հիշված աշխատութիւնը, էջ 306:

կան պաշտոնը: Հիշատակարանը կըսե. «Եւ պատճառ կալանիս հառաչանս այժմեան ժամանակիս մարմնասէր և փառամոլ առաջնորդ անուանեալքն են, որ ոչ խնայելով ի գառինս, այլ գուն գործեալ միշտ ի փողոտեւ արագին: Եւ ևս այսմ արքայանիստ մայրաքաղաքիս պատրիշ պատրիարքունք անուանեալքն, յաճախեալ ի շարիս... ուսան զգործս... կաշառաւք և տոկոսիւք խլել յիրեւրաց [ղալաշտօն], և աւր ըստ աւրէ յաւելով զդիմոսական հարկն, այնչափ եղև. որ եկեղեցիք սուրբ մայրաքաղաքիս յետին շուառութեան հասեալ, ի տանց և յիշատակաց, ի դարդուց և յայլ զգեստուց կողոպտեալ և սլարտք Պատրիարքարանին ՁՆ դուրուշն հաւեալ, այնչափ ատելի և գարշ գտան ի տեսիլ ուսմկին, որ մինչ առ կայսրն բողոք կալեալ, և զմիտս թագաւորին հաճեցեալ խէքքի շէրիք ընկալան, թէ ամենեկին... անուն ոչ պատրիկ լիցի և ոչ ի քաղաքն անգամ մտցի...»³⁵², «Աշխարհական տեղակալ»-ներու դուրս թյունը շարունակեցաւ դարուն երկրորդ կի-

սուն ալ³⁵³: Անոնցմե շատերը հականե հանվանե հիշատակված են տարեգրությանց մեջ: Բացի Ռուհիջան Վանեցիեն, որ տասնյակ տարիներ տիրական դեմք մը հանդիսացաւ մայրաքաղաքին մեջ, ուրիշ անուններ ալ հասած են մեզի, շատերը հիշված իրենց արհեստներովը, ինչպես Խանճի Սեֆեր, Արայիճի Շեհրի, Էքմեքճի Պեկեր, Քերեստեճի Գրիգոր, Յաղճի Հարություն, Հաճի Կոստիկ, Սիմեոն երեց, Քյուրքճյու-օղլու երեց, Պոտուռ Սիմոն, Մկրտիչ, Մուրադ, Էխթիկ, Հարություն Պալի, Ֆերհատ-օղլու և այլն:


Տեղակալներու դրությունը, իր կարգին, խառնաշփոթությանց դուռ կրանար ազգին մեջ: Թաղերու երեւելիները մրցման մեջ էին իրարու հետ՝ կացության տեր գառնալու և իրենց ուզածը բերել նստեցնելու համար:

Տեղակալներով ազգին գործերը վարելու այս դրությունը դարուն հետ ալ վերջ գտաւ: «Ազգին երեւելիները» տարբեր ձևեր ունեցան հետագային «ազգ»-ին տիրելու համար:

(Շարունակելի)

³⁵² Դարեգին եպիսկոպոս Սրվանձտյանց, «Թորոս աղար», Բ, էջ 400—401,

³⁵³ «Ազգապատու», էջ 2512—2513:



Ա. ՆԱԶԻԿՅԱՆ

ՍԱՅԱԹ-ՆՈՎԱՅԻ ՏԱՂԵՐԸ ԵՎՐՈՊԱԿԱՆ ԼԵՋՈՒՆԵՐՈՎ

Խաղաղության համաշխարհային խորհրդի որոշմամբ, 1963 թվականի հոկտեմբերին, ամբողջ առաջավոր մարդկությունը նշում է հայ մեծ բանաստեղծ Սայաթ-Նովայի ծննդյան 250-ամյակը:

Սայաթ-Նովան հանճարեղ գուսան էր. նա հորինել է երգեր, երգերի եղանակներ, կատարել է իր երգերը երաժշտական գործիքի նվագակցությամբ: Նա բանաստեղծ էր, երգահան և երգիչ միաժամանակ:

Սայաթ-Նովայի ծննդյան անունն է Արուսիկ (Հարություն), ազգանունը՝ Սայադյան: Նովա նրա բանաստեղծական անունն է, ըստ իմաստի նշանակում է երգի արքա:

Սայաթ-Նովան իր երգերը գրել է հայերեն, վրացերեն, ադրբեջաներեն լեզուներով: Նա գիտեր և պարսկերեն:

1852 թվականին Մոսկվայում լույս տեսավ Գ. Ախվերդյանի կազմած ժողովածուն «Սայաթ-Նովա» վերնագրով¹, որը լայն արձագանք գտավ և՛ Անդրկովկասում, և՛ Ռուսաստանում, և՛ Արևմուտքում:

Մի քանի տարի հետո Գարրիել վարդապետ Ալվադյանի խմբագրությամբ լույս տեսնող «Մասյաց աղավնի» (La colombe du Massis)

հայ-ֆրանսերեն հանդեսը, որը հրատարակվում էր Փարիզում 1855—1858 թվականներին, անդրադառնում է սույն գրքին:

Այս հանդեսի 1855 թվականի առաջին տարվա 7-րդ և 1856 թվականի երկրորդ տարվա 2-րդ համարներում մենք հանդիպում ենք Սայաթ-Նովայի մասին առաջին խոսքին, արևմտահայերեն և ֆրանսերեն լեզուներով: Հանդեսը տպագրել է Գ. Ախվերդյանի գրքի «Յառաջաբան»-ը, այն արևմտահայերենի փոխադրած:

Ահա թե ի՛նչ է գրված «Մասյաց աղավնի» հանդեսի 1855 թվականի առաջին տարվա 7-րդ համարի 170-րդ էջում.

«... Լեզուին քանի մը դարձուածքը Պօլսեցւոց ականջին խորթ ու խորշնի կրնար գալ և որ մեծն է՝ անով իմաստն ալ դժուար հասկըցուիլ, ու գրուածքին յարգը չճանչցուիլ. ուստի և յանձն առինք մեր սովորական ռամկօրէնին վերածել ու գրեթէ թաքմանել այն յառաջաբանին գլխաւոր խօսքերը: Բայց որպէս զի բնագրին յատկութիւններն ու տեղ տեղ գեղեցկութիւններն ալ անձանօթ չմնան ընթերցողաց, այս անգամ ծանօթութեան մէջ կը դնենք բնագիրը ամբողջ. իսկ ուրիշ ատեն զանց կ'ընենք բնագիրն ու միայն նշանաւոր խօսքերը մէջ կը բերենք»:

Այս հոդվածի երկրորդ մասը լույս է տեսնում սույն հանդեսի 1856 թվականի երկրորդ

¹ «Գուսան Ա. Սայաթ-Նովա, լուս գցած աշխատասիրութիւնս Գեորգեայ Ախվերդեանի», Մոսկվա, 1852, 172 էջ:

տարվա 2-րդ համարի 37—42 էջերում, հայերեն և ֆրանսերեն ղուգահեռ տեքստերով:

Այստեղ հոգովածը ընդհատվելով, մեջ է բերվում Սայաթ-Նովայի «Արի ինձ անգամ կալ» բանաստեղծությունը արևմտահայերենի փոխադրված՝ «Նկուր ինձ ականջ դիր» վերնադրով: Այնուհետև բերվում է դրանցից յուրաքանչյուրի ֆրանսերեն թարգմանությունը՝ «Viens me prêter l'oreille» բուն բնագրով, «Homme! prête à ma voix une oreille attentive» արևմտահայերեն տեքստի ֆրանսերեն թարգմանությամբ:

Ենթադրում ենք, որ «Արի ինձ անգամ կալ» բանաստեղծության երկու տարբերակներն էլ թարգմանած լինի ֆրանսերենի հոգին վարդապետ Գալֆայան Նարայելը, քանի որ նա խմբագրական կազմումն էր և այդ ժամանակ կատարել է շատ թարգմանություններ ֆրանսերենից, ինչպես «Դաշնակը կամարթինեայ» դիրքը, տպագրված Փարիզում 1859 թվին:

Հետագայում, Սայաթ-Նովայով և նրա տաղերի թարգմանությամբ զբաղվում է Մինաս Չերազը Լոնդոնում:

Մինաս Չերազը Լոնդոնում հրատարակում է «Armenia—L'Arménie» թերթը (1889 թվականի նոյեմբերի 15-ից 1906 թվականը, անգլերեն և ֆրանսերեն լեզուներով): Նա շնորհակալ գործ է կատարում հայ ժողովրդին ու մշակույթը օտարներին ներկայացնելու համար: Նա շատ ղեկուցումներ է կարդում հայ գրականության, հայ դատի մասին զանազան ամբիոններից և գրում իր թերթում:

«Լ'Արմենի» թերթի հրատարակության ղեկի մասին այն ժամանակ Ռ. Պատկանյանը գրել է. «Թերթիդ ազդեցությունը շատ մեծ է. սույն տեսակ ձևով արկություններն միայն բու գրչիդ կու տան ամենամեծ կարևորություն և հավատ կընծայեն. ուրեմն քեզ բնավ լքանել պետք չէ. վստահ եղիր, քեզ բամբասողներին ոչ ոք հավատ չի ընծայեր, թե հայ լինի նա և թե օտարազգի. եթե գործը կանոնավոր կերպարանք ստանա, անշուշտ դարձյալ ղու կլինես ազգիս ներկայացուցիչներն մին, եթե չասես զլխավորը»²:

Չերազը Լոնդոնում անգամ էր Արքունի ասիական ընկերության («Royal Asiatic Society») և նրանց ժողովում ղեկուցում է կարդացել հայ աշուղների մասին, մասնավորապես Սայաթ-Նովայի կյանքի մասին և կարդացել նրա բանաստեղծությունների չորսի թարգմանությունը³:

² Ալգոյանյան Արշակ, «Մինաս Չերազ, իր կյանքը և գործը իր 60-ամյա հորեկանին առթիվ», Կահիրե, 1927, էջ 269:

³ «Journal of the Royal Asiatic Society», 1893, July, p. 497—508.

Այդ նույն ղեկուցումը հետագայում Չերազը տպագրում է «Լ'Արմենի» թերթի 1893 թվականի 59-րդ համարում, ուր կան նաև հետևյալ երեք բանաստեղծությունները ֆրանսերենի թարգմանված. «Loué parmi tous les instruments de musique» («Ամեն սազի մեկըն գոված»), «Viens m'écouter...» («Արի ինձ անգամ կալ») և «J'ai parcouru le monde entier...» («Թամամ աշխար պրտուտ էկա») սկզբնատողերով:

Մինաս Չերազի կողմից թարգմանված այս բանաստեղծությունները հետագայում նա ղեկողել է իր «Poètes Arméniens» գրքում⁴:

Այս գրքի 115—139 էջերը նվիրված են Սայաթ-Նովայի կյանքին: Ժողովածուում տեղ են գտել նաև բանաստեղծություններ: Երեք բանաստեղծությունները նույնն են, ինչ որ «Լ'Արմենի» թերթում, միայն ավելացված է «Je ne soupirerai pas dans ce monde» («Աշխարհումս ախ չիմ քաշի») բանաստեղծությունը, նույնպես արձակով:

Այս ժողովածուն մեծ ուշադրության է արժանացել շատ եվրոպացիների կողմից⁵:

Չերազից հետո Սայաթ-Նովայի տաղերի թարգմանությամբ զբաղվել է Արշակ Չոպանյանը Փարիզում: Նա հրատարակել է «Les trouvères arméniens» («Հայ աշուղներ») գիրքը, որտեղ Սայաթ-Նովայից կան չորս բանաստեղծություններ թարգմանված ֆրանսերենի:

Հայ մշակույթը օտարներին ծանոթացնելու գործում Չոպանյանի կատարած դերի մասին մենք ավելորդ ենք համարում խոսել: Միայն կարելի է մեջ բերել Գրիգոր Չոհրապի զնահատականը Մկրտիչ Պարսամյանի բերանով Արշակ Չոպանյանի գրական գործունեության 65-ամյակին նվիրված հորեկանական հանդեսին Փարիզում, 1950 թվականի մայիսի 14-ին⁶. «Միսմինակը ըրիր ինչ որ շատեր միացած չէին կրնար ընել. մինակը գրական վաստակդ՝ միշտ ազգային կյանքով ալյցուն որբան արվեստական կատարելությամբ ճոխացած՝ վաստակեցար: Եվ որ ամենեն հարգելին է բու աշխատությանդ մեջ, դուն հիանալի երկչուղածությամբ մը նվիրեցիր ինքզինքդ, փշրանքներն ու նշխարները հավաքելու մեր գրական անցյալին, միշտ անոր որ ամենեն մոռցվածը և լքվածն էր»⁷:

⁴ «L'Arménie», 1893, sept. 1er, p. 2—3.

⁵ Tchéraz M., «Poètes Arméniens», Paris, Leroux, 1913, XI, 155 p.

⁶ Նույնի առաջաբանը:

⁷ «Հորեկան հայ մեծանուն բանաստեղծ Արշակ Չոպանյանի 65-ամյա գրական գործունեության», Փարիզ, 1950, էջ 57:

⁸ «Les trouvères arméniens», trad. par A. Tchobanian, Paris, 1906, 297 p.

տեղ մեծ աշխատանք է ծավալում հայ գիրքն ու գրականությունը ծանոթացնելու գործում անգլիախոս ժողովուրդներին:

1916 թվականին, Լոնդոնում, օրիորդ Բոյաջյանը իր թարգմանությամբ գունավոր նկարազարդումներով լույս է բնծայում «Armenian poems and legends» («Հայկական բանաստեղծություններ և լեգենդներ»)¹⁵ մեծածավալ գիրքը:

Այս ժողովածուի մեջ նրա կողմից թարգմանված են հետևյալ հինգ տաղերը. «Without thee what are song and dance to me?» («Առանց քեզ ինչ կոնիս սոյբաթն ու սաղը»), «I beheld my love this morning» («Էսօր իմ յարին տեսա»), «Thy voice is soft» («Ձենքտ քաղցրը ունիս՝ լամզով կու խոսիս»), «I have a word I fain would say» («Մե խոսկ ունիս իլթիվազով») և «Thou art so sweet» («Շատ սիրուն իս») բանաստեղծությունը:

Այս նույն ժողովածուն նույնությամբ վերահրատարակվել է 1958 թվականին, բացառությամբ մի բանաստեղծության, որը նվիրված է օրիորդ Բոյաջյանի կողմից Շեքսպիրին:

Բոյաջյանի թարգմանությունները կատարված են բնագրից, որովհետև նա լավ գիտեր հայոց լեզուն: Բոյաջյանը կարողացել է պահպանել բնագրի հարազատությունը, ոճը և ուրիշները:

Օրիորդ Զ. Բոյաջյանը հայրենասեր և ակտիվ քաղաքացի է: Նա բողոքել է պատերազմի դեմ ու գրելով պայքարել է խաղաղության համար: Ահա թե ինչու է նա մեծ սիրով թարգմանել հանձարեղ Սայաթ-Նովայից հինգ բանաստեղծություն:

Սայաթ-Նովայի մասին գերմաներեն լեզվով գրել և թարգմանել է գերմանացի հայագետ Արտուր Լայստը:

Նա մեկն է այն գերմանացի հայագետներից, որոնք սիրել են հայ ժողովրդին և նրա գրականությունը: Նա աշխատակցել է «Armenische Bibliothek»-ի հրատարակիչ Արգար Հովհաննիսյանի հետ և անձամբ գտել և թարգմանել է հայ գրողների գործերը:

Դեռ 1884 թվականին նա հոգևած է գրել Գ. Սունդուկյանի պիեսների մասին «Magazin fuer die literatur des auslandes»-ի մեջ, որը նույն ժամանակ ռուսերենի է թարգմանվել «Кавказ» ամսագրում¹⁶:

¹⁵ «Armenian legends and poems», illustrated and compiled by Zabelle C. Boyajian, London, Dent, 1916, XVI, 194/2/ p., 12 plates.

¹⁶ Լայստ Արտուր, «Հիշողություններ 80-ական թվականներին», «Մշակ», 1912 թ., № 109, էջ 2-3:

Իր «Հիշողություններ 80-ական թվականներին» հոգևածում խոսում և բնութագրում է շատ գրողների, ինչպես, օրինակ, Սունդուկյանին, Պ. Աղամյանին, Մ. Պեշիկթաշլյանին, Ռ. Պատկանյանին, Շիրվանզադեին, Բաֆթուն և դեռ շատ ուրիշներին:

Սայաթ-Նովայի կյանքի և բանաստեղծությունների մասին խոսք է ասված Լայստի «Litterarische Skizzen» («Գրական էսքիզներ») գրքում¹⁷: Այս գիրքը «Armenische Bibliothek» սերիայի 2-րդ գիրքն է, որ գրված և թարգմանված է Լայստի կողմից: Գիրքն սկսվում է աշուղների մասին ներածականով, իսկ 10-րդ էջից առանձին տրված են Սայաթ-Նովայի կյանքն ու բանաստեղծություններից հատվածներ: Այստեղ լրիվ թարգմանված է «Kein Instrument freut so das Ohr» («Ամեն սազի մեղքն գոված») բանաստեղծությունը:

Հետագայում, 1898 թվականին, Լայստը հրատարակում է իր երկրորդ գիրքը հայ գրողների գործերից, «Armenische Dichter» վերնագրով¹⁸:

Ահա այս ժողովածուում են տեղավորված Սայաթ-Նովայից թարգմանված 7 բանաստեղծություններ: Դրանք են «Kein Instrument» («Ամեն սազի մեղքն գոված»), «Ich härm mich nicht» («Աշխարհումս ախ չիմ քաշի»), «Du folles Herz» («Արի ինձ անգաճ կալ»), «Hier feiern sie ein Hochzeitsfest» («Արի համով դուլուղ արա»-ի վերջին տունը), «Mit der Nachtigall» («Բերբուլի հիդ լաց իս էլի»), «Wie eine Zauberin verführerisch du bist» («Դուն էն հուրին իս»), «Weit in der Welt» («Թամամ աշխար պլտուտ էկա») բանաստեղծությունները իրենց սկզբնատողերով:

Լայստի թարգմանած «Mit der Nachtigall» («Բերբուլի հիդ լաց իս էլի») բանաստեղծության առաջին և երկրորդ տունները մեջ են բերված նաև Բաղրատ Խալաթյանցի կողմից իր մի հոգևածում, «19-րդ դարի հայ գրականությունը» վերնագրով¹⁹:

Լայստի վերահիշյալ գիրքն ունի իր երկրորդ հրատարակությունը, լույս տեսած 1912

¹⁷ Leist Arthur, „Litterarische Skizzen“, Leipzig, /S. a./ 174 S. (Armenische Bibliothek, Hrsg. Von Abgar Jo annissian, II).

¹⁸ Leist Arthur, „Armenische Dichter“, Übers. von A. Leist, Dresden und Leipzig, Pierson, 1898, 83 S.

¹⁹ Chalatzian B., „Die armenische Literatur des 19 Jahrhunderts“, Neue Heidelberger Jahrbücher, /1905/. XIV, S. 34:

թվականին նոր հեղինակների հավելումով²⁰։ Այս հրատարակությունը նվիրված է իր բանկամ Արգար Հովհաննիսյանին։

Այս նոր ժողովածուում հեղինակի կողմից համարակալված կա 9 բանաստեղծություն Սայաթ-Նովայից։ Դրանցից յոթը նույնն են, ինչ որ առաջին հրատարակության մեջ։ Միայն մի նոր բանաստեղծություն՝ կա՝ «Ein Fenster ist die Welt» («Աշխարհս մե փանջարա է») վերնագրով։

Լայստի 1912 թվականի հրատարակության մեջ թվարկված առաջին համարակալումը, որ տվել է ինքը Լայստի իրեն Սայաթ-Նովայի տաղերից, «Ein Volk, das keine Sängerkat, Im Herzen keine Liebe hat....» («Ժողովուրդ որ երգիչ չունի, սրտում էլ սեր չունի...») և այլն, ավելի շուտ փոխադրություն է քան թե թարգմանություն։

Սայաթ-Նովայի կյանքի մասին հունգարերեն լեզվով մենք առաջին անգամ հանդիպում ենք «Armenia» հանդեսում, որը հրատարակվում էր Սզոնկոթ Քրիստովի կողմից։

Ահա այս հանդեսի 1891 թվականի հոկտեմբերի համարում կա կենսագրական ակնարկ, գրված Զիլինկիյանի կողմից²¹։

Հետագայում նույն հանդեսի 1901 թվականի սեպտեմբերի համարում թարգմանված կա Սայաթ-Նովայի «Te döre sziv! hallgass meg engemet...» («Արի ինձ անգաճ կալ») բանաստեղծությունը, թարգմանված Սիմայ Կերկերիի կողմից²²։

Գրիգոր Սիմայանը (Simay Gergerly) ծնվել է 1823 թվականին և մահացել է 1907 թվականին։ Նա Հունգարիայի արքունիքում խորհրդական էր և չեղում հայրենասեր։ Ունի հայ մշակույթին վերաբերող բազմաթիվ հոդվածներ «Armenia» հանդեսում և թարգմանել է շատ հայ գրողների գործերից։

Սայաթ-Նովայի տաղերի իտալերեն թարգմանիչն է արևմտահայ նոր բանաստեղծներից Հրանտ Նազարյանը։ Նա ծնվել է Պոլսում։ Մանկուց սովորել է Պերպերյան վարժարանում, հետո գնացել է Լոնդոն և Փարիզ ուսման և վերադարձել Պոլիս և վերջում, 1913 թվականին, Սարի (Իտալիա), իտալական երկնքի տակ, ստեղծագործելով և ծանոթացնելով հայ մշակույթը իտալացիներին։ Նա

մահացավ վերջերս, 91 տարեկան հասակում։

Ահա թե ինչ է գրում գրող Ենուկ Արմենը նրա մասին. «Նազարյանց բանաստեղծ մըն է, բառին ճշմարիտ առումով... Սերած հանրային գործիչները եղող երկու դեմքերու գերդաստանեն, Ստեփանոս Նազարյանցեն, որ ուսումնայ մտավորական շարժումին մեջ դրուշակության նշանակելի դեր մը ունեցած է, Թորոս Նազարյանեն, որ թրքահայ մատենագրության մեջ առաջնակարգ գրաբարագետի մը գործունեությունը ցուցուցած էր...»²³։

1916 թվականին լույս է տեսնում Նազարյանի մի գործը իտալերեն լեզվով՝ «I Trovieri dell' Armenia»²⁴ վերնագրով։

Գիրքն ունի առաջաբան, որը գրել է իտալացի գրող Ֆերդինանդ Ռուսոն։ Առաջաբանում մանրակրկիտ խոսվում է հայ ազգի ծագման, դիցաբանության և այլնի մասին։

Այս գրքի 51—54 էջերում տրված է Սայաթ-Նովայի հակիրճ կենսագրությունը և «Lodato fra gli strumenti» («Արի ինձ անգաճ կալ») վերնագրով բանաստեղծությունը։

Գրքի 70—71 էջերում ևս կա մի բանաստեղծություն 7 տունից բաղկացած «Devo dirti una voce di preghiera» («Մե խոսկ ունիմ իլթիմազով»), որի վերջին երկու տունները չեն վերաբերում այս տաղին, այլ «Ես մ՜ զարիբ բուլբուլի պես» տաղի 1-ին և 2-րդ տուններն են։

Սայաթ-Նովայի տաղերի ումիներեն թարգմանությունները տպագրված են «Din Lirica Armeană» ժողովածուում, որը հրատարակվել է 1922 թվականին Բուխարեստում²⁵։

Այս ժողովածուի 177—199 էջերում զետեղված են Սայաթ-Նովայի հինգ բանաստեղծություններ «Slavita între toate instrumentele» («Ամեն սաղի մեղն գոված»), «Tu esti asemeni unei colivi de aur» («Յիս մե զարիբ բուլբուլի պես»), «Imprumuta-mi auzul tau» («Արի ինձ անգաճ կալ»), «De unde ai sosit, privighetoare?» («Ուստի»

²³ Ենուկ Արմեն, «Հրանտ Նազարյանց», Կ. Պոլիս, 1911, էջ 8։

²⁴ Nazariants Hrand, „I Trovieri dell' Armenta., nella loro vita e nei loro canti... Pref. Di Ferdinando Russo, Bari, 1916 (Conoscenza ideale del 1' Armenia, vol. II), 73 p.

²⁵ „Din Lirica Armeană“, trad. Mircea Gîrghui si Gr. Avakian, Cu un studiu introd. de Gr. Cialhusian, Bucuresti, Cultura Nationala, 1922 (Literatura Universală, colectie imgrajita de V. Parvan...), 213 p.

²⁰ Leist Artkur, „Armenische Dichter“, Übertragen von Arthur Leist. Neue, Vermer. Ausg. Berlin—Leipzig, Modernes Verlags. Curt Wigand, 1912, 78/5/ S.

²¹ Csellingarian Jakab, „Szaját Nova asugh“, „Armenia“, Magyar űrmény havi szemle, Felelős..., Szongott Kristof, Szamosujvar, 1891, okt. 10 füzet, p. 311—314.

²² Ibid., 1901, Szept. 11 füzet, p. 259—260.

կու գաս, դարիբ բըլբուլ»²⁶, «Ascultra rugamintea mea» («Մե խոսկ ունիմ իլ-թիմազով»)»²⁷:

Այս ժողովածուն թարգմանել են Միրշյա Գյորգիուն և Գր. Ավագյանը: Գրիգոր Ավագյանը դոկտոր պրոֆեսոր է: Այժմ էլ աշխատում է Ռումինիայի ակադեմիայում:

Սայաթ-Նովայի տաղերի իսպաներեն մեկ թարգմանությունը զետեղված է Բիկսենի գրքի «Հայ գրողների անթոլոգիա»-ի 95—96 էջերում²⁸, «Oh, luz de mis ojos»! («Մե խոսկ ունիմ իլթիմազով») սկզբնատողով:

Անթոլոգիան ընդգրկում է հին և նոր հայ գրողներին, ինչպես Գրիգոր Նարեկացի, Սայաթ-Նովա, Զիվանի, Ավետիք Իսահակյան, Հովհաննես Թումանյան, Դերենիկ Դեմիրճյան, Վահան Տերյան, Եղիշ Զարենց, ընդամենը մոտ 40 հեղինակներին:

²⁶ Նույն բանաստեղծության թարգմանությունը տե՛ս նաև «Ararat», Bucuresti, 1928. No. 51, p. 5 և Սիրուհի Հ. «Ani» (տարեգիրք), Bucuresti, 1941, p. 259 (Trad. L. A.).

²⁷ «Ararat», Bucuresti, 1928, No. 53, p. 5.

²⁸ «Antologia de Poetas Armenios», por Josefina Lerena Acevedo de BLIXEN, Montevideo, 1943, 280 p.

Սայաթ-Նովայի այս տաղերը, որոնք թարգմանվել են արևմտա-եվրոպական լեզուների, միայն փորձեր են և հավասար արժեք չունեն: Պարզ է, այս թարգմանություններն արված են գաղութներում ապրող հայերի կողմից, հայ մշակույթը ծանոթացնելու համար օտարներին:

Սայաթ-Նովան իր բանաստեղծական վաստակով, իր հումանիզմով, սրտառու լիրիկայով, իր արժանի տեղն է գրավել համաշխարհային գրականության թանգարանում, որպես խաղաղության մեծ երգչի և բանաստեղծի:

Սայաթ-Նովան հարազատ է բոլոր ժողովուրդներին: Ահա թե ինչու՜ անցյալ դարի 50-ական թվականներից մինչև մեր օրերը հնչել են նրա երգերի օտար թարգմանությունները նույն հուզականությամբ, արտահայտչական նույն միջոցներով և նույն իդեալներով:

Սայաթ-Նովայի ծննդյան 250-ամյակի հոբելյանական տոնակատարությունը կվերածվի ժողովուրդների մերձեցման, սիրո, խաղաղության, արդարության վեհ սկզբունքների տարածման, սկզբունքների, որոնց համար մեծ Սայաթ-Նովան աշխատեց, ստեղծագործեց և մեռավ անմահության դափնին նվաճելով մեծ հանճարների շարքում:





Մ Ա Յ Ր Հ Ա Յ Ր Ե Ն Ի Գ Ո Ւ Մ

ԼՈՒՐԵՐ ՄԱՅՐ ՀԱՅՐԵՆԻՔԻՑ

Հնագիտական հայտնագործություններ.— Վերջերս Լենինականի շրջակայքում գտնվող ավազահանքերից մեկում, ավազաշերտը փորելիս, հայտնաբերվեց մի արտասովոր առարկա: Հնագետների ստուգումից պարզվեց, որ դա մամոնտի սեղանատամ է, 8 կիլոգրամ թաշով: Ատամը փոխադրված է Լենինականի գավառագիտական թանգարանը:

Լենինականի միջնակարգ դպրոցներից մեկի տնօրեն Արտավազ Մովսիսյանը, կրթությամբ պատմաբան, որը տպագրության է պատրաստել «Լենինականի պատմությունը» սկսած հնագույն ժամանակներից մինչև մեր օրերը» հետաքրքրական աշխատությունը, վերոհիշյալ հայտնագործության առթիվ հետևյալն է հայտնել.

— Նույն այդ վայրում առաջին անգամ մամոնտի ատամ է գտնվել 1841 թվականին, երբ ռուսական զորքերը, տիրելով Անդրկովկասին, սկսեցին նախկին Ալեքսանդրոպոլսում ռազմական ամրություններ կառուցել: Այդ ատամը այժմ գտնվում է Լենինգրադի Էրմիտաժում: Գրեթե 100 տարի հետո, 1934 թվականին, երբ սկսվեց Լենինականի մսի կոմբինատի (սպանդանոց) կառուցումը, ջինարարության վայրում հայտնաբերվեցին հնագույն բնակավայրի, այդ թվում նաև երկաթածուլման արհեստանոցի հետքեր, երկաթյա գործիքներով միասին: Այդ բնակավայրում գտնվեցին մամոնտի ժանիքներ երկու և կես մետր երկարությամբ: 1940 թվականին նույն բնակավայրում հայտնաբերվեցին մամոնտի կոնքոսկրներ: Այս տարվա փետրվարին գտնվեց նույնպես մամոնտի մեկ հատ սեղանատամ:

Այս ամենը, ելրակացնում է Արտ. Մովսիսյանը, հիմք են տալիս համարձակորեն ասելու, որ Շիրակի հարթավայրում ապրելիս են եղել նախապատմական մարդիկ, որոնք գիտեին մետաղից զենքեր ու գործիքներ պատրաստել և որսի ելնել նույնիսկ մամոնտների դեմ:

Շենգավիթի հնագիտական պեղումները.— Մի քանի տարի է, ինչ Երևանի արվարձաններից մեկը հանդիսացող Շենգավիթ գյուղի մոտ Հայաստանի հնագիտական ինստիտուտը պեղումներ է կատարում: Հայտնաբերվել են հնագույն բնակավայրերի հետքեր, դամբարաններ, պարիսպների բեկորներ: Վերջերս այս նույն վայրում հայտնաբերվեցին հացահատիկի հորեր, ընտանի կենդանիների ոսկորներ, կարասիներ, կավե զանազան ամաններ, կրակարաններ և այլն: Այս հայտնագործությունները նոր նյութեր են տալիս մեր գիտնականներին՝ ավելի հանգամանորեն ուսումնասիրելու նախաքրիստոնեական շրջանի Հայաստանի պատմությունը:

«Վարդանանք» հերոսապատումի բացօթյա ներկայացումները.— Այդ օրը երեկոյան բացառիկ աշխուժություն էր տիրում Լենինականի քաղաքային ստադիոնում: Բոլոր տրիբունաները լեփ-լեցուն էին: Հապարավոր լենինականցիներ սիրով ու հաճույքով ականատես եղան Երևանի Գ. Սունդուկյանի անվան դրամատիկ թատրոնի արտասովոր ներկայացմանը: Խաղացվում էր Դ. Դեմիրճյանի «Վարդանանք»-ը, որը բեմականացրել է ժողովրդական արտիստ Գ. Ջանիբեկյանը և որն արդեն 2-րդ տարին է ինչ ներկայացվում է Հայաստանի թատրոններում:

Ստադիոնի կենտրոնում պատիաստված էր վիթխարի բեմական ամրոցը, ուր տեղի էր ունենում գործողությունը, դրված էին զորավոր լուսարձակներ, միկրոֆոններ: Հարևան գլուղների կոլտնետությունները տրամադրել էին ընտիր ծիծեր դերակատարների համար, իսկ մափսքալկան տեսարանների համար հրավիրված էին մեծ թվով պիւկորներ: Ներկայացումը ղեկավարում էր անձամբ թատրոնի գլխավոր ռեժիսոր Վարդան Աճեմյանը:

Ներկայացումն անցավ բացառիկ հաջողությամբ, մեծ գոհունակություն պատճառելով հանդիսականներին, որոնք

բուռն, երկարատև ծափահարություններով էին վարձատրում դերասաններին:

Մի քանի օր հետո, թատրոնը նույն ներկայացումը տվեց կիրովականի ստադիոնում, իսկ օրերս նույնը տեղի ունեցավ Էջմիածնի քաղաքային ստադիոնում: Երկու դեպքումն էլ ներկայացումներն անցան մեծ հաջողությամբ:

Նույն ներկայացումով Սուևոդկյանի թատրոնը հանդես է գալու Արտաշատի և Ղափանի պտադիոններում:

Ֆիլմ նվիրված Վ. Սուրենյանցին.— Երևանի դոկումենտալ և խորհրդային ֆիլմերի ստուդիան նկարահանել է հայ ակնաձուլոր գեղանկարիչ Վարդգես Սուրենյանցի կյանքին ու գործունեությանը նվիրված մի ֆիլմ, որը ցուցադրվում է մեր հանրապետության կինոթատրոններում:

Դիտելով ֆիլմը, հանդիսատեսը մեծ հետաքրքրությամբ հետևում է նկարչի կյանքին և բեղմնավոր գործունեությանը: Վրաստան (ուր ծնվել է նկարիչը), Մոսկվա՝ Լավայրյան ճեմարան, Մյունխեն (ուր ավարտել է Գեղարվեստի ակադեմիան), Իրան, Իսպանիա, Իտալիա, Կովկաս, Ղրիմ—սրանք հանգրվաններ են նկարչի կյանքում, որոնք սնուցել են նրա արվեստը, օգնել կատարելագործվելու:

Վերոհիշյալ ստուդիան նախատեսել է հետագային նման ֆիլմեր պատրաստել մեր ժողովրդի մի շարք անվանի մարդկանց մասին:

Ջերմուկ բուժավայրի հեռանկարները.— Վերադառ մարմինների կողմից քննվել և հաստատվել է Ջերմուկ բուժավայրի գլխավոր հատակագիծը: Ըստ այդ հատակագծի, Ջերմուկի սանատորիաները պետք է ունենան 5 000 մահճակալ, իսկ համանուն ավանը՝ 20 000 բնակիչ:

Բուժավայրի սահմանների մեջ է մտնելու այն ջրամբարը, որի միջոցով Արփա գետի ջրերը պետք է ուղղվեն դեպի Սևանա լիճ՝ ջուրը 50 կիլոմետր երկարություն ունեցող թունելով: Ջրամբարը կունենա 135 հեկտար մակերես, սանատորիաների մի մասը կառուցվելու են նրա ափերին: Միաժամանակ ջրամբարը կծառայի իբրև ջրային սպորտի պարգևման միջոց:

Կանաչապատվելու են Ջերմուկի ջրջակա լեռնալանջերը: Ընդարձակվելու է հանքային ջրերի գործարանը: Նախատեսված են բարեկարգվան խոշոր աշխատանքներ:

Գործող սանատորիաների թիվը շուտով կավելանա ևս երկուսով, լուրաքանչյուրը 250 մահճակալով: Ընդհանուր օգտագործման լողարանների մեծ շենքից բացի, կառուցվում է մի երկրորդ այդպիսի շենք՝ 40 լողասենյակներով և հատուկ բուժարանով, որոնք պատրաստ կլինեն առաջիկա ամսում:

Ս. Տ. Գասպարյանը կինեմատոգրաֆիայի պետական կոմիտեի նախագահ.— Նպատակ ունենալով բարելավել կինեմատոգրաֆիայի հետագա զարգացման գործը, Հայկական ՍՍՌ Գերագույն սովետի նախագահության հրամանագրով ստեղծված է Հայաստանի Մինիստրների սովետի կինեմատոգրաֆիայի պետական կոմիտե: Դրի իրավասության և ղեկավարման պետք է հանձնվեն կինեմատոգրաֆիայի հետ կապված գրեթե բոլոր ծեղ: Բնականություններն ու կապակցությունները:

Հայկական ՍՍՌ Գերագույն սովետի նախագահության մեկ ուրիշ հրամանագրով, կինեմատոգրաֆիայի պետական կոմիտեի նախագահ, Հայկական ՍՍՌ մինիստր է նշանակված Սարգիս Տիգրանի Գասպարյանը:

Ս. Տ. Գասպարյանը վերջին 6 տարիներին հանդիսանում էր Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահը:

Հայկական ճենապակի.— Երևանի հայճնապակու գործարանը գոյություն ունի շուրջ 15 տարի: Նա արտադրում է բազմապիսի առարկաներ տնային գործածության և շինարարական կարիքների համար:

Այժմ գործարանում ստեղծված է ճենապակու բաժանմունք, որը ներառվում է երակառուցյ ընդարձակ շենքում: Բաժանմունքը հագեցված է ճենապակու արտադրության համար անհրաժեշտ նորագույն մեքենաներով և սարքերով:

Օրերս գործարանը ձեռնարկեց ճենապակյա իրերի թողարկմանը:

Ճենապակու համար անհրաժեշտ հումքը՝ կաղիքը ստացվելու է Սովետական Միության մյուս հանրապետություններից: Սակայն նման հումք կա նաև Հայաստանում՝ Դիլիջանի ջրջակայքում: Ներկայիս գործարանի լաբորատորիայում փորձեր են կատարվում հայկական հումքի որակը պարզելու նպատակով:

Ժողովրդական կոնսերվատորիայի մեկ տարին.— Լրացավ Երևանի ժողովրդական կոնսերվատորիայի մեկ տարին: Այն հիմնված է Հայաստանի արհեստակցական միությունների խորհրդի, կոմպոզիտորների միության և կուլտուրայի մինիստրության համատեղ ջանքերով: Կոնսերվատորիան գործում է հասարակական հիմունքներով՝ դասախոս-կոմպոզիտորներն աշխատում են առանց վարձատրության: Սովորողների թիվն է շուրջ 100 հոգի՝ բանվորներ, ծառայողներ, ինքնագործ գեղարվեստական խմբերի կատարողներ, որոնք հաճախում են երեկոները, առանց հիմնական աշխատանքից կտրվելու:

Ժողովրդական կոնսերվատորիայում սովորել ցանկացողների թիվը մեծ է: Անցյալ աշնանը, երբ հայտարարվեց ընդունելություն, Հայաստանի ամենատարբեր ծայրերից ստացվեցին ավելի քան 300 դիմումներ: Կոնսերվատորիան ունի 5 ֆակուլտետ՝ երգեցողության, դաշնամուրի, փողային և լարային գործիքների, դիրիժորական և ժողովրդական գործիքների:

Վերջերս տեղի ունեցան փոխադրական քննություններ: Ուսանողների շուրջ 80 տոկոսն ստացավ գերազանց և լավ գնահատականներ:

Կոնդ թաղամասի վերակառուցումը.— Երևանի քաղաքային սովետի ճարտարապետական խորհուրդը քննարկեց և հաստատեց քաղաքի հնագույն թաղամասերից մեկի՝ Կոնդի վերակառուցման նախագիծը:

Թաղամասը, որն ընկած է քաղաքի հյուսիսային կողմի բլրի վրա, գրավում է շուրջ 30 հեկտար տարածություն: Այդ տարածության վրա նախատեսվում է կառուցել 70 000 բնակարանի մետր ծավալով բնակելի շենքեր, որոնք կլինեն 9, 12 և 14 հարկանի: Բլրի գագաթին, թաղամասի կենտրոնում, կստեղծվի պոսայգի, ուր կլինեն ջրավազան և բացօթյա թատրոն:

Կարճ և բարեկարգ ճանապարհներով Կոնդը կկապվի Հրապղանի ձորի հետ: Վերջինս ըր հերթին զգալիորեն կբարեկարգվի, կկառուցվեն լողավայաններ, մարզահրապարակներ, սրճարաններ, ճաշարաններ: Թաղամասի բոլոր հին հյուղակները պիտի քանդվեն և կառուցվեն նոր շենքեր: Կոնդը կդառնա Երևանի բարեկարգ թաղամասերից մեկը: Վերակառուցման աշխատանքները կսկսվեն 1964 թվականին:

Ոռոգման նոր կառույցներ.— Բնությունը շատ բարիքներ է պարգևել Հայաստանին, սակայն խնայել է մի կարևոր բան՝ ջուր՝ ոռոգման կարիքների համար: Կենտրոնական և հարավային շրջանների սարահարթերում, ուր մթնոլորտային տեղումները շատ ավելի սակավ են քան հյուսիսային շրջաններում, հարյուր հազարավոր հեկտարներով բարեբեր հողեր կան, որոնք անմշակ են մնում ոռոգման ջրի պակասի պատճառով: Այս բացը դարձրել է Կոնդը արգելակել է Հայաստանի գյուղատնտեսության վարձագանգը:

Վերջին 30—35 տարում շատ բան է արված ոռոգման ջրի պակասը մեղմացնելու: Եփրատի, Թալիսի, Հոկտեմբերյանի, Արվին—Շամիրամի, Ներքին Հրապղանի, Կոտայքի, Արտաշատի և բավարարվել այլ մանր ջրանցքների կառուցման շնորհիվ հնարավոր դարձավ ոռոգելի հողերի տարածությունը ավելի քան քառապատկեր: Եթե 1920 թվականին ոռոգելի հողերի տարածությունը կազմում էր ամբողջ Հայաստանում 60 000 հեկտար ապա այժմ այդ տարածությունը հասնում է 262 000 հեկտարի: Այսպիսով, հանրապետության սահմաններում եղած ջուրը 460 000 հեկտար մշակելի հողերի կեսից ավելին ոռոգելի է:

Սակայն այս ամենը չի կարող բավարարել տարեցտարի վարձագող գյուղատնտեսության պահանջները: Եվ ահա հրապարակի վրա է դրված ջրային նոր պաշարներ հայտնաբերելու և օգտագործելու խնդիրը: Այդպիսիք կարող են լինել լեռնային գետակները, որոնք հոսում են մեր երկրի անդնդախոր ձորերով: Փակել այդ գետակների առաջը բնականորեն ավելի հարմար մասերում, ստեղծել խոշոր արհեստական լճակներ ու ջրամբարներ, կուտակել նրանց մեջ հեղեղաջրերը, այնուհետև բարձրացնել այդ ջրերը մինչև լեռնալանջերն ու սարահարթերը և ոռոգել ամայի հողերը. ահա բուն խնդիրը:

Ներկայիս Հայաստանում լայն թափ են ստացել ջրաշինարարական աշխատանքները: Արթիկից ոչ հեռու, Մանթաշի ձորում, Արագածի ստորոտին, կառուցվում է խոշորագույն ջրամբարներից մեկը՝ Մանթաշի ջրամբարը, որը պիտի ոռոգի 5 000 հեկտար նոր հողեր: Այն ունենալու է ավելի քան 6 000 000 խորանարդ մետր ջրածավալ: Սկսված է Ապարանի ջրամբարի կառուցումը, որը նույն-

պես ոռոգելու է մի քանի հազար հեկտար տարածություն: Եղեգնաձորում (Դարալագյալ), Արփա գետի վրա, անցյալ տարվանից կառուցվում է հզոր ջրհան կայան, որի միջոցով գետի ջուրը բարձրացվելու է 400 մետր վերև ոռոգվելու են Աղավաձոր, Արփա, Ռինդ, Չիվա և Շահումյան գյուղերին պատկանող ավելի քան 2 000 հեկտար անջրդի հողեր: Ջրամբարներ և ջրհան կայաններ են կառուցվելու նաև Թալիսի, Վեդու, Սիսիանի, Կոտայքի և մի քանի այլ շրջաններում:

Հետաքրքիր վիճակագրական տեղեկություններ.— Հայկական ՍՍՌ Մինիստրների սովետին առընթեր կենտրոնական վիճակագրական վարչությունը հրապարակել է հանրապետության ժողովրդական տնտեսության վարձագանգն պետական պլանի կատարման 1963 թվականի առաջին կիսամյակի արդյունքները:

Ըստ այդ տվյալների, Հայաստանի ողջ արդյունաբերությունը առաջին կիսամյակի արտադրական ծրագիրը կատարել է 102,8 տոկոսով: Նախորդ տարվա նույն ժամանակաշրջանի համեմատությամբ արդյունաբերական արտադրանքի թաղարկումը աճել է 10,3 տոկոսով, ըստ որում ամենաբարձր աճ տվել է քիմիական արդյունաբերությունը՝ 26 տոկոս:

Ընթացիկ տարվա անցած 6 ամսում հանրապետության արդյունաբերական ձեռնարկությունները տվել են. հանքային պարարտանյութեր՝ 102 800 տոննա, կաուստիկ սոդա՝ 17 400 տոննա, մետաղահատ հաստոցներ՝ 4 032 հատ, ավտոմոբիլային անվադողեր՝ 563 000 հատ, էլեկտրական էներգիա՝ 1 320 000 000 կիլովատ ժամ, պանապան տեսակի կաթեղներ՝ 5 295 կիլոմետր, էլեկտրահաղորդման լարեր՝ 53 700 կիլոմետր, էլեկտրահաղորդման այլ լարեր՝ 8 917 տոննա, ցեմենտ՝ 310 400 տոննա, բամբակե կերպասեղեն՝ 29 400 000 քառակուսի մետր, բրդյա կերպասեղեններ՝ 3 119 000 քառակուսի մետր, մետաքսյա կերպասեղեններ՝ 3 452 000 քառակուսի մետր, պանապան տեսակի գուլպաներ՝ 19 800 000 գուլգ, տրիկոտաժե վերին ու ներքին զգեստներ՝ 14 183 000 հատ, պանապան տեսակի կոշիկեղեններ՝ 3 135 000 գուլգ, պանապան տեսակի ժամացույցներ՝ 1 002 000 հատ, պանապան տեսակի պահածոներ՝ 16 200 000 տուփ, գինիներ՝ 2 177 000 դեկալիտր, օճաճ՝ 9 937 տոննա:

Վերոհիշյալ թվերը մենք բերեցինք իբրև նմուշ արդյունաբերության մի քանի տեսակների: Հարկավ, սրանցից բացի, հանրապետության արդյունաբերությունը տալիս է մեծ քանակությամբ պղինձ, մոլիբդեն, քիմիական արժեքավոր նյութեր, ալյումին, կարբիդ, էլեկտրական շարժիչներ և սարքեր, սննդամթերքներ, շինանյութեր, կահույք, հագուստեղեն և այլն:

